



22,682/A

one

TRACTATUS

DE

FEBRIBUS

TRACTATUS

DE

FEBRIBUS

TRACTATUS


TRACTATUS

TRACTATUS

TRACTATUS DE FEBRIBUS ANTONII FIZES

REGIS Consiliarii & Medici, nec-non
in almâ Monspeliensium Medicorum
Academiâ Chymixæ Professoris, in ce-
lebri Juris Facultate Matheseos Pro-
fessoris antiqui, nunc Serenissimi Du-
cis Aurelianensis Medici primarii.

*Editio quarta aliis verè correctior &
emendatior.*



HAGÆ-COMITUM,

Sumptibus PETRI DE HONDT, Ty-
pographi & Bibliopolæ.

M. DCC. LIV.



1751



HAGG-COMITUM

Impressas Petri De Hondt, Typ-
ographi & Bibliopoli.

M. DCC. LII.



TRACTATUS DE FEBRIBUS.

CAPUT PRIMUM

De Febre in genere.



EBRIS, morbus omnium frequentissimus, vitali principio directè adversus, atque sive per se afficiat morbusque essentialis sit, sive alterius morbi existat effectus seu Symptoma, majorem mortalium partem de medio tollens, à verbo sabino veteris latinitatis *Februo*, id est depuro (a) forsan dicta est. Ea autem à Græcis appellata fuit *Puretos* à voce *Pur*, quæ ignem significat, quod Febrientes ardere plerumque videantur, ipsiusque essentiam Prisci in calore val-

A

(a) Vid. Dictionar. vet. Latinitatis Laurentii.

dè accenso & præternaturali reposuerint.

Ut ut autem morbus frequens adeo à Medicis observetur , intereà tamen nequè de notis ejus caracteristicis constat apud eos nequè de ejus essentiâ. Quippè quòd alii Febrem per calorem præternaturalem determinant , ut *Fernelius* cum Priscorum turbâ , alii verò neutiquam. Et sanè præternaturalis ille calor Febrem non ponit , cùm is sæpè observetur sine Febre , & vicissim afficiat sæpissimè Febris ipsa sine calore , ut ingruentibus pluribus Fébribus continuis earumve exacerbationibus , ut initio accessionum Febrilium , ut in nonnullis Febribus malignis , epidemicis & castrensibus , *Algidis* vulgo nūcupatis ; cùm etiam in Febribus malignis calor à naturali non multum abscedere soleat , imò sæpè ei similis sit.

Quærendum itaquè signum Febris Pathognomonicum , de quo non ambigat apud Medicos. In eo autem consentiunt Practici omnes toties ægros febrire , quoties observatur in eis frequentia pulsus cum læsione in functionibus notabili. Quamobrem definienda Febris practicè *Pulsus frequentia præternatu*

ralis, seu, quod idem est, pulsus frequentia, cum notabili & constanti functionum lésione.

Quæ cùm ità sint non minùs ponetur Febris sive frigus corpus occupet, sive calor illud afficiat adauctus, licet calor febris frequentior comes sit.

Febris verò causa continens est *frequentior cordis contractio unâ cum difficili sanguinis transitu per vasa minima*; ità ut conditio utraque simul desideretur semper præsens; cùm enim tantum alterutra præsens est, nulla adest Febris; contractionum enim cordis frequentia observatur post exercitia, comestiones, in irâ &c. sine Febre; sæpèque difficile fluit sanguis per vasa minima ut in animi defectu, gangrænâ, inflammationibus nonnullis, absquè etiam Febre.

Assignandæ igitur statim causæ generales, quibus fiat, ut binæ hæ conditiones exsuscitentur ex necessitate nimirum frequens cordis contractio, difficilisque sanguinis transitus per vasa minima.

Ææ autem ad capita duo revocantur, nimirum ad certos stimulos & ad certas sanguinis dyscrases.

Et 1°. Quidem cùm aliqua pars ,
 membranea præsertim aut ligamentosa
 aut tendinea , & in genere cùm pars
 quæcumque five ex flaminum nerveo-
 rum copiâ five ex ingenitâ ipsorum in-
 datâ partetensione plurimùm sensibilis
 graviter defatigabitur ac dolorificè, suc-
 cutietur proptereâ magisque tendetur
 totum systema nerveum , fluido nimi-
 rùm nervorum abundantius ad flu-
 xum hisce succussionibus intensis &
 inassuetis è cerebro ad partes quibus
 nervi prospiciunt determinato , tùm
 exinsecretione ejusuberiori exsuscitatâ
 ob resistantiam nimirùm ex concitato
 uberiori effluxuimminutam intractibus
 nerveis medullaribus tùm cerebri cùm
 nervorum (Prout videmus in quibusvis
 colatoriis secretiones adaugeri , cùm
 vasa excretoria facilius eructant , porrò
 nervi ut cerebri excretoria vasa spectari
 possunt) tendentur ergò solito magis
 fibræ omnes , æque imprimis , quæ
 spontaneis motibus indefinenter vacant,
 ad quas scilicet via magis trita est. In-
 de actio intensior solidorum , cordisque
 præcipuè & arteriarum (quorum mo-
 tus vegetus perennis est) quâ quidem
 sanguinis moles ulterius exagitabitur ;

ea igitur magis rarefcet organaque omnia præter modum confuetum tendet, hinc adaugebitur eorum actio & vigor; fic ut ea omnia per actionum inter folida & fluida reciprocationem magis & magis increfcant, vegetiùs nimirum propellatur fanguis à corde, & in id vegetiùs è fanguiferorum fyftemate exprimatur, hinc contractio cordis citatior, frequentior, adeòque frequentior pulfus. Quoniam autem commotus nimium & rarefcens fanguis vafa minima pervadit difficilè, nonnulla eorum, quæ debiliora fuerint, vel quæ forfan constrictiõibus fpafmodæis ex influxu valido fluidi nervei non æquabili concitatis ftrictiora evafere, fanguinem vix transmittent aut nullatenùs, dùm cætera fic non affecta libera erunt ad transmittendum, undè cordis ad frequentiores contractiões incitandi altera ratio, prout inferiùs declarabitur; tuncque aderunt conditiones ad Febrim requifitæ, ità ut cum frequentiâ pulfus functiones læsæ fint.

2°. Si à quâcumque fanguinis dyscrasii inferiùs assignandâ vel etiam à causâ aliquâ topicâ obstrui derepentè evenerit quam plurimos arteriolarum fines

reliquis intereà majori numero liberis remanentibus, ventriculis cordis opponetur protinùs resistentia, hi enim in omnibus vasis contento sanguini contrahuntur, hinc sæpè franguntur in principio vires cordis, pulsusque non nunquàm debilitatur, imò accedent interdùm animi defectus, prout observamus interdùm inguentibus Febribus quibuscumque cum frigore.

Verùm ex illatâ cordi eâ resistentiâ ventriculi ejus sanguine se minùs liberantes tendentur ulteriùs toto tempore contractionis à sanguine nimirùm ad impulsum minùs obsequioso neque ab eorum cavo expulso, hinc tensio major solito in Fibris cordis se contrahentibus, & in sanguinem resistentem nimis velut in corpus durum nitentibus seque applicantibus, succussio proinde magna & inassueta staminum nerveorum cardiacorum ac ex necessitate nervi fluidi influxus uberior ac celerior, hinc vires majores, & incitatæ in restitutione ventriculorum cordis, hinc cor validiùs & celeriùs nitetur ad sui contractionem. Cùm intereà sanguinis in arterias expellendi resistentia non sit insuperabilis, nec adeò fluxilitate exutus

sit sanguis , ut ab eo fluidum nerveum
 in cerebro vix secernatur (secus super-
 veniret syncope, prout in principio exa-
 cerbationum Februm malignarum quæ
 syncopales dicuntur , non nullarumque
 accessionum intermittentium Februm,
 in quibus frigus tantum occupat corpus
 & eò usque sanguis inspissatus est ut è
 corde vix diffluere possit , vixque se-
 cernatur fluidum nerveum, observatur)
 exprimetur è corde sanguis , & quidem
 parvâ copiâ si resistantia insignis exti-
 terit , undè cordis parietes , ventriculis
 parùm evacuatis , parùm ad se acce-
 dent , hoc est minùs solito in contrac-
 tione percurrent spatium ; porrò cùm
 in minori eo spatio percurrento minùs
 infumatur temporis , contractio cordis
 celerius erit peracta, ergò arteriæ venæ-
 quedilatabuntur celerius, (minùs tamen
 ob receptam minorem à corde sanguinis
 copiam) hinc celerius restituentur ea-
 rum tunicæ & quidem minùs easdem
 ob rationes , ergò , cùm de cætero vasa
 omnia sanguine plena sint & ad ejus
 copiam accommodata, venosus sanguis
 celerius appellet ad cor & in minori
 copiâ, & quidem in ejus ventriculos in-
 fluet sanguine quo penitus se liberare

non potuit velut turgidos, hinc cita dilatatio & magna, cum magnâ tensione, hic cita eam excipiens contractio cum magno nisu & labore cordis. Ex quibus omnibus, imminutis imò cordis & vasorum sanguineorum, aut etiam ob nimiam sanguinis resistantiam velut elisis viribus sæpiùs contrahetur cor, sæpiùsque dilatabuntur arteriæ, hoc est pulsus erit frequens celer & unà parvus ut tempore febris Febrilis observatur.

COROLLARIUM 1. Ex parvâ hoc est parùm extensâ in morientibus cordis quamquàm debili contractione fit ut in eis debilis pulsus frequens tamen & celer nonnunquam percipiatur.

COROLLARIUM 2. Ad cordis contractionum frequentiam & celeritatem non requiritur absolutè & essentialiter vis cordis adaucta. Practicis omnibus illud notum est.

Jàm verò continuatis prædictis contractionibus cordis & arteriarum, itâ tandem succutitur sanguis ac evolvuntur materiæ Febrilis particulæ activæ in viscido antea delitescentes, ut is in rarefcentiam ducatur qui priùs à materiâ Febrili fuerat inspissatus; vel interdum à materiâ Febrili naturæ actuosæ.

sanguis in excandescentiam protinus agitur nullâ inspissatione prægressâ (nam ut Febres plurimæ ab inspissatione sanguinis incipiunt, sic & non nullæ cum æstu ingruunt) cùm autem in rarefactione ita constitutus est sanguis, sive ex inspissatione præviâ vascula nonnulla obstipata adhuc remanserint, sive ex rarefactione ipsâ nonnulla obstipentur, & omninò si sanguinem sive inspissatum sive rarefactum fluere difficilè per vasa plura minima subitò contigerit, non fractis tamen ad magnum gradum cordis & arteriarum viribus (contingit autem in Febribus, prout ostendunt horripilationes, dolores obscuri vel etiam acuti in partibus, tumores inflammatorii sæpiùs excitati, hæmorrhagiæ, aliaque Febrilia Syptomata) frequentiam pulsûs suscitari unâ cùm læsione functionum toties eveniet. Permeat etenim partes sanguis, cùm vitâ vivant, arteriolæ igitur plures transmittunt, dùm reliquæ sunt obstructæ: ex arteriolis autem lymphaticis, aliæ magis, minùs aliæ obstipatæ sunt, prout ex difficili sanguinis transitu per arteriolas minimas aliæ magis aliæ minùs neutiquam aliæ sanguinis globulos

aut partes Fibrosas admiserunt, aut prout à materiâ Febrili inspissante earum orificia magis aut minùs aut nullatenùs fuere obstructa , universim tamen arteriolæ lymphaticæ sanguineis ut pote artiores magisque debiles obstructionem eis longè plures patiuntur. Sanguis ergò qui per sanitatem sub formâ duplici rubri nimirum & serosi fluidi ab arteriolaris sanguineis in venas confluit per easque ad cor remeat , partim nimirum per continuos sanguiductus partim per protractos ab arteriis in venas ductus lymphaticos jam per arterias nonnullas sanguineas pluresque adhuc lymphaticas à transitu libero arcetur. Cùm autem intereà exerceantur cordis vires & arteriarum quin & ex resistentiâ (quæ non supponitur invincibilis) in memoratis arteriolaris sanguineis & lymphaticis obstructis ac ex collecto fluido plurimùm tensis subortâ proritentur & incrementum ex tensione nimirum ulteriori in eis excitata , sanguinem ad venas per ductus pauciores ac antea trudendum fore consequitur, truditur autem ut ostendit vita partium , quare fluenti celeritate com meatus momentum compensari tantum potest ; crescit ergò celeritas cursus

sanguinis in arteriis liberis ad venu-
 las tendentis , eaque sanguini venoso
 imprimitur. Verum aliâ quoque de causâ
 crescit per cava systematis totius venosi
 cursus sanguinis celeritas , quod nimi-
 rum fluidum arteriarum sanguinearum
 transmittatur fermè totum in venas sub-
 fluidi rubri seu sanguinis formâ vix au-
 tem aliqua ejus portio sub formâ lym-
 phæ ob obstructas quam plurimas arte-
 rias lymphaticas , ea igitur de causâ
 sanguinis arteriosi portio serosa abin-
 gressu lymphaticorum exclusa insolito
 ac celerius in venarum cava influet ,
 cum nec tam longum ac antea percur-
 rat iter , perque sanguiductus abrepta
 longè currat celerius quam per lymph-
 tica in quibus lentiori sanè gressu pro-
 cedere solebat.

Jàm verò sanguinis moles quæcum-
 que data per arterias magnas liberas ad
 partes obstructas appellit , vigent nam-
 que aut saltem ab exercitio non ces-
 sant vires cordis & arteriarum , uberior
 autem solito per sanguiductus exiguos
 fluidi copia & quidem celerius , ut jam
 probatum est , in venas trajicitur ; hinc
 citatior ad cor sanguinis reditus , cor
 ergò in dato tempore dilatatur pluries ,

pluriesque ad systolem stimulatur contrahiturque, hinc pulsus frequentia cum difficili sanguinis transitu per vasa minima, hoc est Febris.

COROLLARIUM. frequentia contractionis cordis simulque difficilis sanguinis transitus per vasa minima, ideam Febris absolvunt.

Crescit interea in arteriis, venis & corde sanguinis moles & ea quidem quantitate, quâ sanguinis arteriosi portio lymphatica ab influxu in arterias lymphaticas libero solitoque prohibetur hinc cor & arteriæ venæque sanguine magis turgent, undè deinceps pulsus solito amplior. Sed ex dilatatione eâ ulteriori tenduntur magis cor arteriæ venæque, fiuntque robustiores (prout elater magis, non tamen ultrâ modum, tensum restituendi se vim majorem adipiscitur) tum & à sanguine succussis magis staminibus nerveis ut pote magis tensis uberiùsque influente fluido nerveo ad contractionem muscularem magis proritantur, hinc crescunt cordis arteriarum imò & venarum vires trusivæ vehementioresque sunt, quibus quidem plurimùm adaugetur trusivi intestinique motus sanguinis

guinis momentum, undè pulsus frequentior adhuc, validior, magis plenus, Febrisque intenditur.

Ut autem in statu fluidorum febrili obstruuntur arteriæ lymphaticæ, ita & eisdem de causis obstipantur ductus secretorii plures, quæ omnia demonstrantur ex nonnullis Febrilibus symptomatis, ut inferiùs declarabitur. Succedunt autem ex obstructis ita subito ductibus secretoriis, & sanè easdem ob rationes mechanicas, quæ in sanguinis circuitu ex obstructis subito arteriolis lymphaticis super venire jam fuit demonstratum, sanguinis celerior ad venas appullus, moles ejus adaucta in sanguiferis: reditus ad cor celerior, Febris.

Quæ cum ita sint, & quæ observantur apud ægros ea nobis undequâque que conclament, sequens ponemus **COROLLARIUM**. In Febre quâvis fluidorum longè major moles transcurrit per vasa sanguinea (spectando idem & datum corpus febriens comparatum cum eomet cessante Febre) his autem defraudantur aliquantùm vasa lymphatica tùm & secretoria universim saltem spectata; laborant plu-

rimùm cor & sanguifera; velut otiantur vafa reliqua , quam plurima refcunt colatoria vel fluidi lentore obftipantur. Nec fit fatis nutritio. Nec Fibris minimis debitus conciliatur tonus. Undè quamplurimum fymptomatum in Febris observabilium productio , & explicatio eorum facilis nec hypothetica.

Ex præfatis confequitur in genere triplici modo Febrem pronafci. Nimirùm 1^o. Aut excitatâ primariò contractionum cordis frequentiâ fubfequente dein difficili fanguinis progelfu per vafa minima ; ità fufcitatur Febris à doloribus ac ftimulis nihil fpafmodæi procreantibus abfque antecedente etiam fluidorum ullo vitio. 2^o. Aut ftatim excitato difficili fanguinis tranfitu par vafa minima fubfequente poftèa frequenti cordis contractione ; ità fufcitatur sæpè Febris à fluidorum vitiis nonnullis etiam abfque doloribus ullifve ftimulis antecedentibus , & tunc ponuntur Febres , quas *Humorales* dicere placuit. 3^o. Aut cùm excitantur unâ frequentior cordis contractio fanguinisque tranfitus difficilis per vafa minima ; ut cùm ex ftimulis

tantum, spasmodicè constringuntur vasa plurima simulque totum commoveatur genus nerveum, aut cum concurrunt una & stimuli & fluidorum vitia.

Quæ omnia sedulò notanda à Junioribus Medicis ad praxim feliciter exercendam. Et Febris nulla est, quæ non aliquo ex his tribus modis suscitetur. Ea docet sedula apud ægros observatio, nullâ habitâ aut hypotheseos cujuscumque aut authoritatis ullius ratione, quibus sanè observatio superior existit.

COROLLARIUM. Errant profectò, qui in Febris Theoriâ ponendâ, unicum quærunt modum ex quo cor frequentius contrahatur; ægri siquidem contrarium edocent.

Ex præfatis colligitur quoquè Febrem interdum excitari cum adauctis cordis & sanguiferorum viribus, ut in quamplurimis Febribus ortis ab stimulis, ut in Febribus ardentibus aliisve acutis tempore caloris seu pyrexiae; interdum cum eis imminutis ut tempore frigoris Febrilis, ut in Febribus hecticis cum dejectione universali virium. Verum quo pacto debilitatus motus cordis Febrilis intendatur dein-

ceps necessariò ex causa datâ Febris materiali in sequentibus fusiùs declarabitur , nimirùm in capite de Febre putridâ. Jàm verò cùm Febres, quæ frequentius curandæ occurrunt , sint quædicuntur *Humorales*, quæ nimirùm à massæ sanguinæ vitio dependent , quid sit *Materia Febrilis* sciendum.

Per materiam febrilem intelligunt Medici causam materialem febrium humoralium, quæ nimirùm perstant donec ea materia è sanguine abierit aut per excretionem è corpore absolutam , aut per expulsionem ejus extrâ vias sanguinis circulationis, videlicet in vasa lymphatica aut secretoria omnimodam ablegationem.

Materia Febrilis in genere fluidum est aliquod aut miasma vel in corpore genitum vel susceptum ab extrinseco , ejus vitii eæ sunt conditiones , ut vel protinùs sanguinem in rarefcentiam constantem concitet, vel inspisset eum eò tamen usquè ut partes sanguinis integrantes in seinet coactæ ità vi cordis & sanguiferorum sejungi possint ut sequatur rarefactio, nisi æger in frigore Febrili occumbat, quod aliquandò contingit.

Materia febrilis quadruplex est, nimirum fluidum vitiosum è primis viis per chyli vias sanguini suffectum; fluidum vitiosum ex cohibitâ secretionē aliquâ aut excretionē in sanguine emergens; fluidum ex suppurante aut corrupto diversis modis organo, aut è corrupto fluido effuso alicubi stagnante & sensibilibiter collecto ut pure, ut aqua hydropicorum nonnullorum, sanguini accedens; & fluidum, vel si volueris miasmatum congeries, ab extrinseco ab aëre putâ infecto aut corporibus corporis humani ambitui immediatè applicatis, velut vesicantibus, corrosivis, & similibus, sanguini suppeditatum. Nullaque est materia febrilis, quæ ad aliquam ex prædictis non reducat. Proindè nulla febris datur humoralis, hoc est ex inquinato sanguine producta, quæ non ex aliquâ ex his materiâ oriatur foveaturque. Intercà notabimus materiam febrilem duplicem frequentius apud ægros observari, nimirum pravos succos è primis viis sanguini suppeditatos & purulentum liquamen ei reductum. Quare febres humorales ab alterutrâ ex his duabus materiebus febrilibus aut

utrâque simul pronatæ cæteris longè frequentiores sunt.

Febres autem cæteræ , quæ non sunt humorales , à vitio nimirum sanguinis per inquinamentum inducto dependentes , existunt semper absquè materiâ febrili , & à validis sistematis nervei commotionibus unicè dependent , talis est febris acuta à panaritia , à puncto tendine aut nervo , à supuratione fiente & dolirificâ , tales sunt febres omnes productæ simpliciter ab stimulis (hic fumo stimulum in latâ significatione) illis quippè cessantibus cessat febris illicò ; sique eis ablatis ea perseveret , tunc producta fuit in corpore ab excandescentiâ febrilli præcedente materia aliquâ febrili ex tribus prioribus designatis , febrisque tunc facta est humoralis. Ea omnia edocet apud ægros observatio constans.

Proximum jam foret , ut febrilia enarraremus symptomata eaque ex statuta prius causâ continenti potissimum deduceremus ; verum explicationem eorum ad sequentia ablegare consultius nobis visum est , quando nimirum febres speciatim pertractabuntur , præter quàm enim quòd ea in febre qua-

vis non eadem existant, plures occurrunt quoque circumstantiæ ex quibus symptomata varia emergunt, in eo autem capite generalia & quæ febris essentialia sunt tradimus. Cum interea functiones à motu cordis fluidorumque per vasa minima transfluxu potissimum dependeant ac regantur, liquet in genere mutato motu cordis per frequentiam fluxuque fluidorum per vasa minima factò minùs libero functiones lædendas fore primo intuitu perspicuum fit, quod jam sufficit.

Causæ febris remotæ innumeræ sunt, præter enim res necessariò afficientes, quæ sub sex rerum non-naturalium titulo comprehendendi solent, dantur & fortuitæ ut balnea, unctiones, compressiones, sectiones, puncturæ, distractiones, divulsiones, acria ingesta vel externè applicata, pus, ichor, sanies, & alia quamplurima inferiùs enarranda. Quæ quidem causæ omnes vel vices agendo stimuli (sumendo stimulum in latâ significatione hoc est ut corpus quodvis stamina nervea plurimum concutiens vel per se vel per accidens) vel materiam febrilem progenerando aut excitando, febrem sem-

per producant prout in speciali febrium tractatione declarabitur.

COROLLARIUM. Modo quintuplici excitatur à causis remotis causa febris continens seu febris ipsamet pathologicè sumpta nimirum aut per stimulos aut per aliquam ex quatuor expositis materiebus febrilibus.

Illud Corollarium est practicum , ac ei benè attendant Medici juniores.

Cùm in Febre accensâ intendantur vires cordis & sanguiferorum, tum & fluidi sanguinei vires agitativæ ei intrinsecæ accrescant , fiet cùm materiæ febrilis causa erit inspissans , ut tunc febris spectari poterit veluti earum potentiarum molimen (in quo tamen sæpè succumbunt , imò ab arte adjunctæ) ad discutiendum hærens in vasis minimis obstaculum tendens. Et in eo sensu molimen illud vocari poterit naturæ opitulatricis. His namque viribus pellicitur fluidum sanguineum materiâ febrili inquinatum, atteritur, subigitur, sic ut tandem factum fluxilius arteriolas quasque liberè pervadat serumque in lymphatica & quosvis ductus secretorios liberè dimitat , tùm quod ejus erat superfluum videlicet antea ulterius

retentum in sanguiferis aut etiam inemendabile ex materiâ morbificâ ei in hærente immutabili, per vias aut alvinas, aut cutaneas, aut renales, aut salivales, aliasve è corpore ut nocivum excernatur vel illud inemendabile materiei febrilis fero dilutum in ductus lymphaticos aliosve secretorios ablegatur velut extrâ sanguinis circulationis vias, remanens tamen in corporis parte aliquâ velut incuneatum. Ità sanè tollitur febris à potentiis prædictis, cum ab inspissante materiâ febrili producta est: ità Crisium theoriæ lux assertur,

Verùm si materia morbifica spectetur minimè ut inspissans, sed tantùm ut sanguinem rarefaciens, imò magis si febris à materia morbificâ ullâ non pendeat, molimen illud non opitulatricis verùm destructricis naturæ habendum semper erit; quippè quod prædicti motus omnes febriles in ruina totius corporis unicè conspirent, minimè verò ad expulsionem aut emendationem causæ conferant, quin potius intendant ejus actionem; observamus enim actionem fluidorum & solidorum adauctam corpusculorum rarefacientium vires viresque stimulorum inten-

dere, vel saltem corpus magis exinde disponi ad ulteriùs ex his causis patiendum. Ità si febris à puncto tendine aut nervo aut aponevrosi, ità si ab intenso dolore panaritii, ligaturave aliquâ molesta pendeat; quid conferet molimen febrile? nonne tendet unicè ad corporis ruinam ut experientia demonstrat? sed transversim seca tendinem aut partem ejus punctam oleo therebintinæ calido imbue, aut arctam solve & dolorificam ligaturam, febris sedabitur.

COROLLARIUM. In priori casu spontanei motus febriles interdùm semetipsum curatores sunt, sæpiùs ruinam inferunt cùm sibimet relinquuntur, undè arte opitulatrice indigent ut plurimùm, in casu posteriori destructores semper sunt, & semper arte indigent, eorumque causæ aliundè quam à vi febris amovendæ.

Febris per frequentiam pulsus cum læsione functionum quâcumque cognoscitur; nec interest an adsit calor an frigus; an caput doleat nec ne; an plura an pauciora adsint symptomata, & quæ. Sufficit ut cum frequentia pulsus symptomata pronata fuerint.

Febris ex naturâ suâ periculosa exis-

tit , impugnat namquè directè principium vitale, quod à sanguinis periodo semper dirigitur ; cùm frequentia motûs cordis, difficilisque per vasa minima sanguinis progressus circulationi adversentur, quæ ad vitam perennandam pacatè & liberè perfici debet. Sunt tamen febres aliæ aliis periculosiores, prout inferiùs declarabitur, dantur & vix periculosæ ità ut absquè periculo pronuntientur. Febris, sed per accidens, morbos alios graves interdum sanat atterendo nimirum ac velut consumendo materiam eorum morbificam eamve è corpore eliminando ; verum sanatio hæc fit semper cum periculo. At cùm morbus is periculosior sit interdum ipsâ febre aut magis contumax aut difficilior sublato, ideò superveniens febris tunc habetur ut optatior, & cùm morbus prior solvitur, hæc salutaris nomen interdum, accipit, morbiq; alterius medicatrix habetur.

Cùm in febre, ut patet ex prægressis detur plenitudo nimia sanguiferorum, fluida nimirum præcluso in vasa lymphatica & secretoria aditu libero cum jam solito copiosius in sanguiferorum systemate retineantur, corque & san-

guiductus plurimùm laborent cum metu
 ruptionis in minimis aut cohibitionis
 sanguinis per ipsa tranfluxus adeòque
 inflammationis , quæ in febribus adeò
 familiaris est , ideò imperanda in ge-
 nere diæta parca & tenuis , quò chyli
 copia minor in sanguifera influat , si-
 mulque fluxilior suggeratur sanguini
 qui inspissatur ut plurimùm à materiâ
 febrili , quique proin diluendus est.
 Quoniam insuper in febre succi diges-
 tivi vitiosi sunt , & organa chylopæa
 ex febre laborant , digestionefque id-
 circò malè perficiuntur , tantò magis
 quò sæpiùs pravus in primis viis præ-
 tens est præviis succorum apparatus ,
 ideò & eâ etiam ratione ab alimentis
 solidis abstinendum , ne causa febrilis
 ex parte primarum viarum aut nova
 progerminet aut jam præsens augetur.
 Fit ex his omnibus ut febrientes ad
 jufcula reduci soleant ; qui insimul
 aqua solâ vel ptisana aliquâ diluente
 imò sæpè refrigerante potandi.

Verùm cum periculum sit in mora ,
 turgidaque nimis sanguifera ab onere
 molis fluidorum exuberantium citò le-
 vanda sint ne succumbant præsertim
 minima , fiantque inflammationes in
 visceribus

visceribus sæpè lethales, insimul cùm
ad id opus præstandum nullum missio-
ne sanguinis efficacius ac magis expedi-
tum adsit auxilium, ideò venæ sectio
in febribus adeò familiaris est præser-
tim morbi initio ac plerùmque pluries
repetita. Ubi quidem animadverten-
dum febrientes in lecto velut sine vi-
ribus jacentes missiones sanguinis plu-
rimas ferre valentiùs iis, qui non fe-
bricitant licet viribus magis polleant,
eosque postremos à sanguinis missione
repetitâ in languorem virium febrien-
tibus longè plus projici, quòd nimirum
vasa sanguifera nimis fuerint inanita
flaccidaque ac velut enervata evaserint;
secùs in febrientibus, quorum sangui-
fera nimiùm abundant fluido, hinc à
missione sanguinis etiam repetita eri-
guntur eorum vires. At etiam notabi-
mus à missione sanguinis abstinendum
esse in frigore febrili, secùs, æger in
lypothimiam incidit aut syncopem, aut
saltem dejectus valdè viribus fit. Quod
sanè significat vires cordis & sanguife-
rorum imminutas tempore frigoris fe-
brilis, licet pulsus frequens sit, undè
ut & ex plurimis casibus liquet pulsus
frequentiam non opponi ejus debili-
tati.

Pariter & easdem ob causas funestoque aut saltem graves futuros eventus non secunda vena in febre lentâ consumptis ejus levaminis gratia ; cùmque fecatur illud sit ex necessitate ob imminens nimirum ex supervento aliquo symptomate periculum vel ob morbum ei complicatum, qui missionem sanguinis exigit; mittitur intereà sanguis cum cautelâ & parcâ manu, virium namque lapsus ex eâ missione sanguinis semper sequitur, languetque magis æger. Missio sanguinis celebranda potissimum in akme febrili nimirum cùm æstuat corpus sæviuntque symptomata maximè autem in exacerbatione, aut accedit symptoma inflammatorium; nec obstat sudor interdum copiosè effluens modò fuerit symptomaticus, qui timidos & ignaros interdum avertit à sanguinis missione cum malis ægri rebus.

Verùm cùm febres è pravorum inprimis viis succorum apparatu indèque pronato in massa sanguineâ inquinamento ut plurimum quæ tractandæ occurrunt originem trahant, indèque foveantur; hinc incunctanter, quandò semel per venæ sectionem, diætam & potum largum aquosum aut etiam re-

frigerantem febrilis æstus paululùm remiserit, absque morâ, inquam, purgandus æger aut per superiora aut per inferiora, prout casus exegerit, iterandaque deinceps identidem cathartica plùs minùsve juxtâ necessitatem, quò materia febrilis exuberans & inemendabilis foràs eliminetur. Ubi quidem admonemus minimè expectandam esse materiæ febrilis coctionem hoc est attenuationem commissam naturæ id est febrì ipsimet, ut antiqui agere solebant, observatio namque docuit nos illud fieri solere cum malis ægri rebus, sic ut hinc inflammationes viscerum accedant lethales, aut si morbus curetur, progignantur abscessus, sæpiùsque in visceribus, cùm ægri deinceps aut inter necione lentâ aut convalescentiâ anticipi, difficili, laboriosâ. Hinc fit ut cùm purgemus ab initio morbi, turbemus sed cum bonis ægri rebus progessum materiei morbificæ, nec ut antiqui observemus dies criticos, nec superveniant crises frequentes ut olim. Scimus namque per experientiam certam in febribus accutis minimè fidendum esse naturæ, artem autem multùm exercendam etiam ab initio, si ægros plures ab orco

velimus remove. Undè illud adagium hîc apprimè locum habet, *Principiis obsta, sero medicina paratur*. Et sanè præter experientiam rationi consentaneum est semper imminuere etiam ab initio febris causam ne in illâ expectatione vanâ naturæ opitulatricis ægrum videamus à febre interim cum artis opprobrio.

Verum quidem est per cathartica in morbi principiis adhibita plerùmque materias valdè fluidas tantùm expurgari, ità ut ab spissamento materiei febrilis sanguis non liberetur, morbumque proindè protinùs non debellari sed procedere suaque percurrere tempora, intereà certum est eum infringi aliquatenùs, si enim ab initiis cathartica omîssa fuerint, observamus ægros in summo versari periculo & occumbere quamplures invitâ arte quamquam optimâ.

Præter autem diætam missionem sanguinis, & purgationem, quæ auxilia universalia apud febrientes audiunt, ægris ejus modi opitulandum quoque est sæpiùs refrigerantibus & diluentibus, imprimis cum æstus aut acrimonia eos valdè divexat, hinc expotandæ ptisana, emulsionatâ, aqua pulli junioris, pti-

sana oryzæ, hordei & similibus interdum etiam sed infrequentius in nostrâ regione aqua nitrosa; quem etiam in finem præscribimus etiam acida præsertim cum æstus summus est ut sirupum de limoniis, de granatis, sulfuris spiritum ad gratam aciditatem in aqua aut ptisana aliquâ refrigerante additum, item julepos refrigerantes & interdum edulcorantes, in quibus dilui solent aut sirupi acidi memorati aut sirupus de nymphaea, ut & emulsiones cum prædictis sirupis. Quod autem febrientes dolore anxietate sæpius laborant aut somno difficili, ideò in eis curandis narcotica sæpius præscribuntur, ut sunt laudana, sirupus papaveris albi, quæ emulsionibus sæpè aut julepis sociantur, & plura alia opiativa.

Ad alvum autem liberam servandam vel etiam interdum ad temperanda aut humectanda viscera enemata magni usus sunt magis aut minus laxantia vel humectantia simpliciter aut refrigerantia, aliave.

Sunt & alia diversi generis auxilia quæ in febribus pro re natâ adhibentur, quæque nonnisi in speciali eorum historia indicanda sunt. Inter hæc autem

dantur velut specifica quæ ideò febrifuga dicta fuere, interquæ eminet cortex peruvianus, quorum usus etiam speciatim declarabitur; in eo enim capite generalia duntaxat circà febres afferre fuit animus.



CAPUT SECUNDUM.

De differentiis Februm.

IN assignandis febrium differentiis inanes disputationes non attingemus, verùm quæ magis proficua Medico nobis visa sunt in medium afferre juvat.

Quare 1°. Febres vel continuæ sunt, vel intermittentes. *Febris Continua* dicitur, quæ non cessat donec penitus fuerit debellata.

Intermittens autem, quæ ut ut cessare visa sit, redit iterùm & quidem ut plurimùm pluries.

Febris continua vel est febris brevis simpliciter, vel acuta vel lenta.

Febris brevis simpliciter ea est, quæ intrà dies aliquot terminatur sine periculo. Ut febris ephemera, synocus simplex, item febris ex fiente suppuratione in parte externâ carneâ pronatâ.

Febris acuta ea dicitur, quæ citò & cum periculo sua percurrit tempora. Extendi solet ad diem 14^{um}. interdùm ad diem 21^{um}. tuncque dicitur *acuta extensa*. Dicitur deinceps *acuta per deidentiam* ad diem 40^{um}. sed non ultrà. Tales sunt synochus putris, febris maligna, febris ardens, febris ex inflammatione visceris alicujus aut etiam partium externarum graviter affectarum præsertim tendinearum aut ligamentosarum pronatâ febris ex vehementi, ut periculosâ ratione loci affecti, suppuratione fiente excitata.

Febris lenta ea dicitur, quæ diù durat & ad minùs plùs quam dies quadraginta. Ut hectica, aut lenta quævis ex parte suppurante aut viscere obstructo dependens.

Febrium intermittentium species antequàm attingamus notandum duplicem in eorum curriculo occurrere statum alterum in quo febris præsens est, alterum in quo neutiquàm. Prior nuncupatur *Accessio* vel *Accessus Febrilis*, posterior *Intermissio*.

Jàm verò cum typus ex accessionibus duabus & intermissione constitutus varius sit in intermittentibus, ideò plu-

res constituuntur febrium intermittentium species.

Ita febris intermittens dicitur *Quotidiana* cum singulis diebus accedit accessio.

Tertiana cum alternis diebus. *Quartana* cum quarto quolibet die computando ab una accessione ad sequentem inclusivè, undè in febre quartana inter accessionem utramque dies duo liberi sunt à febre. *Quintana* cum quinto die, adeoque dies tres liberi sunt à febre, & sic porro aliæ intermittentes denominationem suscipiunt. Prædictæ febres propterea dicuntur *Periodicæ*. Cum autem intermittens febris nullum observat typum sive ordinem in suis accessionibus, nec ideò periodica est, nominatur *Erratica*.

Prætereà febris intermittens periodica dicitur *Duplex quotidiana* cum intra diem hoc est viginti quatuor horas duæ observantur accessiones. *Duplex Tertiana*, aut cum diebus, quibus redire debet accessio tertianæ, duplex observatur accessio, dum dies intermedia ab accessione omninò libera est, aut cum singulis omninò diebus (quod contingit frequentius) recurrit accessio, ita

tamen ut accessionis tertiæ diei initium respondeat quoad horam initio accessûs primæ diei, ita pariter initium accessûs quartæ diei respondeat initio accessionis secundæ diei, & sic porrò diebus alternis quoad accessus reliquos.

Cùm autem quartanæ periodus dierum sit quatuor, febris *Duplex quartana* nuncupatur, cùm invadit accessio tùm primâ tùm secundâ die, dùm tertia dies libera est, ac iterùm deindè quartâ & quintâ die, ita tamen ut primæ diei accessio ratione horæ invasionis respondeat accessioni quartæ diei, & accessio secundæ diei accessioni quintæ, tùm deinceps accessio quartæ respondeat accessioni septimæ, & accessio quintæ accessioni octavæ, dùm interea dies sexta libera est, & sic deinceps.

Febris *Quartana triplex* appellatur, cùm singulis omninò diebus invadit accessio, eâ tamen lege ut accessio primæ diei respondeat accessioni quartæ, accessio secundæ diei accessioni quintæ, accessio tertiæ diei accessioni sextæ, accessio quartæ diei accessioni septimæ diei, & sic porrò. Et ex prædictis determinari faciliè poterunt quæcumque febrium intermittentium periodicarum appellationes.

Ex præfatis circa febres intermittentes eruuntur facilè denominationes similes quæ febribus continuis acutis tribui solent putridis præsertim & malignis in quibus observantur exacerbationes ; ità pro typo vario febres continuæ exacerbantes dicuntur nunc *Quotidianæ* , nunc *Tertianæ* , nunc *Duplices tertianæ* , & sic porrò , prout de intermittentibus periodicis jam dictum fuit ; quemadmodùm etiam cum sine typo & ordine exacerbationes contingunt , febres hæ exacerbantes dicuntur *Erraticæ*.

Præter autem febres continuas & intermittentes dantur febres aliæ , quæ inter utrasque ambigere videntur *Subintrantes* appellatæ , quæ proin à nonnullis de genere intermittentium ab aliis autem de genere continuarum existimantur ; quod quidem perindè est , licet ad posteriorem sententiam accederem , cùm nulla in eis absoluta observetur intermissio.

Febris namque *Subintrans* ea appellatur , quæ cùm fermè prolapsa est protinùs iterùm resurgit sive paulatim sive subito.

Postremò datur febris species , quam

antiqui ex quotidianâ continuâ & tertianâ intermittente compositam dixerunt, *Hemitritæus* appellata id est semitertiana quæque ab Hippocrate dicta fuit (a) *Phricôdes* id est *Horridæ*. Verùm febris hæc est continua exacerbans eâ lege ut diebus alternis exacerbatio incipiat per horrorem aut etiam rigorem diù deinde perseverantem prout accessionibus tertianæ intermittentis consuetum est, diebus autem intermediis incipiat exacerbatio solummodò cum refrigeratione, ut in quotidianâ febre. Et hæc satis sint circà differentias febrium ratione continuitatis earum & intermissionis.

2^o. Febres vel humorales sunt vel non humorales.

Febres *Humorales* ex dicuntur, quæ à massæ fluidorum vitio ortum duxere soventurque. Ut inter continuas acutas febris putrida, maligna, pestilens, aliæque plures ut febres lentæ omnes & fermè omnes intermittentes.

Febres *non humorales* ex sunt, quæ tantùm à solidorum vitio ortæ sunt ac soventur, ut febris ex fiente abscessu

(a) Vid. Gorrhei Def. Med. in vocabulo *Emi-
triciæus Piretos* & in vocabulo *Phricôdes Piretos*.

aut suppuratione quâvis dolorificâ ,
 ut febris ex dolente parte suborta velut
 ex panaritio , puncto tendine , operatione aliquâ Chirurgicâ dolorificâ , aut applicato cauterio sive actuali sive potenciali ambustione , &c. In quibus quidem casibus absque fluidorum dyscrasia excitantur febres & cessantibus solidorum febrem procurantibus vitiis cessat illicò febris. Hinc liquet febres humorales habere materiam febrilem , non humorales neutiquàm , & cur in theoriâ febris nunc difficilem sanguinis transitum per vasa minima cum quibusdam circumstantiis , nunc systematis nervei violentam commotionem pro causis frequentię pulsus febrilis assignaverimus , eosque in rebus medicis parum versatos esse , qui causam frequentię pulsûs febrilis unicam esse existimant.

3°. Febres vel essentielles sunt vel symptomaticæ.

Febres *essenciales* , à quibusdam nuncupatæ *Primariæ* ex sunt , quæ à causa sibi propriâ dependent , nec morbi alterius effectus sunt. Et hæ febres semper existunt humorales.


Febres *Symptomaticæ* , que etiam
secundariæ

Secundaria dicuntur , eæ sunt , quæ morbis alterius sunt effectus , inflammationis putà præcedentis , ulceris , fistulæ , abscessus facti non purgati ; tales quoque sunt febres omnes non humorales antea recensitæ. Undè liquet febres symptomaticas nunc humorales esse , nunc non humorales.

4°. Placuit tandem febribus varia imponere nomina tum ratione causarum nonnullarum insignium à quibus dependent tum ratione symptomatum nonnullorum , quibus stipantur.

Et quidem causarum ratione febres nuncupantur *Veneræ* , *Scorbuticæ* , *Scrofulosæ* , *Cancrosæ* , *Morbillosæ* , *Variolosæ* , *Arthritica* , *Pestilentiales* , *Catharrales* , *Lactææ* , *inflammatoriæ* , *Suppuratoriæ*.

Ratione autem symptomatum febres nonnullæ dicuntur *Algidæ* , *Ardentes* , *Lypiriæ* , *Syncopales* , *Typhodes* , *Elôdes* , *Affodes* , *Epialæ* , *Hidrôdes* , *Lyngôdes* , *Phricodes* , *Turpuratæ* , *Scarlatina* , *Petechiales* , *Inflammatoriæ* , *Erysipelatosæ*. Et sic porro ex genio causæ febrium peculiari vel etiam symptomatum naturâ diversâ febribus imposita fuerunt nomina , quæ apud Præcticos obtinent.



CAPUT TERTIUM.

De Febre Ephemerâ seu Diariâ.

FEBRIS hæc ità dicta fuit, quòd per diem hoc est horas viginti quatuor durare soleat, extenditur tamen interdum ad diem tertium inclusivè; cùmque ulteriùs extenditur abit in synochum imputrem, aut etiam putrem.

Febris *Ephmera* ea est febris continuæ simpliciter brevis especies, in quâ pulsus magnus est modicè celer ac frequens, æqualis & mollis, calor mitis absque gravibus symptomatis, quæque intra diem aut ad majus intrâ tres dies sua percurrit tempora.

Febrem hanc non antecedit cibi fastidium, nec corporis lassitudo, nec horror, multave oscitatio, verùm repentè ea febris velut tota accedit cum calore, interim nullis febrilibus symptomatis notabilibus stipata est; qualia sunt capitis dolor aut ventriculi, nausea, vomitus, inquietudo corporis, æstus, immutationes in urinâ, & similia; solvitur brevi, inter-

dum latenter sine manifestâ ullâ evacuatione , sæpius per copiosos halitus aut madores ; aut per sudores nequè multos nec foetidos

Causa hujus febris est materies febrilis constans particulis parùm crassis , quibus admixtæ sunt & laxè adunatæ multò copiosiores particulæ tenues , duræ , actuosæ , à quibus quidem sanguis exagitur protinùs duciturque in rarefactionem non tamen impetuofam , quòd sanguis vix spissior fuerit factus , ex quâ rarefcentia aliquantùm difficilè transit sanguis per vasa nonnulla minima incitatis simul ex tensione majori suscitâtâ cordis & sanguiferorum viribus & adauctis , ex quibus sequitur frequentia pulsus modica & celeritas , magnitudo sine tensione tamen vel duritie , calor adauctus nec tamen æstuosus nec acer , neque symptomatum gravium productio , sanguine nimirùm non ægrè admodùm per vasa minima transeunte , symptomatum siquidem febrilium gravitas à difficilè eo transitu excitatur potissimùm.

His autem materiei febrilis particulis cùm exigua insit viscositas , ea facilè

solvitur , particulæque ex tenues motu sanguinis agitativo vel destruuntur facilè , vel solutæ penitus per cutim cum diapnoë excernuntur , undè citò dissipatâ materiâ febrili febris brevis ejusque terminatio aut modò insensibili aut per halitus copiosos & madores , aut per sudorem aliquem suavem.

Causæ febris diariæ remotæ evidentes esse solent ; eæ namquè potissimum existunt vigilia , sollicitudo , mæror , ira , solis æstus , lassitudo post exercitium immodicum temulantia , inedia , & similia ; quæ quidem causæ omnes febrem eam excitant , quatenus occasionem præbent , ut sanguis inspissetur leviter simulque fiat aliquantum acrior , seu , quod idem est quatenus procreantur ab eis in sanguine particulæ nonnullæ paulò crassiores ac nonnullæ paulò duriores & magis activæ , quæ omnes simul sumptæ ut materia febrilis febris ephemeræ spectari possunt.

Febris ephemera ex præfatis cognosci aut saltem suspicari potest , neque enim de eâ nisi cùm terminata est Medicus certus fit , cùm interdum talis existimata continetur in putridam ,


fit enim aliquandò ut materia febrilis
tùm in sanguine tùm in primis viis de-
liteſcat gravis? cujus ſpiſſamentum non
evolvitur niſi poſt dies aliquot, febrem
acutam excitaturum, dùm in principio
partes tantùm quædam ipſius mobilio-
res extricantur, ac ſine gravibus ſymp-
tomatis febrem excitant, quæ imponit
pro febre ephemerâ.

Semper eſt abſque periculo febris
ephemera, tùm quòd gravibus careat
ſymptomatis, quod parùm difficile
fluere ſanguinem per vaſa minima,
primasque vias à pravorum ſuccorum
apparatu liberas eſſe denotat; tùm
quòd ipſius materia motibus ſanguife-
rorum ſpontaneis & motu ſanguinis
agitativo evolvi facile & attenuari va-
leat per cutem deindè abſque moleſtiâ
diſcutienda facile & ablegandâ. Inte-
rèa tamen cùm circâ febrem eam falli
poſſit medicus, ut vidimus, ſuſpen-
dendum eſt judicium ad tertiæ diei fi-
nem.

Commitenda eſt naturæ febris hu-
jus ſanatio hoc eſt ſanguiferorum mo-
tibus ſpontaneis & ſanguinis agitativo.
Id unum tantummodò ab arte expe-
titur, ut nulla committatur culpa,

quâ in incepto opere natura turbetur ;
 quapropter tota primâ die relinquen-
 dus æger sine alimento potandusque
 aquâ tantum aut ptisanâ aliquâ di-
 luente ut infuso capillorum veneris ;
 si autem ultrâ diem febris protrahatur
 iuscula ei exhibenda quoquè erunt ,
 interdicto omni alimento solido , ne
 ab eo pravi quidam succi in primis
 viis procreentur , qui febrem putri-
 dam excitare possent , nunquam enim
 in febre quâcumque digestionem benè
 fiunt. Verum si calor paulò nimis
 adauctus perciperetur , vel aliquod
 accederet symptoma paulò molestum
 ut capitis dolor aut aliud , sanguinem
 saltem semel mittere prudens foret ,
 tantò magis quò cum febris ephamera
 corpora potissimum juvenilia & robus-
 ta aggredi soleat , ex tali evacuatione
 nihil detrimenti timeri possit. De cætero
 si iis observatis febris intrâ dies tres
 non dissipetur , tunc medicus illud
 non esse febris ephemeræ genium gna-
 rus inquireret per signa an tunc febris sy-
 nochus putris aut imputris existat ,
 quò , ut infra docebitur , febrem quan-
 tocius efficaciter impugnet. Imò si antè
 diem tertium signa putredinis manifest-

tentur, succurret ut feбри putridæ incipienti.



CAPUT QUARTUM.

De Synocho Impurri.

ANTEQUAM ulterius procedat sermo quid per *Synochum* & *Synechen* antiqui intellexerint declarandum.

Itaque juxta eorum doctrinam febris continua humoralis acuta dividitur in *Synochum* & *synechen*.

Febris *Synochus* à latinis dicta *Continens* ea est, quæ sine exacerbationibus sua percurrit tempora. Et duplex est *Non-Putris* & *Putris*; utraque autem triplex est nimirum *Omotoros*, *Anabatica* seu *Epacmastica*, & *Paracmastica*.

Omotoros dicitur febris, cum à principio ad finem eodem tenore perseverat; *Anabatica* seu *Epacmastica* quæ paulatim increfcit; & *Paracmastica* que perpetuò sensimque decrefcit.

Febris *Syneches* à Latinis dicta *Con-*

tinua per excellentiam ea febris continua humoralis species, in quâ contingunt exacerbationes.

Nos autem clarioris doctrinæ gratia ita eas febres humorales distinguemus, eisque sequentia imponemus nomina.

Febris humoralis continua acuta vel est imputrida vel putrida.

Imputrida ea est, quæ sine magno succorum pravorum in primis viis apparatu, æ sine magno & contumaci sanguinis inquinamento ægrum affligit.

Putrida verò, quæ cum magno & insigni succorum pravorum tum in primis viis tum in massâ sanguineâ apparatu afficit.

Jam verò febris putrida vel est exacerbans vel non exacerbans.

Exacerbans ea est in quâ contingunt exacerbationes. *Non-exacerbans*, quâ nullæ observantur.

His ita statutis *Synochus imputris* est febris continua non-putrida, in quâ pulsus magnus est, plenus, frequens & velox, calor vehemens, respiratio molesta, cum faciei rubore, pulsatione magnâ arteriarum temporalium, dolore capitis aut saltem gravitate, somnolentiâ corporisque segnitie ac velut lassitudine.

Causa ejus est materia febrilis constans particulis nonnullis parùm spissis, sed multò pluribus duris satis ab aliis extricatis ac valdè activis. Quamobrem materia hæc febrilis satis sanguinem non inspissat ut horrores excitentur; sed particulæ activæ in motum protinùs deductæ magnam excitant in sanguine rarefactionem ac velut excandescentiam. Hinc synochus imputris cùm ingruit non persentiuntur horrores, ad majus quædam accedunt refrigerationes, citò autem calor accenditur deindeque per totum febris curriculum perseverat; nimirum cùm primùm febrilis materia transiit in sanguinem vel in eo est cumulata, particulæ ejus crassæ ac viscosæ eum leviter inspissant, fluxumque ejus per vasa minima aliquantùm difficiliorem efficiunt subsequente exin frequentiori pulsu & frigoris sensu aliquo interdùmque vix ullo. Verùm quoniam repetitis cordis arteriarumque contractionibus & in dato tempore frequentioribus exagitantur particulæ sanguinis, quæ activiores sunt numerosæ in tali materia febrili citò extricantur plurimumque motûs agitativi suscipiunt cæteris parùm cohærentes, undè san-

guis in magnam ducitur rarefcentiam , ex quâ tensis protinûs ac plurimùm cordis cavitatibus vasisque sanguiferis vires eorum intenduntur , & ita pulsus fit vehemens , plenus , valdè frequens ac velox cum calore magno in toto corpore accenso. Sanguis ergò fuit cum magnâ dilatatione arteriarum fluxu tamen aliquantùm difficili per vasa nonnulla minima sed per quam plurima impetuoso , & vehementi attritu , gerens ipsemet globulos cum sero plurimùm exagitatos , expansos , & minûs inter semet cohærentes , undè facilè explicatur rubor cutis præsertim faciei , in quâ sanguifera cutanea & numerosiora sunt & magis superficialia.

Cùm autem pulmo totum transmittat sanguinem à ventriculo cordis dextro susceptum pleno gurgite & è toto corpore reducem , sequitur à rarefacto sanguine & impetuosè propulso vasa ejus dilatanda fore admodùm ac laboratura , undè magna in eâ febre ac laboriosa respiratio cum anima calidâ.

Cùm vasa capitis sanguifera numerosa sint & ampla ipsius molis ratione , plurimumque proindè suscipiant san-

guinis illius rarefcentis & impetuoſi , ſequitur arterias ejus dilatandas fore admodum , ſit ut pulſus earum ab ægro ſentiat in temporibus ubi tenſæ valdè ſunt & ſuperficiariæ ſuperſtratae muſculo crothaphitæ valdè duro ac tenſo ; inſimul membranas capitis tum externas ac potiffimum pericranium tum internas hoc eſt meninges , cunctas membranas illas ſenſu exquisito donatas eo ſanguine valdè tendendas fore ac moleſtè , ita ut ſequatur capitis dolor aut gravitas ; imò ex dilatatione ulteriori ſanguiferorum ſubſtantiam corticalem cerebri aliquantum fore comprimendam , undè ſomnolentia ; ſicut & ex repletione ſanguiferorum nimia in membranâ pituitaria ſequitur interdum eorum ruptio , undè narium hæmorrhagia , quæ in eâ febre ſat ſæpè ſupervenit.

Postremò cum ad facilem vegetumque motum muſcularem ſineque moleſto ſenſu exercendum requiratur haud nimia ſanguiferorum in eis repletio , patet muſculorum ſanguiferis ſanguine nimis rareſcente tumidis contractiones eorum ægrè fore peragendas , undè corporis ſegnities , ſimulque extenſione

sanguiferorum nimiam molestum aliquem sensum fore excitandum, qui in musculis dicitur sensus lassitudinis.

Ut ut autem materia febrilis jam assignata prædicta excitet symptomata gravia & synochi imputris genium determinet; sciendum febrem eam nihilominus inter putridas non recenferi; nam per *Putredinem* in febribus intelligunt practici insignem pravorum succorum in primis viis apparatus & insigne diuque resistens ac contumax in sanguine inquinamentum, quæ cum absint in synocho simplici ideò dicitur febris hæc imputris hoc est sine putredine; licet tamen in eâ sanguis ab inquinamento non sit immunis & primæ viæ à pravis succis penitus liberæ non sint; quod & contigit sed in minore adhuc gradu in febre ephemerâ, quæ imputris propterea quoque dicitur. Sed in febre ephemerâ imò in synocho simplici prædictæ duæ conditiones ad eum non reperiuntur gradum, ut constituatur putredo in eo sensu, in quo eam in febribus medici accipiunt.

Causæ synochi simplicis remotæ eadem fermè sunt ac ephemeræ, at in majori gradu & aliquantum potentiores,

res, ità ut ab his producat^{ur} materia febrilis paulò spissior simulque particulas magis duras & majoris molis in sinu suo vehens ; indè fit ut in synocho simplici nonmodò sæviora quam in ephemera producantur, symptomata, ut vidimus, verùmetiam ea diutiùs protrahantur & ad dies ccto extendi solent, eo nimirum requisito tempore, quò ejus materia atteri possit, extricari à sanguine discuti, ac eliminari, præfertim quòd in synocho simplici prævæ digestion^{es} aut præcesserint aut saltem fiant, ità ut ex his producantur pravi succi aliquantùm spissi simulque satis activi, qui sovent febrem, secùs in ephemera aut saltem parumper. Hinc fit ut inter Causas synochi simplicis remotas agnoscere pluries debeamus pravas digestion^{es}, quæ vergunt ad producendas materies amaras biliscentes, quæ vomitus interdum excitant, sive abusus liquorum ardentium aut obsoniorum aromaticorum pravis eis digestionibus occasionem præbuerint, sive hæ à causis latentibus fuerint præparatæ ac subito postea excitatæ.

Ex præfatis cognoscitur satis synochus imputris. Eam à primarum via-

rum vitio interdùm satis ac præcipuè
foveri dignoscetur per appetitum antè
febris genesim dejectum, per vomitus
biliosos præsertim ingruente febre ex-
citatos, per oris amarorem, aliquam
cardialgiam, dolores colicos fugaces,
aliquam diarrhæam, fœtorem excre-
mentorum aut flavedinem & signa
similia.

Febris hæc quamquàm multùm pe-
riculosa non sit, quòd nimirùm ab eâ
inflammationes viscerum graves ac te-
naces excitari nequeant, de genere ta-
men acutarum absolutè pronuntiari
potest, præsertim cùm in putridam
verti possit, neque circâ eam Medicus
certò prælagire valeat nisi cùm decli-
nare videtur. Ità febrem continuam
accensam videmus pluriès cum prædic-
tis synochi simplicis symptomatis ve-
luti valdè metuendis ægrumque ter-
rentibus, intereà febris hæc remediis
intrà paucos dies facilè cedit excitato
sub finem sudore copioso; è contrà
interdùm febris continua hæc protrahi-
tur, tùm dein sub putridæ aut malignæ
specie se manifestat. Quare penes Me-
dicum expertum ut cumque semper
non est dignoscere materierum feбри-

lium indoles , quæ interdùm latent ac velut clandestinè incedunt aut mutantur. Undè in febribus cautus semper fit Medicus in prognosi ferendâ. Verùm illa dubitatio nihil ægro officit , cùm per symptomata , quæ apparent , dirigatur semper satis curatio.

Ad curandam eam febrem nutriendus æger iusculis , ac pûsanâ aliquâ diluente ac leviter refrigerante potandus , sanguis ob rarefcentiam mittendus protinùs , iterandaque sanguinis missio si non remittat febris , imò magis si increseat , quod à primâ sanguinis missione sæpè evenit , cò quòd liberatis à plenitudine aliquatenus vasis imminutaque cordi resistentia & sanguifera & cor vehementius restituantur magisque exagitetur & rareseat sanguis. Refrigerandus quoque erit æger emulsionibus aut julepis , ut & enematis aquosis diluentibus ac leviter refrigerantibus. Tùm deinceps cùm febrilis æstus paulò remiserit instituenda erit purgatio cum tamarindis , fennâ , mannâ , cassiâ , ex quibus parabitur portio pro duplici dosi , quæ relicto die vacuo interdùm iteranda , dùm insimul per morbi decursum memorata alia

auxilia protrahentur. Si autem die septimo aut octavo nonove remittentibus symptomatis sudores supervenerint, qui morbi solutionem significare solent, ii tunc vel naturæ committendi sunt, vel arte promovendi exhibendo tamen levia hydrotica ut ptisanam ex herbâ capillari aut floribus papaveris rheados sed calentem, vel etiam potionem leviter sudorificam cui addendum antimonium diaphoreticum circiter ad drachmam semissem.

Si autem post octo novemve dies non solvatur febris, vel si post sudores remittens iterum recrudescat, respicienda tunc febris erit ut putrida vel maligna juxtâ naturam symptomatum & sævitiem; eaque impugnanda erit absque cunctatione & efficaciter, prout infra docebitur.



CAPUT QUINTUM.

De Febre Putrida.

FEBRIS *Putrida* in genere appellatur ea febris continua acuta,

in quâ insignia occurrunt signa magnæ succorum pravorum in primis viis præsentia & gravis contumacisque in sanguine inquinamenti, in quâ quidem febre pulsus sat vehemens est frequens & plenus, identidem inæqualis, cum calore acti, cardialgiis, ructibus, nauseis, vomitibus, oris fœtore, lingua sedimento aut albo au fusco obductâ, interdum diarrheis biliosis aut fœtidis; ventris dolore imò nonnumquam meteorismo, & similibus symptomatis pluribus aut paucioribus, & in diversis ægris variis, quæ tamen in primis viis pravorum succorum præsentiam semper ostendunt; quæque febris non cessat penitus antè diem decimum quartum.

Febris putrida vel est *Non exacerbans*, vel *Exacerbans*.

Prior nuncupatur ab antiquis *Synochus putris*, à neotericis *Continens putrida*, posterior dicitur ab antiquis *Syneches putris* & à neotericis *Continua putrida*.

Febris putrida exacerbans pro vario exacerbationum typo nunc est *Quotidiana*, nunc *Tertiana*, frequentius *Duplex tertiana*, raro *Quartana*. Ejus

autem exacerbationes nunc incipiunt cum horrore aut frigore manifesto imò interdum rigore, cum pulsus semper depressione velocis interea; nunc sine frigore manifesto sed pulsus depressione aliquâ, qui paulatim attollitur; at quocumque modo exacerbatio inceperit, febris deinceps multum accenditur, & longè magis fuerit quàm tempore inter exacerbationes intermedio, quod nimirum tempus est *Remissionis*, sævioraque fiunt symptomata.

Causa febrem putridam constituens est materia febrilis spissa satis, difficile solubilis, particulas sat activas in se gerens ægrè ab spisso sejungendas. Ea autem in sanguine quamquàm absolute gigni & inchoari possit, ut ex retentione lactis aut lochiorum, nunquàm tamen febrem putridam excitat, quin prius ex inquinamento sanguinis vitiiati fuerint succi digestivi, pravusque in primis viis succorum apparatus excitatus fuerit, quo sanguis ulterius inquinatur ad producendam febrem putridam; frequentius autem fit ut ipsamet ea materia febrilis in primis viis potissimum in ventriculo ex pravis

digestionibus tota progengeretur , ac in sanguinem delata eum corrumpat ad febrem putridam suscitandam & obstinatè postea fovendam , tantò magis quò sanguis hinc inquinatus succos digestivos pravos colatoriis digestivis suâ vice suppeditat ; quibus depravantur digestiones , undè materia morbi fomes perennat.

Cùm materia hæc febrilis in sanguine indefinenter præsens sit , & à primis viis per vias chyloferas in ejus sinum assiduò recipiatur, hinc ea febris non intermittit sed continua est , neque cessat antè diem decimum quartum ob spissitudinem materiæ febrilis & abundantiam obstinatumque è primis viis proventum ; ex quibus omnibus sit ut tempus notabile infumi debeat , quò solvatur penitus ejus tenacitas ut corrigi possit ea materia morbifica ac fieri fluxilis eò usquè ut illâ sanguis & primæ viæ per evacuationes omnimodè liberari possint.

Cùm pravi illi succi febriles transeunt è primis viis fermè eodem tenore per totum morbi decursum ac eisdem prædicti qualitatibus , tunc febris est continua sine exacerbationibus. Cùm verò

quod longè frequentius contingit, materia febrilis certis temporibus aut abundantior aut magis depravata in sanguinis massam vehitur, iis temporibus ingravescent effectus febriles, quod exacerbationes constituit, quæ perseverant donec succi illi pravi superadditi attenuati fuerint, partimque correcti vel eliminati, tuncque febris ad consuetum statum reducta *Remittere* dicitur. Febres illæ putridæ dicuntur propterea exacerbantes, in eisque notantur attentè à Medicis exacerbationes ac remissiones. Et hæ febres inter putridas frequentius observantur.

Febres putridæ ingruere solent cum horrore aut rigore, vel saltem refrigeratione; interdum tamen, sed rarius, ingruunt absque frigore notabili ita ut febris ocyùs incandescat; Verùm quovis modo incipiant, pulsûs adest depressio seu parvitas in initio cum frequentia, simulque franguntur vires cum anxietate & nonnunquam doloribus obscuris præsertim juxtà articulos, semper autem præter caput grave & aliquam in respiratione molestiam Symptomata adsunt, quæ ventriculum aut intestina pati significant, qualia

sunt aut nausæ aut vomitus aut colici dolores , sed præsertim ventriculi dolor obscurus cum anxietate aut cardialgiâ aut saltem aliquo gravamine.

Quæ omnia explicationem materiæ febrilis sanè indicant ejusque motum in primis viis , tùm ingressum in sanguinem , ex quo febris putrida enascitur. Cujus quidem materiei febrilis actionem incipientem antequàm perpendamus , cùm ea per frigus se manifestare statim soleat , de frigore febrili antea dicendum est , præsertim cùm non modò in febrium putridarum verùm etiam in aliarum acutarum imò & lentarum ingressu sæpiùs observetur; tùm & in exacerbationum sive acutarum sive lentarum febrium principio frequenter , in accessionum autem febrium intermittantium initio frequentius adhuc corripiat. Hujus verò gradus quatuor distinguendi. Primus qui reliquis levior est vocatur *Refrigeratio*, secundus *Horror*, tertius *Rigor*, & postremus , qui cæteris vehementior est , dicitur *Algor*.

Refrigeratio febrilis ponitur , dùm unà cum pulsû frequenti correpto ac depresso , æger frigus aliquod in cor-

pore dispersum præsertim in extremitatibus persentit, quod ad causas externas minimè referatur, ita ut stragulis opertus & in cubiculo temperato de eo conquærat, præsertim dùm in cubili movetur corpus.

Horror febrilis dictus à nonnullis *Horripilatio* constituitur, quandò cum pulsu frequenti, correpto, ac depresso, interdùm inæquali; æger persentit frigus sed inæquale, hoc est, quod nunc insurgit nunc remittit iterùm resurgens vehementiùs, & ità alternis vicibus iisque brevissimis eo velut quatitur, ita ut motus leves, obscuros, tremulos, in corporis habitu, velut si cutis irregulariter variis in locis concuteretur, percipiat.

Rigor Febrilis est frigoris intensus cum membrorum præsertim mandibulæ inferioris concussione involuntariâ, manifesta, spasmodæa, simulque pulsu frequenti, correpto, valdè depresso, inæquali, identidem intermitte.

Febrilis algor ponitur, quandò frigore summo afficitur æger, fitque gelidus, cum exsolutione magnâ virium, corporis velut resolutione, simulque

pulsu frequenti , inæquali , summe depresso , obscuro , ac velut latente , identidem diù intermittente , accedente lypothimiâ ac interdùm syncope.

Verùm notare interest , quod utcumque ægri de frigore molesto in febribus conquærantur , contingere interdùm , sed rariùs , illos ab adstantibus deprehendi calidos , quin & ulteriùs nonnunquàm ac in statu naturali ; nunquàm tamen illud contingere in quarto gradu seu algore , rarò autem in tertio gradu seu rigore ; fieri autem consuevisse ut in frigore febrili percipiantur ægri ab adstantibus reverâ frigefacti seu minùs calidi , imò algidi in extremis ut manibus pedibus naso , simulque pallere videntur ; ea autem ità deprehendi semper ab adstantibus in algore febrili , frequentissimè verò in rigore. Notandum prætereà incipientibus frigoribus febrilibus excitari sæpè oscitationes & pandiculationes , at frigus tunc non existit intensum , cum enim intenditur ex cessant ; undè in algore febrili nunquàm observantur.

Cùm autem præfata , frigus quodcumque febrile repræsentent , quæ mox dicentur theoriam quoque exponent

statûs corporis in quovis frigore febrili constituti , insimulque causarum illud excitantium agendi modum seu ætiologiam ità statuent , ut in aliarum febrium frigoribus explicandis excurrere necessum ampliù non erit.

Cùm igitur febrium putridarum febrilis materia è primis viis in sanguinem fluere incipit , eâ quidem inspissatur sanguis (eòque magis si jam in ipso sanguine fuerit præparata) quod quidem evenit vel ob pravorum eorum succorum acescentiam vi coagulante præditam , vel saltem ob eorum spissitudinem , quâ inviscatur sanguis ; is ergò liquor vivificus velut subito factus crassior ad fluendum per vasa minima minùs habilis fit protinùs & ad egrediendum è cordis thalamis , tantò magis quò per totum systematis sanguiferorum tractum factus minùs obsequiosus cordi expellenti magis resistit , hinc excitabitur pulsus frequens & unà parvus seu depressus hoc est cum minori solito arteriæ diastole , prout in capitis primi initio fuit explicatum. Verùm si sanguis à materiâ febrili magnoperè fuerit inspissatus tanta opponetur cordi resistentiâ , ut
quam-

quantumvis cor nitatur in systole eum in arterias exprimere, aut minimè aut parumper exprimet, undè aut mors aut syncope, aut lypothimia, prout cor sanguine vel nullatenus per tempus aliquod, vel per breve tempus, vel parumper se liberabit. Vel etiam pulsus fiet intermittens si effectus contractionis cordis, egressus nempè sanguinis ab ejus thalamis, identidem brevi tempore ob resistantiam nimiam suspendatur, rediturus deindè citò, quòd retentus in corde sanguis ejusque parietes ultra modum dilatans ac tendens fiat ei stimulus vehementior ad ingeminandam cordis actionem, quâ is utcumque resistens & antea vim cordis irritam reddens jam exprimatur. Si verò à febrili materiâ in sanguinem dilabente inspissetur sanguis inæqualiter in suâ massa & nunc difficiliùs nunc minùs difficilè è corde egrediatur, vel si cordis in eo casu laborantis vires contractiles propter inæquabilem sanguinis per textum ejus musculosum transfluxum fiant ipsæmet inæquabiles, tunc è corde sanguis exprimetur nunc majori nunc minori quantitate & quidem nunc celerius nunc minùs celeri-

ter, undè pulsûs observabitur inæqualitas & ratione magnitudinis & ratione celeritatis & frequentix; tuncque percipietur pulsus à tangente frequens parvus & inæqualis.

Et ea sunt phænomena seu symptomata, quæ quoad pulsum in frigoribus febrilibus febrium putridarum aliarumque febrium excitari possunt.

Jàm verò ad reliqua symptomata in frigoribus febrilibus observalia quod spectat. 1^o. Cùm partium calor sensusque caloris à mutuo partium integritum sanguinis & fibrillarum sanguiductuum attritu potissimùm pendeat, is autem attritus agitationi minimarum sanguinis particularum, & ejus in partibus præsentis & appellentis quantitati tum vi quâ appellit respondeat, patet in sanguine à febrili materiâ inspissato particulas remissiùs fore agitandas, eumque simul (ut ex præfatis de naturâ pulsûs in frigore febrili consequitur) minori quantitate ad partes apulsurum ac minore vi, undè inter sanguinem & fibrillas solidas attritus remissior, ex quo subsequitur frigus aliisque Fibrillarum nervearum motus vibratilis à nemine determinandus,

quem frigoris sensus consequitur. Jàm verò cùm in corporis ambitu, ac in extremitatibus potissimùm, virium cordis trusilium effectus minores sint, tùm partes externæ aëris ambientis impressioni magis expositæ sint, eas ob causas in eis caloris causa magis fracta erit, undè frigus in eis majus quàm in interaneis, hinc & tùm pedes tùm manus tùm nasi extremum frigidiora erunt.

Alia autem præter assignatam frigoris febrilis, præsertim cum vehementius est, datur causa, nimirùm cum ex subitâ inspissatione sanguis in vasis minimis quampluribus lentescat simulque in suis particulis debiliter agitur, urgeatur intereà à corde propellente, is velut per filòs consistentes in vasculorum inflexiones innumeras motu directo impellitur, sic ut indè succutiantur fibrillæ nerveæ velut à corpusculis frigoriferis & quidem vehementer, hinc excitato fluidi nervei fluxu impetuoso & irregulari spasmus in villis exiguis contractilibus & tunicarum capillarium sanguiductuum & membranarum, quas sanguifera perreptant, undè succussiones tremulæ & irregulares quæ percipiuntur in corporis habi-

tudine, ubi quidem spissitudinis sanguinis vitium majus esse jam vidimus quarum perceptio simul cum sensatione frigoris conjuncta *Horrorem* constituit. Si verò causa hæc ultima frigoris propter ulteriorem sanguinis inspissationem major adhuc fuerit, fibrillarumque nervearum irregulares hæ succussiones exindè vehementiores fiant, tunc fluidum nerveum in musculorum textum satis impetuosè fluet & irregulariter, ut fibrarum carnearum manipuli imò musculi plures inter se antagonistæ in contractiones trahantur inordinatas, undè motus spasmodæi membrorum ac maxillæ inferioris, corporis totius concussio tremula & spontanea, quæ omnia non tantum ab ægro verum etiam ab abstantibus percipiuntur, qui status unà cum frigore percepto *Rigorem* febrilem constituit. Postremò cum in *Algore* febrili ob spissitudinem sanguinis nimiam summamque ejus resistantiam cor impellat eum debilissimè, is quidem sufficienti vi in fibrillas vasorum non impetet ut satis eas succutiat ad excitandos motus spasmodæos, undè partes frigus summum tantummodò occupabit, absquè

ullâ earum concussione , nam frigoris causa prior superiùs assignata valdè evecta existit in tantâ sanguinis spissitudine & lentescencia, dùm intereà causa posterior abest ; quamobrem in algore febrili nullus horror , rigor nullus percipitur , nec frigoris sensus tam acutus ab ægro percipitur, partes autem videntur atonæ ac multùm languent algidæ.

Cur autem ægri frigore febrili occupatos se interdùm sentiunt , dùm ab abstantibus calidiores quam in statu naturali deprehenduntur ? Illud sanè evenit , cùm à causâ posteriori frigoris superiùs assignata, afficiuntur , neutiquam à priori. Nimirùm cùm talis est materia febrilis ut particulis viscosis simul & acribus satis exsolutis constet, à prioribus namque ità inspissatur sanguis ut in vasculis minimis lentescat & in eorum flexuras à corde urgeatur , undè frigoris sensus , ab acribus autem aliquantùm exsolutis commoventur valdè plures ejus partes integrantes, quæ in vasculorum tunicas validè attrahuntur , undè calor reipsâ in partibus adauctus est , qui tamen ab ægro non percipitur , quòd sensatio frigoris

fit vehementior, cujus casus alia non
deficiunt exempla, ut cum ab exeunte
in fine micturitionis urina percipitur
in corpore frigus ut cumque id calef-
cat, ut cum à ferro secante frigus in-
terdum percipitur & corpus horret.
Ubi quidem animadvertemus calorem
non semper esse in ratione circulationis
sanguinis hoc est ut celeritas circula-
tionis sanguinis, ut perperam existimat
Pitcarnius, licet illud sæpè verum sit;
siquidem cum minori celeritate cursus
sanguinis ac velut ejus lentescentiâ
observamus calorem interdum in par-
tibus adaugeri, ut in gangrænæ cali-
dæ ingressu, quæ *Estiomene* propte-
reâ seu ardens nuncupatur, ut in non-
nullis carbunculis & similibus casibus,
in quibus sanguinis circulatione occi-
dente in partibus affectis, æstus ta-
men adeò in eis excitatur ut partes ar-
dere calore sicco & aduri & ab ægro &
ab adstantibus percipiantur; sed *Calor*
omnis corporis humani semper est in
ratione compositâ agitationis particula-
rum sanguinis intestina, celeritatis san-
guinis cursus, quantitatis ejus in parte
præsens, ac ejus consistentia. Ex quo
theoremate quamplura solvuntur pro-

blemata cîrcà colorem & frigus in corpore humano , sive reales sint eæ affectiones , sive ab ægris tantum perceptæ ; ut cur in febre catharrali caloris & frigoris successiones reciprocæ ac brevissimæ ab ægro deprehendantur ? Cur in febre lypiria algeant extremitates , interanea autem adurantur ? Cur in Epialâ febre æger in partibus eisdem calorem sentiat & frigus seu rigorem ? Cur in febre ardente , cur in mania tantus observetur calor , &c. ?

Porro in frigore febrili ægri sæpiùs vehementer sitiunt ; in eo namque cum ob sanguinis spissitudinem difficilemque per vasa minima fluxum imminuantur secretiones , ac velut arescant colatoria , saliva & quoque in ore deficiet , & pauca quæ præsens est erit viscosa , undè partes oris minùs humescent , lingua sicca erit , faucesque arescent plurimùm , utpotè in quibus saliva naturaliter spissior est , hinc causa sitis ; cui accedit sæpè altera , ardor nimirum in faucibus absumens humidum ; ardor autem is in frigore febrili excitatur in faucibus , imò in pulmone (undè anima calida cum respirationis anxietate) quin & in ab-

dominis visceribus quotiescumque materia febrilis præter partes spissas, plurimas in se gerit acres ab aliis solutas facile mobiles commotionem æstuosam in sanguine excitantes, quarum effectus caloris, potissimum in interaneis, sensibiles sunt, quòd cum sanguis ob spissitudinem per corporis ambitum ejusque extremitates, illatâ nimirum inibi majori resistentiâ, tantâ copiâ ut solebat non distribuatur, in vasis interaneorum, pulmonis potissimum redundat, undè major in eis causa caloris; hinc fit ut ægri nonnulli in frigore febrili de ardore interaneorum conquærantur, dùm in corporis ambitu extremisque frigore se affectos pronuntiant, indè fit ut Medici nonnulli calorem in essentiâ febris reposuerint, affirmantes nullam adesse febrem sine calore adaucto, saltem inquirunt, *concentrato* hoc est præsentem in interaneis; verùm hoc falsum est cum dentur in quamplurimis frigora febrilia absque calore interaneorum sine ardore faucium ac sine siti. Ex dictis liquet halitus calidos & acres in frigore febrili è pulmonibus & ore interdùm exhalatos etiam ex-

ficcare fauces , eas calefacere , sitisque causam intendere , interdùm neutiquàm.

Prætereà in frigore Febrili vultus pallescit , tùm quod singulis contractionibus cor sanguinis minorem solito copiam præsertim ad corporis habitudinem propellat , tùm quòd dimittat eam debiliùs , tùm quòd minùs rubeat inspissatus sanguis.

Cùm autem in frigore Febrili urina emittitur limpida & decolor , tunc sanguis à materiâ Febrili inspissatus est per modum coagulationis , serumque è sanguine fuit expressum particulas lixiviales secum vix vehens utpote in sanguinis spisso retentas.

Sopor autem qui in frigore febrili nonnunquàm observatur , is quidem inspissato sanguini per vascula encephali difficilè transeunti , congesto , ac cerebrum aggravanti , tùm fluidi nervi crassitie ac lentori imputandus.

Oscitationes à sanguine spisso ac lento vasa pulmonum aliquantùm aggravante deducuntur , ex eâ enim in pulmone lentescentiâ fluidum nerveum obstinatiùs sed lentè ad musculos inspiratorios musculumque platisma-

myoidem determinatur , undè solito magis extensa lenta protractaque inspiratio cum maxillæ inferioris depressione tardigradâ ac protractâ orisque proin magno hiatu , qui motus simultanei oscitationem constituunt ; ex quâ quidem cum magna aëris quantitas & pleno gurgite , apertâ scilicet ulterius glottide , irruens inflet pulmones sanguis ad facilius per eos transflendum excitatur , cum pulmonum levamine.

Similiter cùm sanguis musculos artuum aliosque difficile peragret , ab insolitis eis vasculorum distensionibus sensus obscurus molestiæ in illis producit , qui nunc parit anxietates , nunc cùm scilicet sanguis lentior est , pandiculationes seu contractiones vasculorum quibus artus extenduntur , quibusque sanguis à musculorum horumce substantiâ potentiùs exprimitur cum levamine.

Cùm autem sanguis difficilè satis ac subito membranas musculorum articulorumque ligamenta pervadit , nec lentescit tamem adeò , tunc dolores excitantur rheumatici , & circa articulos , satis acuti interdum , præcipuè

in articulis, nunc obscuro.

Postremò ex difficili sanguinis progressu universali, adeoque per musculos, ex parvâ nimirum ejus copia singulis contractionibus cordis propulsi & cum minore vi, tum ex fluidorum omnium secretorum proinde fluidi nervei spissitudine ac lentore, consequuntur necessario virium debilitas in quovis frigore febrili, languor in omnibus functionibus, digestionum imbecillitas & similia. Et hæc de frigore febrili ipsiusque accidentibus dicta sufficiant; reliquæ enim explicationes ex traditis ab unoquoque facile erui possunt.

Jàm verò quoniam iteratis cordis, arteriarum, venarum, tum villorum quorumlibet corporis sive muscularium sive membraneorum contractionibus & succussionibus quamvis debilibus, frequentibus tamen & correptis sanguinis inspissati moles succutitur, ipsius partes tum & febrilis materie moleculæ paulatim à nexu arcto solvuntur & ad concipiendum motum intestinum fiunt habiliores, quamobrem post tempus aliquod frigus remittere incipit, tum verò explicatis tandem plu-

ribus particulis materiæ febrilis duris & activis & à portione viscidâ solutis excitatur calor febrilis seu *pyrexia* ; eæ nimirum particulæ mobiles sui juris factæ ab actione sanguiferorum tantum suscipiunt motum singulæ & à seipsis sejunctæ , ut secundum innumeras directiones in partes viscosas protinùs agant , undè sanguinis rarefactio ultrà terminos naturales , hinc calor accensus , vasorum dilatatio magna , pulsus magnus.

Verùm ex eâ sanguinis rarefactione intenduntur vires cordis arteriarum venarum & villorum corporis quorumcumque , quòd ab expanso magis sanguine magis distrahantur , undè vi majori in fluidum distrahens resiliunt perindè ac corpora omnia elastica cùm magis distrahantur potentiùs restituuntur , modò ad elaterii fracturam distractio non sit evecta , quod in febre quamdiù viget nunquam contingit.

Est & alia ratio, curetiam intendatur cordis & sanguiferorum actio , videlicet cùm sanguis ex illo motu intestino adaucto fluidior fiat quàm antea , ac fluidi nervei secretio faciliùs peragatur ejusque in partes influxus fiat liberior,

lior vis muscularis cordis & villorum
 muscularium arteriarum venarumque
 non est aggravata ampliùs ut in frigo-
 re febrili , sed dispositior & validior
 existit , hinc cum cor tunc restituitur ,
 contrahitur vehementiùs & ulteriùs lon-
 gè quàm antea , hinc ventriculi cordis
 plus sanguinis in arterias evomunt &
 & magis impetuosè , undè pulsus ple-
 nus, arteriarum venarumque ampliatio
 magna ac tensio. Cùm autem vires cor-
 dis in fine contractionis imminuantur,
 cùm præterea sanguis propulsus de suo
 motu tunicis vasorum sive directis sive
 flexis communicavit tum & auriculis
 cordis priùs contractis ut amplientur ,
 interea cùm vires sanguinis vasa distra-
 hentis evectæ ad summum viribus arte-
 riarum venarum & auricularum reniten-
 tibus præcisè æquales sint cùm ea om-
 nia conceptacula in fine dilatationis
 perducta sunt, sequitur viribus sangui-
 nis dilatantibus excommunicatione mo-
 tûs partiali imminutis vires contracti-
 les arteriarum venarum & auricularum
 victrices futuras , hæ ergò omnes simul
 & isochronè restituentur & quidem mag-
 nâ vi elasticâ imò & musculari in locis
 aliquibus, ut de corde dictum fuit :

Undè sanguis impetuosè & ubertim in cordis ventriculos contractos impelletur eorumque parietes diducet , tùm eos valdè replebit ; hi ergò plurimùm dilatati tensique iterùm vehementer contrahentur , sanguinique ab eis extruso ac reliquo antecedenti propulsio sanguifera omnia cedent , quòd restituta in contractione violentâ tunc non subsistant , & sic porrò deinceps.

Jàm ergò vires cordis & reliqui systematis sanguiferi adauctæ sunt , imò magis deinceps increscunt , quòd sanguis ità vehementer propulsus ac pressus magis magisque agitetur in suis particulis , magis rareseat , magisque ac magis conceptacula distendat in quibus coercetur , & ad vehementiorem restitutionem concitet ; fit ex his omnibus ut sanguis incalescat admodùm tantamque suscipiat commotionem intestinam , ut materiæ febrilis particulæ viscosæ magis ac magis solvantur , actuosæ quamplurimæ à viscidarum sinu & connubio liberentur , undè tandem gradus summus pyrexiae.

Intereà sanguis ità rarefactus per vasa minima plura difficilè fluit , ni-

mirum per obstructa prius in frigore febrili materiâ viscosâ & tenaci in quam pluribus satis nondum solutâ vix meare potest licet vehementer impellatur; insuper in tali statu viscositatis & rarefcentiæ sanguinis cum secretionibus difficilè & parcius peragantur materia secretionum in sanguiferis remanet, undè augmentum molis fluidi in eorum cavo eorumque ulterior tensio, quas ob causas sanguis unâ cum magnâ agitatione particularum intestinâ impetuosè & abundantiùs per vasa eâ minima, quæ libera magis sunt propellitur & cum eorum tunicarum magnâ dilatatione tensione ac labore causisque caloris omnibus antea recensitis summoperè adauctis; quæ omnia ponunt causam febris continentem prout in capite primo exposuimus. Undè in pyrexia febris putridæ pulsus erit magnus, frequens, identidem aliquantum inæqualis, cum insigni calore æstuoso.

Ubi obiter animadvertemus in pyrexia, in quâ vires cordis & artieriarum sunt evectæ, pulsum tamen interdum non frequentem adeò ac celerem citatumque observari ac in fri-

gore febrili , in quo vires hæ profectò debiliores sunt ; quòd nimirum plus insumatur temporis ad peragendas dilatationes magnas & protensas , quàm ad breves ut debiles , ità ut in frigore febrili cor veluti ocyssimè palpitet seu motu tremulo citato quatiatur ,

Cùm autem febris putrida absque frigore febrili sensibili ingruit (quod rarò evenit) initio autem tantum deprimitur pulsus cum aliquâ anxietate , deindèque protinùs febris excandescit ; eo casu præter moleculas viscosas , quæ acres & activas in sinu suo gerunt , quamplurimæ sunt in materiâ febrili hujus secundæ speciei viscosis vix cohærentes , quæ in rarefactionem & excandescentiam sanguinem ducunt protinùs etsi à viscosis inspissatum , dùm reliquæ particulæ duræ & activæ in viscido cohærentes exsolvuntur gradatim , æstumque febrilem deinceps protrahunt , quousque attenuato penitus viscido aut eliminato , ipsæmet activæ suppeditari desinant , ac suppeditatæ per excretiones fuerint eliminatæ.

Febres putridæ inflammationes procreare solent , quòd ob tenacitatem

materiæ febrilis arteriolæ plures ac
 præsertim in visceribus (ubi sanè de-
 biliores sunt sanguinemque abundan-
 tiùs suscipiunt) tùm in frigore febrili
 tùm in pyrexia graviter obstipentur ,
 dùm reliquæ , cùm exandescit san-
 guis , spisso sanguine vehementer ra-
 refacto ac impetuosè trajecto turgent ,
 quarè laborant adeò earum tunicæ ut
 ex nonnullis arteriis sanguis in venas
 penitus exprimi non possit , undè in
 eis ingens sanguinis & tunicarum valdè
 tensarum attritus , sicuti & in arterio-
 lis jam à tempore frigoris febrilis ob-
 stipatis ; quòd etiam sanguis rarefactus
 & impetuosus tempore pyrexia in eas
 vehementer propellatur , earumque
 tunicas plurimum tendat & ad vio-
 lentas restitutiones licet non absolutas
 determinet ; at in arteriis liberis ex
 abundante rarefacto ac impetuosè tra-
 jecto sanguine ingens oritur inter eum
 & tunicas attritus ; ergò in arteriis
 illis omnibus & liberis & non libe-
 ris plenitudo nimia enascitur cum in-
 genti attritu & calore , qui partis sta-
 tus violentus est inflammatio. Ex his
 explicabitur facilè quamobrem in exa-
 cerbationibus putridarum inflamma-

tiones jam factæ ingravescant , aut novæ excitentur.

Febrium putridarum symptomata quod spectat , plura sanè excandescentiæ febrilis progenies sunt , ut capitis dolor , aliqua spiritum ducendi difficultas , anima calida , faciei & nonnumquàm oculorum rubor , artèriarum temporalium pulsio percepta , somnolentia , agrypnia , corporis segnities ac musculorum debilitas , lassitudinis sensus , & similia , quorum explicatio in capite de synocho imputri tradita est , febrilique sanguinis rarefactioni debetur.

Reliqua verò , quæ febribus putridis propria sunt , ut cardialgiæ , ructus , nausæ , vomitus , colici dolores , borborigmi , inflatio ventris seu meteorismus symptoma putridæ febris adeò familiare , diarrhææ biliosæ & similia , quæ ad primas vias spectant , ea sanè materiæ febrilis seu pravorum succorum in eis abundantium , sive in ventriculo & intestinorum cavo sive in eorum organorum ductibus secretoriis sive in his omnibus præsentium effectus sunt sive hi pravi succi magis aut minus spissi sint , magis aut minus

acres , & corrupti diversimodè & in variis gradibus & combinationibus. Quorum etiam symptomatum excitationi vel saltem ingravescentiæ conducit quoque difficilis sanguinis per ventriculi & intestinorum tunicas transitus sive is spectetur in frigore febrili sive in æstu excitatus , indè enim tenditur tunica eorum nervea sitque magis sensibilis , unde causâ cardialgiæ aut colici doloris ulterior ; vel si tunica eorum carnea ex eâ vasculorum à sanguine ingurgitatione patiatur notabiliter , proindèque motum pressionis in contenta in ipsorum cavo edere satis nequeat , aër ex materierum viscidarum putrescentium ac rarefcentium sinu erumpens ac expansus defectu pressionis sufficientis ventriculum & intestina potissimùm dilatat , undè infimi ventris meteorismus ; vel si tunica utraque & nervea & muscularis sanguine difficilè transeunte multùm ingurgitentur , excitantur inflammationes ventriculi , intestinorum , earumque effectus.

Crusta autem mollis hæc sive albicans sive fusca , quâ in febribus putridis lingua obduci solet sedimentum est salivæ aut ex vitio sanguinis inquinatæ

aut in ductibus excretoriis salivalibus ex mora ob viscositatem corruptæ, aut ab halitibus è materiis in ventriculo corruptis per æsophagum ad os elevatis vitiatæ. Ex his autem salivæ inquinamentis oriuntur oris foetores sapes amari, acescentes, glutinosi, aliive ingrati quos ægri percipiunt & adstantibus declarant.

Postremò in febre putridâ, ut & in febre quâcumque emaciatur corpus, non solùm quia æstu febrili & acrimoniâ generali eliquatur pinguedo, consumiturque in sanguine cùm ei remixta est, neque sufficiens ejus nova materia in eo producitur; verùm etiam quòd cùm in febribus secretiones in genere difficilè fiant lymphæque portio insignis retineatur in sangui ductibus, lymphæ sufficiens haud suppeditetur nevrolymphaticis, quare vascula hæc nutritia concidunt semi-inanita nec proptereâ sufficienti applicatione nutritiâ reparantur; neque aliundè lymphæ, quibus alluuntur, satis defæcata est & mucilaginosæ ad reparationem nutritiam, quin potiùs acris est & particulis crassioribus indigestis hoc est insufficienter extensis fœta agglutinationi

nutritiæ non habilibus. His omnibus adde febrili æstu & acrimoniâ plurimum corpus perspirare ; ut omittam diætam, sanguinis missiones, & evacuationes insignes à catharticis in febrium medicatione procuratas, ex quibus sanè inaniuntur plurimum vasa quæque, undè etiam corpus attenuatur.

Causæ remotæ febris putridæ eæ sunt, quæ materiam febrilem descriptam producant, sive generatio ejus inceperit in sanguine, sive in primis viis. Eæ causæ sunt imprimis lactis in uberibus suppressio, hujus ibi per moram & inspissationem corruptio, indèque remixtio per lymphatica in sanguinem, lochiorum, perspirationis, urinæ, puris abundanter manantis suppressio subita ; & hæ causæ per corruptionem aut putrescentiam materiam febrilem primariò in sanguine progenerant, hinc inficiuntur succi digestivi, depravantur deindè digestionibus, pravorumque succorum in primis viis fit apparatus.

Eæ causæ etiam, sed profectò reliquis frequentiores, sunt quæ vitiant digestionibus, ut cibi copiosius ingesti ac præsertim per tempus protractum, cibi difficilis digestionis, cibi pravis

qualitatibus præditi, qui potissimum
 facilius acescunt, aut bilescunt; potu-
 lenta spirituosâ habitualiter epota quæ
 tandem actionem ventriculi enervant,
 & è contrâ nimis insipida & viscosa
 quæ digestionem etiam temporis suc-
 cessu debilitant, ut refrigerantia potis-
 simum aut inactiva, quæ morâ inven-
 triculo etiam acescunt veluti emulsio-
 nes frequentius haustæ & similia. Item
 animi pathemata, ira præsertim & trif-
 titia, & reliquæ res non naturales, qua-
 renus remotè digestionem vitiant & ad
 eum præcisè statum, ut materia præ-
 dicta febrilis in primis viis producat,ur,
 sanguinique per vias chyli affundatur,
 quam ultimam conditionem consultò
 addimus ut absolutè requisitam; hi
 enim pravi succi, qui febrem excita-
 sent, interdum vomitu, interdum per
 secessum excitatâ nimirum diarrhæâ in
 certis circumstantiis itâ eliminantur,
 ut sanguini minimè aut vix suppediten-
 tur, undè nulla ejus aut saltem insuffi-
 ciens inquinatio, nequè adeò febris ul-
 la putrida, ad quam excitandam insi-
 gnis requiritur semper sanguinis inqui-
 natio. Et ab his causis febrilis materia
 in primis viis primariò producta fuit,

hinc in sanguinem migrat. Sed in quocumque casu febrilis materia in primis viis hospitari debet, quò excitetur febris putrida, illud demonstrante observatione constanti, hinc ejus fomes in primis viis semper agnoscitur, hinc ab eà materiâ corrumpuntur ingesta quæquæ, undè febris hujus gravitas & obstinatio.

Febris putridæ signum pathognomonicum est febris continuïtas unâ cùm signis aparatûs notabilis pravorum succorum in primis viis; quæ signa sunt potissimum cardialgia, morsus ventriculi, nausea, vomitus, ructus, oris foetor, crusta alba aut fusca linguæ dorsum tegens, dolores colici, alvi fluxus foetidus aut biliosus, ventris meteorismus & similia, non quod tamen omnia hæc præsentia esse debeant, sed ex his nonnulla.

At cum signa prædicta in febribus malignis perindè observentur, ut plurimum, hinc fit ut plures Præctici putridas febres nonnullas perperam vocent malignas, potissimum cùm symptomata observantur gravissima ac velut deleteria, eas tamen ità habitas nihilo-feciùs curant methodice,

quod ægro perindè est. Verumtamen ut ut malignæ febres à pravorum succorum in primis viis apparatu produci soleant, peculiaris tamen eis inest genius, quo à febribus putridis distinguantur, prout infrà docebitur.

Jàm verò an febrilis materia in primis viis, an in sanguine ipso primogenita fuerit, cognoscitur per signa suppressionum prædictarum prægressis ut plurimum morbis quæ eas indicant, aut per signorum eorum absentiam, simulque per notitiam causarum recensitarum quæ immediatè & absque præcedente sanguinis vitio digestiones lædunt. De cætero febris putridæ in hujus capituli limine allata descriptio febrem eam satis manifestat, ut in illius diagnosi afferendâ hæere ulterius necessum non sit.

Febris putrida periculosa semper est, in eâ namque sanguis per vasa minima difficilè fluit tum ob tenacitatem obstinatham materiæ febrilis, tum propter rarefcentias magnas cum spissitudine sanguinis à materiâ febrili enatas, ex quibus fit ut partium internarum inflammationes sæpenumero excitentur cum summo vitæ discrimine, imò inter-

terdum absolute irresolubiles , unde aut cessatio circulationis sanguinis & cita mors , aut suppurationes viscerum , quæ deinceps ægros lentè ducunt ad exitum. Ità videmus in eâ febre laborantibus interdum inflammari cerebrum & meninges , quod declarant aut deliria aut soporosi affectus graves ; pleuram interdum , quod declarat dolor lateris punctorius cum tussì & respirandi difficultate ; interdum pulmones , quod declarant signa peripneumonix. In quibus quidem casibus incauti sæpè falluntur pleuritidem aut peripneumoniam adesse putantes , proindèque missioni sanguinis nimium insistentes post habitâ purgatione quâ tamen potissimum sanantur pleuritides ejusmodi ac peripneumonix , quæ nihil aliud sunt quàm symptomata febris putridæ ; quare tunc intentio curativa ad debellandam febrem putridam dirigì semper debet , non neglectâ tamen inflammatione , indicationi enim symptomaticæ est quoque satisfaciendum. Observamus etiam sæpius in febribus putridis inflammari abdominis viscera sed intestina potissimum , quod manifestat abdominis meteorismus cum ten-

sione ejus magnâ æstu & dolore , in-
 simul extremorum frigore , faciei pal-
 lore , & pulsûs depressione ac inæ-
 qualitate , quòd nimirum sanguis ex-
 tali infarctu arteriolarum mezerai-
 rum inflammatorio paucâ copiâ & inæ-
 quali gressu in venam portam reduca-
 tur , & ità ad cor appellat , quod conf-
 tituit febrem Lypiriam febris putridæ
 sæpè symptoma. Quin imò quamplura
 observamus partium externarum ac fa-
 ciei imprimis erysipelata , quæ febrium
 putridarum effectus seu symptomata
 tantum existunt ; adeò febres putridæ
 inflammationes procreant , & exin-
 de exitiales sunt , aut saltem periculor
 plenæ.

Febres putridæ interdum per crises
 judicantur , quare signa crisiû prog-
 nostica asserenda forent. At cum nos-
 tris temporibus crises rariùs contigant ,
 quod non spectemus naturæ in eo opere
 semper impotentis molimen veluti spe-
 culatores timidi & otiosi , prout me-
 dici antiqui perperam se gerere con-
 sueverant ; arte autem semper & singu-
 lis diebus à morbi initio morbum im-
 pugnemus , ideò doctrina crisiû &
 dierum criticorum , tum signorum ,

quibus hæ prænoscantur , & dierum decretoriorum , hodiè dierum obsolevit , saltem ut ab antiquis pertractabatur. In capite tamen sequenti de febre malignâ de crisibus aliquid dicetur , sed prout ex nostrâ medendi methodo apud ægros observamus.

In curandâ febre putridâ auxilia potentiora sunt diæta , missio sanguinis , & purgatio. Diæta erit tenuis , ægrique jusculis erunt nutriendi , quæ unâqueque quartâ horâ sumentur ; juscula in eâ regione parari solent ex carne ovillâ ; potus erit aut aqua naturalis , aut ptisana aliqua diluens ut capillorum veneris ; vel refrigerans , si æstus ferociat , ut è feminibus quatuor frigidis majoribus parata , aut ptisana aliqua diluens cui sirupus aliquis acetosus ut limoniorum ut granatorum fuerit ad gratam aciditatem commixtus ; ægerque tunc multùm potabitur. Cùm autem acrimonia viguerit , potus exhibebitur edulcorans , ut est decoctum leve oryzæ , & potissimum aqua pulli gallinacei junioris ; at si sanguis spicescat ac velut lentore præditus sit , potus erit leviter incidens , ut est ptisana scorzonæ ,

graminis, decoctum cornu cerui.

Verùm in hujus morbi principio statim ac pyrexia declarata est sanguis mittendus incunctanter ; sanguinisque missiones sive è brachio sive è pede iterandæ , & quidem magis aut minùs juxta gradum æstûs febrilis & dispositiones ad inflammationes potissimùm viscerum , semper attendendo ægri viribus , ætati , sexui , temperamento, aliisve circumstantiis quæ sanguinis missionem coindicant aut contraindicant.

At secundo vel tertio ad majus morbi die (nisi aliquid obstat) præcribimus purgantia nimirum ad materie febrilis eliminandam portionem , nec expectamus materie febrilis coctionem hoc est attenuationem ad purgandum. Qui enim ita expectant & viribus vanis naturæ confidunt , ægros per inflammationes viscerum , etiam invitis venæ sectionibus obortas miserè de medio tolli experiuntur. Undè non movemur in eâtherapeiâ putridarum Hippocratis auctoritate , cùm ait *Concocta medicari oportet non cruda , nisi materies turgeat , raro autem turget* , cùm quotidiana observatio moneat nos ma-

teriam feré semper turgere etiam ab initio in febribus putridis , prætereà ex nostrâ praxi confirmatâ , in quâ ita purgamus cruda , ægros longè plures sanari. Quare præmissa venæ sectione (ut plurimum semel aut bis repetita) purgamus ægrum aut potione emeticâ , aut emetico-catharticâ , aut simpliciter catharticâ prout casus tulerit , horam eligendo (quantum fieri potest) in quâ febris remiserit. Et licet ex primis evacuationibus alvinis aut per vomitum non curemus ægrum , imò febris augeatur pertæpè (morbus enim invitâ arte sua percurrere debet tempora) indèque ignari , qui non judicant nisi per successus præsentis , conclament adversùs medicos , nihiloseciùs ita agendum est , eâ enim medicatione materiæ morbificæ portio eliminatur , morbusque deinceps arte faciliùs domatur ; qui autem secùs se gesserit profectò infelix erit in praxi putridarum , cumque cunctationis suæ poenitebit , cùm eòusque morbum videbit deductum , ut inflammationes insuperabiles occupent viscera , aut cùm curatâ febre putridâ illico lenta succedet , aut abscessus progeniti depre-

tenduntur aut in articulis aut in glandulis lymphaticis conglobatis habitus corporis aut in carnibus musculosis, quod pessimum erit, in aliquo viscere.

Cùm autem febris hæc ferociat adhuc per plures dies, ideò pro renatâ iteratur sanguinis missio, præcipuè in exacerbationum pyrexia. Interea alternis diebus in morbi decursu exhibetur catharticum usque ad febris evidentem declinationem, quæ die decimo aut undecimo incipere consuevit, nisi protrahatur febris in suo vigore ultra diem decimum quartum, quod aliquandò contingit. Catharticum magis usuale in eâ febre ac efficacius est senna, quæ præterquam quòd succos pravos hujusce febris fomites potenter purgat, vermibus quoque & materiei verminosæ, quæ in eâ febre pluries occurrunt, est hostis infensissimus. Sennæ sociari solet manna, ut & semen contra absinthiumque minus cùm adest materia verminosa aut alia quævis acescens. Adduntur autem tamarindi cùm bilescit materia morbifica & amaroris indicia præbet, cùmque febrilis æstus magnus est. Additur præterea tartarum stibiat-

tum fractâ dosi ut ad tria quatuorve grana , cùm catharsis potentior expetitùr cùmque viscidæ magis sunt materiæ expurgandæ ac tenaces. Purgamus in eâ febre semper sub potionis formâ ; sæpiusque plurimùm prodest purgare duplici potionis dosi , ne æger adeò vi purgantis incalescat , unàque ut abundanter purgetur. Diebus verò à purgatione vacuis subducitur alvus enematis emollientibus laxativis , & pro re natâ purgativis.


Porro ad mittendum sanguinem ratione potissimùm partis affectæ aut proximè afficiendæ , venæ varix eliguntur secundæ. Ità dùm caput laborat non tantùm brachiorum venæ sed & pedum secantur , imò interdùm jugulares at præmissis semper aliquot ex aliis venis sanguinis missionibus. Cùm laborant fauces aut pectus venæ brachiorum secari consuevere , sed & sanguis mittitur è pede cùm lateris dolet acutè pars superna , aut afficiuntur inflammatoriè fauces. At cùm abdominis laborant viscera ut in ejus meteorismo aliisve casibus secantur brachiorum venæ , non verò pedum ; & sic porro , prout *in Tractatu de Tumoribus capite*

de Pilegmone fusiùs declaravimus.

Dùm autem ità succurritur æger potenter per auxilia prædicta, quæ *universalia* vulgò nuncupari solent, ei opitulamur insimul aliis auxiliis quoquè necessariis. Nimirum si urgeat febrilis æstus (quod horis vespertinis potissimam contingere solet nimirum in exacerbatione) præscribuntur emulsiones aut crudæ, quæ magis refrigerant, aut coctæ, quæ minùs crudis corrumpuntur minùsque accescunt in ventriculo, additurque eis hypnoticum ut sirupus papaveris albi quin & laudanum sive liquidum sive opiatum si somnus conciliandus, aut sirupus de nymphaea si tantum sedatio quædam expetatur, aut sirupus limoniorum vel granatorum si refrigerandum potentius & materies amaricantes in ventriculo præsentessint. Ità quoque julepi refrigerantes; aut hypnotici, vel refrigerantes simul & hypnotici præscribuntur. Emulsionibusque anteponuntur julepi cum pravi succi abundant in stomacho, timeturque emulsionum in eo corruptela. Ubi quidem notabimus nos uti frequenter in eâ regione hypnoticis in febre putrida & quidem cum magno ægrorum

emolumento , ii enim per somnum re-
fecti non tantum morbi vim & molef-
tiam facilius ferunt , sed etiam feren-
dis deinde per diem evacuationibus
alvinis necessariis pares magis fiunt ,
vel à passis sublevantur quiete ac res-
taurantur vires , quæ noctu per vigi-
liam magis etiam labescerent.

Præscribuntur insuper julepi cardia-
ci, Diaphoretici, sudorifici, potionef-
ve similis energiæ aut cum deprimitur
pulsus sitve valdè inæqualis , cumque
dejiciuntur vires , aut cum in morbi
declinatione dispositio deprehenditur
ad Diaphoresim vel sudores.



CAPUT SEXTUM.

De Febre Maligna.

Febbris Maligna nuncupatur ea Fe-
bris continua acuta , quæ gravio-
ra infert symptomata , quàm natura
Febris exigere videtur ; in quâ quidem
pulsus aut non multum abscedit quoad
frequentiam & magnitudinem à statu
naturali , aut parvus est , obscurus , fre-

quens , correptus , inæqualis , calor autem aut non multò naturali intensior est , aut acer existit tametsi non intensus ; intereà graviora & inassueta observantur symptomata , ut summa virium dejectio , anxietates molestissimæ , lypothimiæ , imò interdum syncopes , comata , obscura deliria , spasmi tendinum , stridor dentium , manuum tremor , vigiliæ immodicæ , linguæ imò dentium & labiorum nigredo , linguæ siccitas & asperitas , oris siccitas summa sine siti , oris foetor , singultus , viscerum gravis dolor , ventriculi gravis ardor aut morsus , cardialgia cum somnolentiâ , abdominis meteorismi , exanthematum purpureorum , lividorum , nigrorum , imò anthracum bubonum , parotidum eruptiones , mictus cruentus , rigores summi , algores , vomitus biliosi , æruginosi , porracei , atri , diarrhææ similes , nullus interdum sensus morbi in ægro , acutus capitis dolor , vel nullus ab ægro perceptus licet causa ejus adsit , oculorum immutatio magna , & symptomata similia , plura aut pauciora , & varia in diversis eâ Febre laborantibus .

Quæ cum ita sint , obvium est in

câ Febre primas vias pravis sanè fuc-
 cis & indolis perditæ infestari, simul-
 que sanguinem admodùm inquinatum
 esse & in suâ crasi subversum, ità ut
 sub illis respectibus Febris maligna
 ad putridas referri possit, imò à non-
 nullis eas ob causas plures Febres pu-
 tridæ, cùm nimirùm gravibus ac me-
 tuendis stipantur symptomatibus, in-
 signiantur nomine malignarum. Si rem
 tamen penitiùs spectemus, Febres ma-
 lignas peculiare genium sibi arrogare
 deprehendemus, cùm gravitas sympto-
 matum in eis vigorem Febris exuperet,
 secùs in putridis; cùm insuper malig-
 næ Febres quamplurimæ in initiis
 clandestinè ac veluti furtim & sub-
 dolè incedant, nimirùm sine morbi gra-
 vis apparentià, tùm deinceps veluti
 subito mutantur & morbi exitialis spe-
 ciem induant; undè cùm larvatæ sint
 sub specie morbi non adeò metuendi,
 nomine ducto à moralibus, *malignæ*
 proptereà dictæ sunt; cùm tandem ma-
 lignæ Febres mitescere in suo curriculo
 interdùm videantur & incautis impo-
 nant, recrudescant postea multò infes-
 tiores ægrumque perimentes imò inter-
 dùm brevissimo tempore, undè quoque

mali moris seu *malignæ* dictæ sunt.

Ex his omnibus statuemus Februm malignarum materiam febrilem multum sed inæqualiter spissam, particulas diversi generis nimirum alias acedentes, alias acres, alias acerrimas, ac velut venenatas in sinu suo gerentem, nunc altius nunc minus reconditas, hoc est nunc magis nunc minus viscido cohærentes & inæqualiter. Et sanè discrepantiam illam particularum in eadem materiâ febrili qualitatibus diversis ac velut pugnantis præditarum non negabunt illi, qui ægros adire consueverunt, quos non latet ægros viscosas & bilescientes materias rejicere interdum vomitu, quas dicunt unâ & acidas & amaras; adeò irregulariter per pravas digestionem aut sanguinis corruptelas ac depravationes producuntur morbosæ particulæ simul in viscido cohærentes, quod phisices speculationes sanè superat, cum præsertim ab eisdem, quæ videntur, causis tantæ varietates in effectibus morborum appareant, ita ut causæ eadem procatarcticæ nunc Febrem putridam, nunc malignam, nunc intermittentem excitent, sed eundem in subjectis diversimodè sed modo

modo satis incognito dispositis ; undè illud *tortkeion* in morbis ab *Hippocrate* pronuntiatum. Quare nullæ regulæ certæ productionum talismodi prædicendarum afferri possunt , nec quomodò eæ fiant ulli Physico notum est. Et sanè symptomata Februm malignarum seu effectus ejus materiæ morbificæ , anomala adeò graviaque simul videntur , ut nonnulla eorum vi cuiuspiam inspissanti alia vi dissolventi deberi videantur ; indè factum est ut Medici plures Febres malignas in eas , quæ à *coagulatione* seu inspissatione , & alias , quæ à *dissolutione* fierent , distinxerint. Verùm cùm in eodem subiecto Febre malignâ laborante observentur sæpè symptomata , quæ à diversis illis viribus profluunt , ideò in Febribus malignis non ejusdem indolis agnoscenda materia febrilis , quæ aut inspisset tantum aut solvat , sed indoles utraque in eâdem materiâ febrili agnoscenda juxtâ partium heterogenearum miscelam , itâ tamen ut nunc particulæ inspissantes , nunc particulæ solventes in certis Febribus malignis prædominari videantur. Quæ sanè Medicinæ Magistris non adeò mirabilia vi-

debuntur, cùm eos non lateat idem etiam in medicaminibus plurimis simplicibus occurrere, quæ & particulas mucilaginosas & inertes simulque duras & activas in se gerunt, ità ut in eorum nonnullis priores in aliis posteriores prædominari per effectus videantur.

In omni autem Febre malignâ notandum vires admodùm resolvi, actionem cordis & arteriarum parùm intendi, imò pluries naturali debiliorem esse, aut exerceri inæqualiter. Hæc demonstrant pulsus parùm febrilis, pulsus parvus, pulsus inæqualis, animi deliquia, rigores magni imò algores, calor naturalem vix superans, imò naturali interdum minor, aut acer cùm naturalem superat. Quæ omnia significant sanguinem à materia febrili plurimum inspissatum ac parùm rarescen-tem; sanguinem parùm fluxilem simulque particulis acrioribus sæpè foetum textum particularum nonnullarum sanguinis mucilaginosarum & rubrarum plurimùm interea solventibus; sanguinem constantem globulis aliis nimium coacervatis & purpurâ aliquantum exutis, aliis nimis solutis sed tamen im-

perfectis, corruptis, parùm vegetis, ac eis pluribus velut fideratis.

Ex quibus omnibus sanguis ad facile fluendum per vasa minima minùs habilis sit, nec vehementer à corde & arteriis interea urgetur, undè in vasis minimis sanguineis pluribus multùm lentescit unà cum acrimoniâ, à quâ per moram velut corrumpitur (labe ulteriùs toti sanguini communicatâ) undè inflammationes viscerum erysipelatosa, sæpè etiam gangrænodæ, ariditates colatoriorum ex defectu secretionis fluidi, antraces, maculæ purpureæ aut lividæ, parotides ac bubones mali moris, nimirùm cum duritie, unctionis sensu, lividitate, dispositione gangrænodeâ, simulque pulsu debili, obscuro, depressio, & anxietate universali obscurâ; sed præprimis erysipelatosa cerebri affectio frequens adeò in Febre malignâ sed segnis, ex quâ in diverso gradu explicantur sopor, delirium obscurum, motus spasmodæi, tremores tendinum, dentium stridor, mentis alienatio, insensibilitas animæ circà morbum quamquàm gravissimum, & alia symptomata, quæ denotant ut plurimùm mente captos esse Fe-

bre malignâ laborantes. Inſimul ex prædictâ cerebri affectione in eâ Febri ut plurimùm excitatâ elicitur, cur vires cordis, arteriarum, mufculorum, omniumque vaſorum fibrarumque corporis parùm vegetæ ſint, vel depravatè hoc eſt inæqualiter exerceantur, nimirùm propter memoratum cerebri inſarctum nervorum fluido parciùs ſecreto, indèque inſufficienter vel etiam inæqualiter & anomalè partibus ſubmiſtrato; ad quarum etiam virium prolapſum ac irregularitates confert etiam ſanguis per vaſa minima difficilè, ut vidimus, ac interdùm irregulariter means: & ex his deducuntur quamplura alia ſymptomata conſectaria. Uno verbo ex jam ſtatutâ febrilis materiei indole, dyſcraſi ſanguinis aſſignatâ, trajectu ejus difficili per vaſa minima cum impulſione intereà parùm violentâ, ſtatu cerebri phlogodæo jam jam determinato, viribus ſolutis ſolidorum vel inæqualiter exercitis, materiei febrilis in primis viis vel in colatorio ventriculi & inteſtinorum præſentiâ notabili aut actione, omnia facilè explicantur Febrium malignarum ſymptomata, quibus non ulterius inhærebimus cum

ex iis , quæ in capitibus de synocho simplici ac de putri præcipuè allata fuere haud difficile erui fusiùs possint. Uti neque sermonem iterùm instituemus circà exacerbationes quæ in Febre malignâ perindè ac in synocho putri excitari solent , servato tamen in eis Febris genio ob causas assignatas semper easdem præsentem.

Causæ remotæ fermè eadem sunt ac putridarum , verùm inter eas procatarticiæ , Febres malignas potissimùm excitant , cùm corpus curis , mœrore , tristitia antea velut est confectum ac debilitatum , aut laboribus nimis vel evacuationibus immodicis resolutum , aut a stasis calore solutum , cùm corpus alimentis pravi succi diù fuit nutritum hoc est cùm à causis antecedentibus sanguinis partes mucilaginosæ spissiores evaserunt , aut earum tenuiores avolarunt , partes autem acres omnis generis productæ fuerunt abundanter , ac plurimùm fractum fuit solidorum elater cum eorum tamen ariditate , indidem digestionem ex immutatis succis digestivis à dyscrasi sanguinis assignatâ admodum fuerunt depravatæ , ita ut ex his omnibus explicetur excitatio mate-

riei febrilis , quæ producit Febres malignas.

Febris maligna ex præfatis satis cognoscitur , & distinguitur à Febre putridâ. Illud tamen præsertim ad Therapeiam distinguere interest , an potissimum vigeat inspissatio fluidorum in Febre malignâ ac prævaleat , an eorum acrimonia ; qui sane status fluidorum declarantur per symptomata , nimirum si rigores febriles vehementes sint nec deinceps succedat calor acer sed velut in statu naturali , si sopor adsit , aut delirium valdè obscurum cum somnolentiâ , si parotides aut bubones indurati absque tamen ustionis sensu , si pulsus parùm frequens sed inæqualis , si lipothymia , si lingua non retorrída nec calor in ore & similia adfuerint , si utinæ fanis similes extiterint , aut quales Jumentorum , status inspissationis potissimum declaratur. At acrimonia fluidorum patefit prædominans per rigores febriles minores , calorem acrem pulsumque frequentem correptum nec tamen magnum , delirium cum vigilia , maculas purpureas , lividas , anthraces , bubones aut parotides cum

sensu exarsionis , mictum sanguineum ,
linguam admodum siccam , rubram ,
faucium ardorem , sitim intensam , &
similia , plura aut pauciora.

Malignæ Febres periculo plenæ sunt,
imminent namque in eis inflammatio-
nes in visceribus & præsertim in ce-
rebro pessimi moris nimirum gangre-
nodeæ , pluresque eis affecti eo mo-
do enecantur. Intereà tamen utcumquæ
Febre malignâ laborantes videantur
desperati , morbusque resistat reme-
diis , ii tamen nunquam relinquendi
sunt , cum eorum quamplures , de
quibus conclamatum videbatur , con-
tinuata medicatione salvi evaserint ,
infarctus namque viscerum inflamma-
torius in Febribus malignis segnis esse
solet , undè semper iis ægris opitu-
landum per artem usque ad extremum
finem sine absolutâ desperatione. E-
contrà autem nonnulli Febre malignâ
laborantes interdum qui fermè sine
periculo videntur , dein enecantur ,
adeò morbus is est mali moris , &
ludit Artis Magistros. Quapropter Me-
dicus in prognosi circà Febres malig-
nas afferendâ semper cautus sit , prog-
nosinque semper dubiam sed pericu-

lofam instituat. Verùm ratione materiæ febrilis cæteris paribus periculofiores esse solent Febres malignæ, in quibus particulæ acres illæ ac velut venenatæ prædominantur, iis in quibus spissitudo potissimum causa est, præbent namque contraindicationes, quibus difficilè satisficit, cum ex unâ parte impugnanda indicetur per activa remedia materia inspissans, ex aliâ solvens & acris mitiganda sit per edulcorantia & inertia, quæ omnia inter se pugnare videntur: undè difficilis earum curatio. Parotides erumpentes sine symptomatum imminutione vel cum eorum augmento exitium prænuntiant, & è contrâ salutem cum remittunt symptomata, in priori namque casu significatur materia febrilis exuperans, in posteriori parca & quoad maiorem partem è sanguine reducta in eas glandulas; idem pronuntia de bubonibus subortis.

Quare tumores hi omnes in priori casu dicuntur *symptomatici*, in posteriore *critici*, qui significant depurationem sanguinis, dùm alii ejus corruptionem subsistentem ostendunt. Verùm anthraces semper sunt *symptomatici* ac

funestum eventum prænuntiant, denotant enim in sanguine magnam acrimoniam, corruptelam summam, mucilaginis vitalis destructionem, partium sanguinis integrantium velut subversionem ac miscelam destructam, uno verbo hujus liquoris vitalis constitutionem gangrænodeam ac fiderationem omnibus visceribus infensam, eisque inflammationes gangrænodeas ac exitiales inferentem. Vomitus atræ bilis sæpè funestus, significat enim materiam febrilem acerrimam ac velut corrosivam simulque abundantem & in sanguine & in primis viis. Mictus sanguineus mortem ptænuntiat, denotat enim vi materiæ febrilis acerrimæ solutos adeò fuisse globulos purpureos, ut è sanguine in fistulas renales cum urina eruperint; Sopor succedens delirio multum periculi portendit, significat enim vasa cerebri priùs infarcta phlogisticè tonum jam amisisse, infarctaque fuisse ulteriùs sanguinea. Febres malignæ purpuratæ cæteris paribus aliis non purpuratis periculosiores sunt, significant enim vi acri solutos eò usque globulos purpureos ut è propriis vasis in cutis lymphatica deviarint, ac

simile quid in visceribus vix emendabile factum fuisse, aut ut fiat in prociectu esse, Et sic variè prædicendum juxtà partes affectas, varietatem symptomatum, eorumve successiones.

Februm malignarum curatio à putridarum curatione parùm discrepat, undè diæta similis per juscula & potum aqueum aut ptisanas diluentes instituitur, tùm sanguinis missio ac purgatio potentissima auxilia sunt. Animadvertendum tamen circà sanguinis missionem eam in Febris malignis non utique ut in putridis liberalem esse instituendam comprobante experienciâ, cùm in Febris malignis rarefactio sanguinis impetuosa adeò non sit ac in simpliciter putridis, nec vasorum elater adeò robustum. Ad purgationem autem quod spectat ea quidem frequens æquè ac in Febris putridis imperanda, eâ siquidem Februm malignarum curatio potissimùm absolvitur, eâque omisâ imò satis ac pluries non repetitâ auxilia cætera frustranea fiunt, ægerque miserè occumbit. Verùm tamen respiciendum magis ægri viribus, quæ cardiacis identidem refocillandæ sunt, ne in-

terdum concidunt, præsertim cum Febris maligna sit à magnâ inspissatione. Quamobrem cardiaca frequentius quàm in putridis locum habent. De cætero emulsiões ac refrigerantia ut & diluentia ac edulcorantia tantum præscribenda sunt, cum acrimonia præpollet. Circà autem narcoticorum usum cautionem esse Medicum oportet tum propter virium lapsum, tum ne vasa cerebri laxentur, soporque superveniat exitialis. Quapropter ea tantum proficua sunt, cum urget agripnia aut pars aliqua dolet aut quocumque modo est irritata, ægerque simul constat viribus. Verum sanguis in Febribus malignis ex spissitudine à causâ febrili conceptâ tum à fracto vasorum elatere lentus adeò segnis ac torpidus existit, ut pulsus sæpè fiat inæqualis; intermittens, saltem debilis, imò accedant lypothymix incunte præsertim exacerbatione cum frigore, quare tunc ad excitandas vires non tantum cardiaca moderata, imò interdum spirituosà & volatilia præscribenda sunt ex necessitate, ut lilium paracelsi, spiritus volatiles, spiritus therebinthinæ, & similia. Cum autem ex tali sanguinis

spissitudine tum & vasorum omnium ac præsertim cerebri inertia sopor altus ægrum occupat, tunc incausum adhibitis purgantibus, cardiacis, ac hydroticis, efficacissimum remedium est vesicatorium è cantharidibus scapulis applicatum, vi namque cantharidum solvitur adeò sanguis, ut citius & certiùs fluxilitatem recuperet, quàm à vi quâcumque salium volatilium aliorumve potentissimorum cardiacorum, simulque exsuscitentur vires vasorum omnium & cordis, pulsu redeunte valido, frequenti, æquali, discussoque sopore; id quod sæpè experientia demonstravit. Et ità per varia auxilia opportunè adhibita feliciter impugnantur malignæ Febres, eorum præcipuorum applicandi ratione jam superius in putridarum therapeiâ expositâ.

Febrium malignarum sic expositâ curatione generali auxilia in juniorum Medicorum gratiam, qui praxi Montpelienfi operam dare decreverunt, fusiùs sanè sunt declaranda. Cùm verò malignæ Febres sint de genere putridarum, quæ jam dicturi sumus exhibebunt quoque auxilia, quæ Febribus

bus simpliciter putridis oppugnandis conducunt ; attendendo tamen iis , quæ in curatione generali tùm putridarum tùm malignarum fuerunt animadversa.

Juscula ex carnibus ità parari solent , ut pro unâquâque dosi jusculi octo præter propter carnis uncix infumantur. Juscula , quibus æger nutriendus est , ex carne vervecinâ parari solent , & cum paucò sale , vel etiam nullo cùm calor acer , aut siccitas & ardor viscerum orisve observantur ; in quo casu parari etiam solent juscula ex carnis vervecinæ & vitulinæ partibus æqualibus , vel ex carne vervecinâ addito pullo gallinaceo juniori , nec nisi paucissimum sal vel nullum additur. Cùm autem vires debiles sunt ac velut exhaustæ , vel propter debilem naturam , vel ex senio , vel ob morbi naturam , aut durationem , aut medicationem adhibitam , parantur tunc juscula ex carne vervecina additâ portione gallinæ veteris , aut simpliciter ex caponibus , addito paucò sale. Carne bovinâ non utimur. At pullorum vel carnis vitulinæ loco utimur nonnunquàm carne agnina aut caprillâ carni

vervecinæ additis. Quin & in casibus nonnullis in quibus acrimonia valdè urget, aut cùm stomachus nimis irritatus vel sensibilis &ensus nimumve æstuans juscula ordinaria respuit ab eis molestatus, ægrum tunc alimus cremoribus ex oryzâ incoctâ aquæ absque sale, iisque semper satis liquidis, aut similibus ex avenâ paratis, qui quidem cremores totam ægri alimoniam per plures dies interdum absolvunt; aut etiam in die semel vel bis sumitur jusculum simplex ex pullo juniore sine sale, aut ex eo cujus venter oryzâ vel seminum quatuor frigidorum majorum contritorum semiunciâ aut circiter fuerit factus. At cùm penitus juscula non sunt interdicens vicibus alternis cremorem & jusculum sumet æger, vel etiam jusculorum consuetorum acrimoniam & activitatem obtundimus additis in singulis jusculi dosibus cochleari uno vel duobus vel tribus alicujus ex prædictis cremoribus aqueis, vel etiam coctionis carnis vervecinæ sub finem adduntur in ollâ oryzæ lotæ cochleari unum vel duo. Quolibet autem ex prædictis victu utatur æger, singulis quatuor horis alimen-

tum ei subministratur, præter diem primum quo semel vel bis jusculum exhibere sufficit, saltem si constet viribus.

Potus verò ejusmodi ægrorum ordinarius vel est ptisana quæ fit ex capilli veneris Monspeliensium pugillo per horæ quadrantem in aquæ fontanæ libris tribus leviter incocto; vel aqua panis semiustulati frustulo tincta; vel aqua mera fontana aut fluviatilis. Cùm spifcescit notabiliter sanguis, tùm pulsus languet, calorque vix excedit naturalem potandus erit æger decocto aliquo leviter incidenti ut ptisanâ, quæ fit decoquendo in aquæ libris tribus scorzonæ radicis unciam unam aut unciam unam & semissem; ut etiam ptisanâ cornu cervi, quæ fit decoquendo per horam aut horas duas in aquæ libris quatuor vel quinque rasuræ cornu cervi unciam aut uncias duas. Cùm autem prævalet acrimonia, ac potissimum cùm primas vias divexat, aut pulmones aut vias urinarias; quæ ità cognoscitur per corporis totius calorem acrem, siccitatem cutis, oris ariditatem, linguæ rigiditatem ruborem, sitim, faucium calorem, tussim sic-

cam, animam calidam, pectoris æstus, urinam flammeam, ardorem urinæ, vomitus biliosos imprimis bilis viridis, atræ, dejectiones similes, calorem abdominis, ventriculi morsum, æstum, dolores colicos, hæmorrhagias, scintillantes oculos, & reliqua in diagnosi relata, eaque plura vel pauciora præsentia, tunc sanè potus debet esse copiosus simulque edulcorans; quomobrem largiter tunc potandus erit æger ptisanâ pulli junioris, quæ fieri consuevit coquendo in aquæ fontanæ libris quinque per quinque horæ quadrantes vel sesquihoram pulli junioris gallinacei excoriatum corpus nec lotum in quatuor partes divisum. Sique ratione æstus aqua pulli magis temperans & aliquantùm refrigerans expectatur tunc unâ cum pulli excoriatis frustis coquantur semina quatuor frigida majora contrita ad unciam semissem vel unciam. Si æstus autem magis urgeat, æger potandus erit liberaliter, ptisana dictâ vulgò *emulsio-nata*, quæ fit terendo in mortario marmoreo seminum quatuor frigidorum majorum unciam sensim affundendo aquæ fontanæ libras tres, deindè

per linteum liquorem transcolando. Cum autem turgent nimis saburrâ ventriculus eâque imprimis acedente , ne adeò acedat corrumpaturve in eo prædicta ptisana , per horæ quadrantem coquitur ac iterum transcolatur , & ità cocta exhibetur affatim ægro.

Præscribitur quoquè ad temperandam acrimoniam æstumque minuendum ptisana vulgò dicta oryzæ , coquitur nimirum per horam orizæ lotæ cochlear in aquæ libris tribus , vel ptisana seu aqua hordei , scilicet in aquæ libris quatuor vel quinque coquitur ad crepaturam hordei integri manipulos. Cum autem ptisanas quasque æger respuit , eæve in stomacho corrumpuntur eive graves sunt , ad diluendum simul & temperandum aquas *Meinenses* præscribimus pro potu , quæ de genere sunt mineralium levissimarum. Verum si ardor extiterit intensus , molestetque præprimis fauces ventriculum intestina vias urinarias , adsintve sitis magna , aut vomitus vel dejectiones materiæ biliosæ calidæ & acris , tunc ad potandum præscribimus aquam in quâ ad levem aciditatem infusa fuerint frusta li-

moniorum , aut cui limoniorum succus additus fuerit ad gratam aciditatem cum paucō saccharo ; vel addimus , sed rariùs , aquæ spiritum sulfuris ad gratam aciditatem ; vel alicujus ex prædictis ptisanis cyatho addimus identidem sirupi alicujus acidī , ut limoniorum , mali punicæ , grossulariæ , oxiacanthæ , agrestæ , mororum , drachmas duas aut unciam semissem. Interdum quoque sed rariùs ad temperandum sanguinis æstum præsertim cū ex eo laborant viæ urinariæ , potamus ægrum aqua nitrosâ , solvendo nimirum in aquæ fontanæ libris tribus aut quatuor nitri depurati vel salis prunellæ drachmam circiter. Et hi sunt potissimum potus , qui in curandis Febribus malignis & simpliciter putridis in usum veniunt.

Postquam ægrorum ejusmodi dietam seu victûs rationem declaravimus , reliqua exponenda veniunt , quæ his ferri solent , auxilia tūc è Chirurgia cū è Pharmacia deprompta. Ea autem quo modo eligenda sint & applicanda , & quas ob rationes , & in quibus circumstantiis , & cū quibus cautelis , in curatione Februm in ge-

nere , tùm in Febris synochi imputris ,
 Februm putridarum , & malignarum
 therapeia generali jam satis antea fuit
 traditum , ut plura ex præfatis repe-
 tere necessum non sit.

Quoad tamen sanguinis missionem
 addere ea juvat. Quâcumque vena
 sectâ brachii putâ , pedis , colli , sin-
 gulis vicibus sanguinem effundi so-
 lere ad uncias octo vel novem (lo-
 quimur de adulto in câ curatione)
 interea tamen tantum ad uncias sex
 vel septem cum amplam sanguinis
 missionem vires ferre non possunt ,
 imò interdum cum pulsus debilis est ,
 ad uncias tres aut quatuor. Ubi no-
 tandum sæpè magis proficuum esse
 sanguinem per plures vices intiâ cer-
 tum tempus parcâ manu quâque vice
 mittere , quam eandem ejus quanti-
 tatem intiâ idem tempus per vices
 pauciores , adeoque singulis vicibus
 copiosius , detrahare , saltem in Fe-
 bribus malignis , ex largis enim san-
 guinis missionibus vires sæpè conci-
 dere docuit observatio , ac demonst-
 rat theoria Februm malignarum jam
 exposita. Ut in cæteris Febribus con-
 tinuis acutis sic & in malignâ Febre

sanguis primis morbi diebus potissimum mittendus, & semper incipiendum à sanguinis missione statim ac ineunte morbo pyrexia declarata est, seccus inflammantur viscera, nec emeticorum nec catharticoꝝ alioꝝve remedioꝝ felix est deinceps successus, morbus autem per inflammationes viscerum factus infestior aut ægrum perimit, aut eum in summum conjicit vitæ discrimen. Nec tantum primis morbi diebus celebrandæ sunt venæ sectiones, verum & sæpè deinceps in morbi progressu ac præsertim in akme exacerbationum ex necessitate iterandæ sunt juxta morbi sævitiem ac symptomata, quæ superveniunt, quæque inflammationes viscerum aut factas aut imminentes denotant. Cum caput est affectum ut in casibus soporis, delirii, convulsionum, doloris proprii, sanguis è pede potissimum mittendus, imò interdum è venâ jugulari modò tamen plures præcesserint venæ sectiones, ut eâ ratione ex eâque cautelâ sanguis revellatur à cerebro. At dum abdomen multum laborat aut dolore aut statu inflammatorio missio sanguinis è pede dubia sit aut evi-

denter nociva , cùm eo mittendi sanguinem , modo sanguis in affecta abdominis viscera magis determinetur : quare tunc venæ eliguntur secundæ è brachio , ut & cùm pectus potissimum afficitur , licet sanguinis missio è pede affecto pectore interdùm etiam instituenda sit , nimirùm quando inflammatione afficitur pleura in parte supernâ pectoris. Cùm autem caput internum affectum est , de cætero plures nequicquàm institutæ fuerunt venæ sectiones , vel etiam cùm debiles sunt vires sanguis intereà mittendus , tunc applicandæ sunt temporibus hyrudines duæ nimirùm aut tres temporis unicuique , eo namque modo sanguis non mittitur copiosè , neque impetuosè sed lento fluxu , simulque fit revulsio à cerebro , quâ levatur æger.

Cùm autem per purgantia impugnetur directè causa tùm malignarum tùm putridarum Febrium , iis nimirùm adhibitis evacuetur non modò materia febrilis in cavo ventriculi & intestinorum contenta , sed & in organis secretoriis quibusque , quæ inventriculum & intestina eructant ,

hospitans & impacta imò & sanguinem inquinans ac velut ei cohærens ; ideò , docente decætero felici experientiâ incunctanter à Medico procuranda purgatio. Sic enim in principio morbi imperata non equidem tollit causam morbi at eam tamen imminuit cum bonis ægris rebus ; secùs qui se gesserit felix non erit in praxi putidarum & malignarum Febrium, & naturam opitulantem & materiam febrilem coquentem otiosus spectans ; tragica videbit. Quamobrem quantocyùs & secundo aut tertio ad majus morbi die , si nihil obstiterit , celebratâ primis diebus aut tantùm primo die venæ sectione semel aut bis aut ter , ac instituta , ut docuimus , diæta præscribendum pharmacum quo expurgentur primæ viæ ; id autem eligitur tantùm vomitorium si ventriculus saburrâ scatere plurimùm fuerint signa , intereà nihil contradicat ; vel si sopor in primâ morbi invasione ægrum occupet utcumque videantur esse contra-indicationes , modò ægri vires satis constant. Quare.

REC. vin. sibiāt. unciam unam & semissem , vel unc. duas. f. haustus. vel.

Rec. tartar. emetic. solubil. gr. sex aut septem aut octo, solve in aq. card. benedict. aut cichor. aut aq. communis unc. duab. aut trib. f. haustus.

Vel, si non adsit ad somnum proclivitas, de cætero saburrâ ventriculus scateat cum calore aliquo viscerum tum ad vomitum sit dispositio per nauseas, cardialgias, ructus, eructationes se prodens.

Rec. ipecacuanha rad. pulverat. gr. viginti quinque, aut triginta aut triginta quinque, cum jusculi cochlear. quatuor aut quinque, aut cum aq. cichor. aut card. benedict. aut aq. commun. unc. trib. circiter. f. haustus.

At cum paulò dejectæ sunt vires pulsus nimirum aliquantùm languet, calorque non est intensus, indicatio intereà est ad vomitum; tunc ex prædictis haustibus alicui additur aut confectio de hiacintho ad drachmam vel drachmam unam & semissem, aut, si vires magis sint erigendæ, confectio alkermes ad drachmam, vel theriaca vetus ad scrupulos duos aut drachmam, unà cum aliquot aquæ naphè cochlearibus. Itaque.

Rec. aq. card. benedict. & aq. flor. aurantior. ana unciam unam & semissem,

*tartar. sibiati. solubil. gr. sex vel septem
confect. de hiacinth. drachmā unam, vel
confect. alKermes aut theriac veter. scrup.
pul. duos aut drachm. unam. f. haustus.*

Et sic de cæteris haustibus prædictis, cū addendum est cardiacum.

Ubi moneo nos tartaro emetico uti solere, quod ex antimonii hepate paratur, cū enim id ex antimonii vitro paratum fuit, quartā aut tertiā parte circiter minuenda est ejus dosi.

Cū autem contingat frequentius in morbi principio indicationem non esse simpliciter ad vomitum, cū nec urgeat sopor, nec summa in ventriculo pravorum succorum aggestio denotetur; signa autem adesse soleant saburræ in toto primarum viarum tractu, hoc est in ventriculo & intestinis, præsentis, ideò tunc & ventriculus & intestinia continuā actione purganda sunt, sociando nimirum catharticiis emetica sed fractā dosi. Igitur.

*REC. senn. mundat. drachm. duas,
aut drachm. duas & semi. semin. contrā
pugill. unum, sal. vegetabil. drachm.
unam, inf. supra cineres calidos per noctem
inf. q. aq. font. & incolatur. unc. sex dissol.
mann. calabr. uncias duas, tartar. sibiati.
solubil. gr. tria vel quatuor f. p. mane su-
mend.*

Verūm

Verùm cum experientia nos docuerit purganda esse in his regionibus calidis corpora ac præsertim æstate cum magnâ vehiculi copiâ, ideò cum felicioris successu potionis purgantis duos cyathos sæpiùs præscribimus, eâ enim purgandi normâ nec molestantur adeò nec incalescunt abdominis viscera pectusve, obtinetur intereà evacuatio abundans & absoluta sine torminibus, quam æger fert sine tantâ virium jacturâ, succis pravis nimirum à copiâ liquidi purgantis valdè dilutis factisque magis obsequiosis, nec intereà intestinis adeò laceffit. Quare.

REC. *sen mundat. drachm. duas & semi. vel drachm. tres, semin. contrâ pugill. unum, sal. vegetabil. drachm. unam, inf. per noctem supra cineres calidos in f. q. aq. font. ad unc. duodecim, cola pro duab. dosib. in quarum primâ dissol. mann. calabr. unc. duas, tartar. stibiat. solubil. gr. tria, & in secundâ dosi dissol. mann. calabr. unc. unam tartar. stibiat. solubil. gr. duo. f. p. pro duab. dosib. mane intrâ tres aut quatuor horas sumendis interjecto jussulo.*

Cum autem urget casus & in pro-cinctu præscribenda venit potio pur-gans, tunc ea quæ infundenda præ-crisimus pharmaca in aquæ paulò

majori quantitate per horæ quadrantem aut semihoram levi ebullitione coquenda sunt, tùm in colaturâ eadem, quæ diximus dissolvenda, dissolventur, & ità similis vis præter propter parabitur potio purgans, per ebullitionem siquidem vis acutior cathartici elicitur, quam per infusionem calidam, quamobrem brevis ebullitio institui solet.

Si autem debilior sit ægri natura aut si æger temperamento acri & calido præditus sit, aut corpus & viscera sicca, aut acrimonia demonstretur, timeatur viscerum ardor aut sensus intestinorum exquisitus, intereà tamen ob insignem pravorum succorum in primis viis apparatus purgans efficax exigatur.

REC. *tamarind. pingui. unciam unam aut unciam & unam semi. bull. per semihoram in s. q. aquæ fontan. ad unc. duodecim in quib. inf. senn. mundat. drach. duas flor. persicor. manipulum semiss. cola pro duab. dosib. in quarum primâ dissol. mann. calabr. unc. duas, tartar. stibiat, solubil. gr. duo, & in secundâ dissol. mann. calabr. unc. unam, tartar. stibiat solubilis gr. unum, f. p. pro duab. dosibus mane intra hor. quatuor sumend. interjecto jusculo.*

Vel , si mitiùs purgandus est æger cum aliqua tamen efficacità.

REC. *tamarind. pingui. & pulp. cass. recenter extracta ana unc. unam , sal. ebsoniensis drachm. unam bull. in f. q. ac. font. per semihoram ad uncias decocti duodecim in quib. inf. senn. mundat. drachm. unam & semi , aut drachm. duas , aut folliculor. senn. drachm. duas , flor. malv. vel flor. violar. manipul. semi , cola pro duab. dosib. in quarum primâ dissol. mann. calabr. unc. duas , tartar. stibiat. gr. duo , & in secundâ mann. calabre. unc. unam , tartar , stibiat. gr. unum. f. p. pro duab. dosib. mane intrâ horas quatuor sumendis interjecto jusculo.*

Ubi notandum ægro exhiberi interdùm secundum potionis purgantis cyathum horis duabus tantùm elapsis ab assumpto primo cyathu , nulloque interjecto jusculo ; quod fit cùm purgatio expetitur citior & amplior , intereà autem æger viribus satis constat , nec potiones purgantes multùm respuit , nec nauseat stomachus.

Juxtà autem ægrorum dispositiones prædictarum potionum cathartico emeticarum vi nunc per vomitum unâ & secessum expurgantur pravi succi , nunc tantùm per secessum , sed cum majori efficacia ob additum tartarum emeti-

cum. Sunt qui tartari stibiati loco potitionibus catharticiis vinum addunt emeticum fractâ dosi , ut ad drachmas tres , unciam semissem , aut unciam ; verum res succedit felicius per additionem tartari stibiati , cujus quidem actio non tam cita est ac vini , sed aliundè non tam citò dissipatur , quare dejectiones non adeò promptæ sed protrahuntur diutius , quod facilius ferunt ægri. Si tamen promptiores & singulæ abundantiores expetantur evacuationes , sed quæ citius cessent , loco tartari vinum absolutè addi poterit potionibus catharticiis & jam traditis dosibus.

Jàm verò sive purgans , quod ab initio exhibitum fuit , extiterit tantum vomitorium sive cathartico emeticum optima docet praxis diebus alternis per totum fermè morbi curriculum ægrum purgandum esse , modò nihil obstat ; docuit namque pluries observatio , quod cum dies duo relinquuntur à purgatione liberi , intendi soleant exacerbationes , ac viscus aliquod inflammatoriè infarciri ; perniciofa adeò est in his Febribus materia febrilis neglecta , ut si perpetuò ,

ut ità dicam , non expugnerur per purgantia , sibi met ipsi verò permittatur , increascit affatim , fiat sævior , ac strages excitet. Expugnabitur itàque diebus saltem alternis metuenda hæc morbifica materies , quantum fieri poterit , aut per potionem aliquam ex prædictis cathartico emeticam , aut per eamdem sine tartaro emetico , si casus tulerit ; in quamplurimis tamen casibus optimum sanè est potiones catharticas tartari stibiati granis aliquot ità acuere , præsertim in morbi principio ac vigore , quò febrilis materia potentiùs evacuetur ; morbo autem ad declinationem vergente aut declinante , cùm febrilis materia fluxilior facta sit , magisque expedita à sanguine , tùm secretiones omnes proindeque intestinales faciliùs fiant , tunc ad plenam purgationem cathartica sola sufficiunt.

Nec objicere juvat febrilem materiam primis morbi diebus crudam esse , hoc est spissam parùm fluxilem & sanguini nimis cohærentem , quæ non patiatur se purgari ; nec addere dejectiones à purgantibus primis morbi diebus procuratas serosas esse sæpiùs

ac pharmaci violentiâ velut prolicitas relicto in massa sanguineâ materiæ febrilis viscido ac tenaciori , quod pejus est & magis infensum hujus materiæ morbificæ ; prætereâ ægrum non melius se habere , imò increfcere morbum sævioraque fieri symptomata. Siquidem utcumque sæpiùs ea contingant , utiles fuere nihihofeciùs ægrità prolicitæ primis morbi diebus evacuationes , cùm ægrum à portione insigni pravorum succorum in ventriculo & intestinis hospitantium liberarint ; cùm per eas evacuationes morbifici aliquid è sanguine semper fuerit eductum , licet vi illatâ. Imminuitur ergò ex his causa morbi , quam imminutam continuatâ deinceps medicatione opugnare facilius est. Non mirum autem peritis videbitur invitis primis evacuationibus morbum crescere , cùm eos non lateat morbos quosvis sanandos sua quatuor tempora percurrere debere , quod observatur evidentiùs in acutis , proindèque à principio deindè intendi ex necessitate & ad certum statum , in quo subsistant aliquandiù invitis naturâ & arte quâcumque, id quod latet ignarum vulgus.

Cùm autem ex constanti mundoque coævâ observatione morbus acutus ità moveri debeat, dico quod si primis ab invasione putridarum aut malignarum Februm diebus non instituta fuerit purgatio sive ex ignorantia, sive ex timiditate, sive ex negligentia, sive ex accidenti aliquo aut morbi complicatione, quæ purgationem præpedierint, dico, inquam, in augmento morbi aut in statu sæviora omnia futura esse, sic ut aut æger occumbat, aut in longè majori versetur periculo, quam si purgatio primis diebus fuisset instituta, tota namque remanet tunc materia febrilis, quæ sibi relicta semper increscit & sanguinem ac digestionem magis & magis corrumpit. Verùm non tam à ratiociniis quàm ab observatione proximam nostram asserimus.

Nec tantùm, in malignis Febris ac putridis, diebus purgandum alternis, sed & interdùm (nimirùm cùm materia turget, intereà æger constat viribus) postridie purgationis sustinenda, ut dicunt, purgatio. Illud autem fit interdùm infusionis sennæ levioris, & quæ parùm calefacit liberaliter exhibere ope, eo modo.

REC. Senn. mundat. drachm. quatuor aut sex, cum limonio in frustula secto. f. infusio in aq. font. libr. duab. aut tribus, pro usu.

Nimirum in jusculeorum quoque intervallo sumit æger ptisanæ hujus laxantis cyathum, quousque satis purgatus videatur.

Vel, postridie purgationis sat activæ cui additum fuerat tartarum stibiatum, æger ita purgabitur.

REC. Senn. mundat. drachm. tres, cum frustulis duobus aut tribus limonior. inf. in aq. font. libr. unâ aut tepidè, aut frigidè (si minùs purgandum ut æstate potissimum fieri consuevit) aut leviter ebull. (si magis purgandum) cola & in colatura dissol. mann. calabr. unc. duas aut uncias tres. f. p. in duas doses dividenda.

Vel etiam postridie purgationis aliqujus, ut servetur alvus continuò fluens adeòque evacuetur continuò materia febrilis; in aquæ fontanæ libris duabus aut tribus solvuntur tartari stibiati grana decem aut duodecim hujusque aquæ stibiatae æger haurit cyathos quousque evacuatio sufficiens fuerit procurata. Utimur quoque interdum eâ aqua stibiata pro infantibus sæpè minùs obsequiosis ac docilibus, adultisve quorum imaginatio aut stomachus potio-

nes purgantes compositas respuit, eam namque potandam eò usque consulimus, quò satis videantur purgati, tuncque subsistendum. Verùm is purgandi modus non instituendus cùm æger potiones prædictas purgantes non respuit, eæ namque præferendæ, teste enim experientiâ perfectius purgant. Verùm in his Febribus purgantia numquàm adhibemus sub forma siccâ ut pulveris, opiatae, boli, pilularum, præterquàm enim quod subsequuntur exin catharres incertæ aut saltem imperfectæ, insuper viscera exin ardorem aut dolorem sæpè pati observamus.

Cùm autem per duos dies continuos purgatus fuit æger die tertio à purgatione ut plurimùm abstinendum, ne per adeò protractas evacuationes vires concidant, sed elapsò eo die, iterùm ad purgantia recurrendum. Diebus autem à purgatione liberis æger aut quietus relinquitur, aut pro exigentiâ ei prescribitur enema, quod modo ex aquâ fontanâ cum duobus tribusve olei olivarum cochlearibus simpliciter paratur, modò laxans præscribitur juxta indicationem. Ità.

REC. Fol. malv. & parietar. ana mani-

pulum unum coq. cum s. q. aq. font. ad libram unam, in quâ dissol. catholic. pro ore unc. unam aut uncias duas. f. enema injiciend. hora commodâ.

Vel, si æstuent viscera, de cætero crassa intestina sint purganda.

REC. Fistular. cass. contritar. unc. sex vel octo, flor. malv. pugill. unum, vel manipulum semi, bull. cum s. q. aq. font. ad libr. unam. f. decoctum pro clistere horâ congruâ inficiendo.

Cæterùm declinante morbo potiones catharticæ præscribuntur mitiores nec acuuntur emetico, tùm quòd vires sint exsolutæ, tùm quòd materia febrilis per diætam, vim morbi ac medicaminum facta fluxilis levi cathartico facilè obsequi soleat. Imò in casibus nonnullis Februm malignarum & putridarum quovis morbi tempore mitioribus catharticis vulgò dictis *minorativis* est utendum ut cùm inflammatoriè laborant multùm pulmo, intestina, viæ urinariæ: verùm cogit necessitas, undè tunc utimur tamarindis, cassiâ, mannâ, imò ad temperanda etiam illa levia cathartica addimus violarum flores aut malvarum ad pugillum unum aut manipulum semissem. Intereà tamen in Febris

putridis aut malignis utcumque pulmo inflammatione sit affectus , veraque adsit peripneumonia , cùm efficacem evacuationem res exigit , eam potio- nem felici cum successu præscribimus.

REC. Mann. calabr. unc. duas & semi, aut unc. tres, dissol. in aq. font unc. sex vel octo, vel in unc. totidem decocti tamarind. & in colatur. dissol. tartar. sibi- at. solubil. gr. duo aut tria f. p.

Potio hæc efficaciter purgat , nec vix ab eâ incalescit pulmo , quod fieret si præscriberetur senna , quam ideò in eo casu proscribimus.

Si autem in Febrium malignarum aut putridarum decursu supervenerit sopor , vires de cætero satis constent , tùm exuberantis saburræ in primis viis signa sint , vomitorium præscribimus ex necessitate dosi sufficienti ut vinum emeticum aut tartarum emeticum (sive vomitorium in morbi initiis jàm fuerit præscriptum , sive neutiquàm) cùm cathartico-emetica potio sufficiens ad soporem discutiendum non videtur.

Et ex his , quomodò in tractandis his Febribus Medicus se gerere debeat per purgantia , quæ sola causam earum materiam nimirum febrilem tollunt , satis elucescit.

Nonnulli in eâ curatione pluris habent præparationem antimonii , quæ dicitur Kermes mineralis ; qui est antimonii sulfur per potentia salia alkalka per coctionem ex eo minerali eductum ; quòd , inquiunt , majori dosi purget per vomitum , minori per secessum , minori adhuc per cutem , ac minimâ repetitâ eliquet sanguinem. Verùm præparationis hujus antimonialis operatio est incerta & infida , nullus autem iis Febribus liberari potest nisi per evacuationes per primas vias efficaces & pluries repetitas sine morâ , nec umquàm ullo medicamine in his Febribus sanguis fluxilitatem naturalem erit recuperaturus , nisi materia febrilis per primas vias sufficienter fuerit evacuata , ità docente experientiâ. Porro certiùs purgamus per prædicta. Quare in nostrâ regione in curandis Febribus putridis aut malignis, saltem in morbi vigore , Kermes minerali vix utimur.

Jàm verò in curatione putridarum & malignarum Febrium generali, cur emulsionibus & julepis utamur sive refrigerantibus sive narcoticis , & in quibus casibus cùm jàm superiùs satis fuerit indicatum

indicatum, ideò tantum horumce medicaminum formulas hîc describere juvat, additis paucis annotationibus. Itaque.

Emulsio simpliciter temperans.

REC. *semin. quat. frigid. major. mundat. drach. quatuor, terantur in mortar. marmor. sensim aff. aq. font. aut decoct. hord. unc. sex, in colatur. dilue syrup. de nymph. drach. sex aut unc. unam. f. emuls. serò sumend.*

Emulsio magis temperans ac refrigerans.

REC. *semin. quatuor frigid. major. mund. unc. semissim, semin papaver. alb. drachm. duas, terantur in mortar. marmor. sensim aff. aq. lilior. & rosar. ana unc. tres, in colat. dilue syrup. de limon. aut de granat. aut de agrest. unc. unam f. emuls. serò sumend.*

Emulsio narcotica.

REC. *semin. quat. frig. maj. mund. unc. semis. terantur in mortar. marmor. sensim aff. aq. font. unc. sex, in colat. dilue syrup. pap. alb. drachm. quat. vel sex. f. emuls. serò. sumend.*

Emulsio magis narcotica.

REC. *materiam emulsionis præcedentis & in colatur add. syrup. papav. alb. drachm. tres aut. quat. laudan. liquid. sydenham. gutt. decem aut duodecim.*

Vel, si magis efficax expetatur ad soporem conciliandum, sistendosque dolores, aut delirium phrenicum compescendum.

REC. materiam emuls. prædict. in colat. add. laudan. liquid. gutt. viginti aut trigint. vel ejus loco dissol. laud. opiat. gr. unum aut gr. unum & sem. f. emuls.

Si autem emulsio narcotica expectatur quoque refrigerans & in diverso gradu, alicui ex prædictis emulsionibus refrigerantibus descriptis, addentur ingredientia narcotica tradita in emulsionibus narcoticis, juxta indicationes & refrigerandi simul & compescendi & somnum conciliandi. Cum autem emulsio cocta (quæ minùs tamen temperat quam cruda) ratione statûs stomachi exigitur, tunc coquitur per horæ quadrantem materia aliqua prædictarum emulsionum, eique per linteum transcolatæ, adduntur prædicta ut de emulsionibus crudis dictum juxta indicationes. Verùm ad materiam emulsionum conficiendam amigdalas dulces non addimus; quod ex his emulsiones graviores fiant stomacho, & faciliùs corrumpantur in materiæ febrilis augmentum.

Cum autem omissis emulsionibus, julepi sunt præscribendi, seu quod idem est cum eisdem indicationibus non per emulsiones sed julepos est

satisfaciendum, ob rationes locis citatis memoratas, sequentes julepi usui esse solent.

Julepus temperans.

REC. aq. lilior. & rosar. ana unc. tres, in quib. dilue syrup. de nymph. drachm. sex aut unc. unam. f. julep. serò sumend.

Julepus refrigerans.

REC. aq. lilior. & portulac. ana unc. tres, in quib. dilue syrup. limonior. aut syrup. granat. aut de agrella drach. sex vel unc. un. f. julep. serò sumend.

Julepus magis refrigerans.

REC. aq. portulac. & sperniol. ana unc. tres, spirit. sulfur. aut vitriol. gutt. octo vel decem, syrup. de limon. aut granator. drach. quatuor vel sex. f. julep.

Julepus Narcoticus.

REC. aq. chichor. unc. tres vel quatuor, in quib. dilue syrup. papaver. alb. drachm. quatuor vel sex. f. julep. serò sumend.

Julepus magis Narcoticus.

REC. aq. cichor. aut papaver. rhead. unc. tres, syrup. papaver. alb. drachmas tres aut quatuor, laudan. liquid. fidenham. gutt. decem vel quindecim. f. julep. serò sumend. vel.

REC. aq. cichor. unc. duas, in quib. dilue laudan. liquid. gutt. viginti aut viginti quinque aut triginta, vel quib. dissol. laudan. opiat. gr. unum aut granum unum & semi. f. haustus serò sumend. vel etiam.

REC. laudan. opiat. gr. unum aut gra-

num unum & semi, cum aq. naphæ vel aq. font. cochleari deglutiatur. vel.

REC. pilular. de cynoglossò gr. sex, vel octo, vel decem f. pilula aut pilula dua cum aq. naphæ aut aq. font. cochleari uno aut altero, serò deglutiend.

Et ea sunt potissimùm narcotica quæ in eâ curatione præscribimus, ac per exempla tradita unusquisque narcotica eligere, eorumque doses in variis casibus determinare poterit.

Sæpè autem cùm in malignis Febribus contingat pulsum fieri debilem aut intermittentem, imò ægros lypothimiâ nonnumquàm corripì aut syncope, tunc sanè cardiaca præstò esse debent, & in vario vis gradu. Quare si vis cardiaci mitis expetatur.

REC. aq. card. benedict. & flor. aurant. ana unc. duas, aq. cinnamom. hordeat. unc. unam, syrup. flor. tunicæ drach. sex vel unc. unam, confect. de hyacinth. drach. unam, f. julep. quâvis horâ (pro exigentia) exhib.

Vel, si vires magis sint refocillandæ.

REC. aq. card. benedict. & aq. flor. aurantior. ana unc. duas, aq. cinnamon. unc. unam, confect. de hyacinth. & confect. al. Kermes ana drach. unam, vel theriac. veter. & syrup. Kermesini ana scrup. duos aut drach. unam. m. f. p.

Huic potioni addi quoque poterit pulvis viperarum, à granis decem ad grana viginti.

At si vis cardiaci major & promptior expetatur.

REC. aq. card. bened. & naphe ana. unc. duas, aq. cinnam. unc. unam, conf. alK. vel syrup. Kermes. drach. un. vel drach. un. & sem. lilii paracel. gutt. vigint. aut trigint. aut quadragint. m. f. p. cochleatim sumend. vel.

REC. aq. cinnam. & flor. aurant. ana. unc. duas, sal. volat. viper. gr. dec. aut duob. aut quind. vel, sal. volat. loco, spir. volat. sal. ammon. gutt. vigin. aut trigint. aut quadrag. theriac. veter. aut syrup. Kermesin. aut confect. alK. drach. un. m. f. p.

Hic animadvertere juvat potiones has cardiacas ut pluries per cochlearia ægro exhiberi, quousque nimirum pulsus vigor fuerit satis excitatus, hinc fit ut interdum potio tota non sumatur, interdum ea repeti debeat, & sanè pluries nonnumquam imò per plures dies. At si res urgeat, proximè nimirum lapsuræ sint penitus vires, potio sumitur tota intrà paucum tempus in duas aut tres partes divisa, aut tota illicò hauritur.

Sed & utimur quoque in Febribus malignis cardiaco aliquo extempora-

neo, ut vini rubri generosi cochlearibus aliquot, theriacâ item, confecti-
one alkermes, confecti-
one de hyacintho, aquâ melissæ compositâ, ni-
mirum alicujus ex his compositioni-
bus galenicis drachma una præter
propter solvitur in vini aut aquæ fon-
tanæ aut aquæ florum aurantiorum
aut jusculi cochlearibus duobus aut
tribus, & sic paratur ex tempore haus-
tus cardiacus ægro exhibendus; vel si
vires promptius sint erigendæ, aquæ
melissæ compositæ guttæ viginti aut
triginta cum cochleari vini vel aquæ
naphe ægro traduntur; quæ omnia pro-
necessitate repeti faciliè possunt.

Cùm timetur vitium lapsus, exhi-
bendum intercâ narcoticum, lauda-
num imprimis, sociari debent præ-
dicta cardiaca narcoticis; hinc fit ut
portionis cardiacæ cochlearia aliquot
julepo narcotico in eo casu miscea-
mus, cum præstò est potio cardiaca
eâque æger per cochlearia utitur.

Addimus interdum narcoticis car-
diaca cum-molestè afficitur à narcoti-
cis stomachus excitatis nimirum aut
cardialgiis aut vomitu, (quod fit sæ-
pius in sequiori sexu) aut cum vires

debiles sunt. At cum vires sunt debilissimæ abstinemus à narcoticis. Cum autem eveniat interdum invitis prægressis cathartics imò emeticis soporem nihilofeciùs occupare ægrum obstinate, cumque pulsu intermittenti ac debili, qui nec à cardiacis nec à sudorificis latè potest excitari; in eo casu cum significetur sanguinis spissitudo tenax quæ à prædictis remediis solvi nequit, vesicatorium est præscribendum, eo modo.

Rec. fermenti veteris cum aceto forti emollii q. s. cui inspergatur. s. q. pulveris cantharidum. s. pasta mollis extensioni Scapularum applicanda.

Partibus siquidem cantharidum in sanguine susceptis, scinduntur tantâ efficacîâ partes sanguinis integrantes, ut is fluxilitatem recuperet, pulsus exsuscitetur, sanguis faciliùs fluat, libereturque ab ingurgitatione & gravamine cerebrum.

Ad immutandam autem cum bonis ægri rebus materiam febrilem valet interdum plurimum peruviamus cortex. Cum scilicet materia febrilis est in parva quantitate simulque sat spissa aut acescens. Quare cortex peruviamus

præscribitur ad exacerbationes sistendas aut minuendas solummodò , cùm jam pluribus vicibus exhibita fuerunt purgantia , simulque ingruunt exacerbationes cum horrore , aut frigore alio febrili manifesto. Exhibeturque duabus tribus imò quatuor interdum vicibus in remissione , sæpiùs sub formâ pulveris , interdum sub formâ decocti , cùm pectus est debile , & iisdem dosibus in Febribus intermittentibus , sed semper cum aquâ.

Cùm autem impugnatâ per purgantia efficaciter materiâ febrili , ac morbo declinante , vi agitationis sanguinis excitantur sudores , tunc sanè juvandus is naturæ motus , (numquam autem in principio & vigore morbi , neque cùm satis purgantia non præcesserunt , sudor enim tunc semper est symptomaticus) remanet namque tunc pauca materia febrilis & satis attenuata , quæ sub sudoris fætidæ specie per cutem eliminari potest. Undè præscribenda tunc potio sudorifica.

REC. aq. card. bened. & cichor. ana unc. ires , theriac. vet. drach. unam. antim. diaphor. drach. semi. aut scrup. duos , pulv. viper. scrup. unum. m. f. p. statim exhib.

Ea autem potio feliciter præscribitur , cùm pulsus factus fuit mollis & undosus , simulque cutis mollior facta est ac humescere incipit , ea namque sudoris spontanei imminentis signa sunt.

Et ità per auxilia prædicta , & cum cautelis memoratis ritè exhibita , Febres tùm malignas , tùm putridas feliciter impugnamus , non otiosi crismus expectatores , nec turbare naturam metuentes , at eam oppressam & aberrantem efficaci operâ juvantes ac dirigentes.



CAPUT SEPTIMUM.

De Febre Ardente.

Febbris hæc *Causus* speciatim ab Antiquis dicta est , licet genericè per *Causum* Febrem intellexerint quamcumque sive continuam , sive intermittentem , sive essentialem & primariam , sive symptomaticam , in quâ observatur ardor summus ; prout significat apud Græcos illa vox *Causos*.

At cùm in Galeni aliorumve Auctorum sententias non inquiramus, ejusmodique disputationes vanas habeamus, de Febre ardente dicere sufficiet, prout eam hodiè ponimus & habemus.

Febris Ardens est Febris continua acuta, ardore summo totius corporis præsertim interaneorum & siti incompscibili stipata. In eâ Febre lingua esse solet sicca, aspera & fusci coloris, os amarescit, stomachus morfu afficitur, respiratio est difficilis, densa & magna, fitque sæpè ore patulo, spiritus efflans plurimùm calidus est, accedunt vigilæ pertinaces, imò interdum desipientia præsertim phrenitica; alvus aliis compressa soluta est aliis, sed cum fluxu bilioso, æger valdètus est, cutisque sicca sæpèque aspera quin & interdum squallida deprenditur. Pulsus magnus est fortis valdè citatus.

Febris hæc juvenes & quidem robustos invadere præcipuè consuevit. Pluriès æstate, & adhuc magis sub finem æstatis afficit, potissimùm post magnos labores intensaque exercitia, citiusque Febre putridâ vulgò dictâ terminatur.

Ex his omnibus Febris hujus materiei febrilis genium statuere pronum erit asserendo eam materiam utut aliquantùm spissam ex feri inopiâ valdè acrem esse foetamque particulis multùm extricatis, duris ac mobilibus, ac velut bilefcentem sed acriter.

Patet hinc ab eâ materiâ febrili, sive in primis viis primogenitâ indèque in circulationis vias deductâ, sive in sanguine procreatâ indèque primas vias inquinante, ab eisque post corruptelam ulteriorem passâ in vias circulationis reductâ sanguinem ipsum aliquantùm inspissandum fore, simulque vehementer exagitandum, ac in excandescentiam magnam ducendum, tantò magis quò Febris hæc eos præsertim invadere soleat, quibus sanguis jàm siccus est & acer, simulque cordi vasis sanguiferis totique systemati fibroso jàm roboris plurimùm inest.

Ex his sequitur Febrem ardentem speciem esse reipsâ Febris putridæ, ut est ea, quam Antiqui vocabant *Synocham biliosam*. Loquor enim in eo Capite de Febre ardenti legitimâ & humorali, minimè autem de Febre ardenti Symptomaticâ, quæ magnis inflamma-

tionibus nonnullis præsertim erysipelato-
dæis partium internarum, magnis
doloribus panaritio, magnis supuratio-
nibus, & similibus supervenit, quæ-
que Febris *Ardens Notâ* æquius dicen-
da est. Cum autem Febris putridæ ea
species genium peculiare exhibeat,
ægrum incendio velut & siti inextin-
guibili torquendo, tùm Febre putridâ
ordinariâ terminetur citiùs, ideò sub
specialis Febris ardentis titulo pertrac-
tanda est.

Jàm verò cum Febris ardentis mate-
ria febrilis particulis adeò activis &
extricatis scateat, patet sanguine ab
eâ ut cum que inspissato vel frigus nul-
lum febrile suboriendum fore ingruente
Febre, vel leve, vel si forsan subortum
notabile saltem breve futurum citò suc-
cedente incendio. Patet quoque in ge-
nere ex abundantia partium earum du-
rarum & activarum partibus cœteris
viscosis materiæ febrilis parùm cohæ-
rentium sanguinem in æstum & excan-
descentiam magnam citò à morbi in-
gressu ducendum fore, quæ durabit
tandem particulæ illæ activæ subsistent
in sanguine. Cum autem viscosum il-
lius materiæ febrilis non sit valdè tenax,
tùm

tùm tumultus ingens à particulis illius activis in sanguine excitetur, diù non resistet solutioni suæ totali materia illa febrilis, hinc fit, ut Febris ardens non duret adeò ac putrida ordinaria, diemque decimum rarò transgredi soleat, sanguine ab eâ intrà paucum tempus liberato, nec tamen sine periculo quamdiù viget Febris hæc.

Cùm itaque ab eâ materiâ febrili sanguis in summam ducatur agitationem, ex quâ ingens sequitur rarefactio, de cætero, qui eâ Febre laborant vasorum tunicas habeant robustas, siccas, valdè elasticas; prætereà bilescens materia & acris in ventriculo & intestinis, morbi fomes, sæpè turgeat, explicantur ex his facilè omnia symptomata, nimirum pulsus magnus, frequens, citatus, tensus; calor ingens in interaneis & corporis ambitu; sitis incompossibilis absumpto nimirum ab æstu febrili serò tenuiori tùm speciatim in faucibus ab animâ calidâ eò pulmonibus æstuantibus erumpente; ex his etiàm sequitur linguæ siccitas, asperitas, color fuscus, qui etiàm exhalantibus è ventriculo bilescantibus miasmatibus adscribendus, undè etiàm

oris amaror ; explicantur etiã facilè
 dolor capitis summus ac tensivus ;
 tensio summa cerebri undè vigilia
 contumax ac sæpè delirium imprimis
 phreniticum ; ruptio vasorum mem-
 branæ pituitariæ ac hæmoragial ; dif-
 ficilis sanguinis transitus cum æstu in
 pulmonibus, undè respiratio difficilis
 & magna densaque, anima calida,
 sique meabilitatis sanguinis augeatur
 ea difficultas, dispositio in pulmoni-
 bus inflammatoria, imò interdum in-
 flammatio ; item viscerum abdomina-
 lium æstus, calor ventriculi, tunica-
 rum ejus nimia tensio ac dolorifica,
 quæ eam parit molestiam, quæ dici-
 tur morsus ventriculi, qui eò magis
 excitatur, quò in eo præsens est ma-
 teriæ febrilis portio & quidem naturæ
 biliosæ calidæ & acris, à quâ tunica
 ejus nervea laceffitur. Ità & absumpto
 ab æstu illo universali fero tenuiori
 facilè explicantur cutis siccitas, as-
 peritas, squallor, urinæ rubor inter-
 dùm velut sanguineus calor & pauci-
 tas, alui siccitas & suppressio ; hæc au-
 tem cum nimis laxa sit, illud sanè ma-
 terierum febrilium bilefcentium &
 valdè acrium abundantiae in primis

viis imputandum, quæ catharticum more agunt, subque diarrhææ biliosæ specie per inferiora spontè purgantur; similes autem pravi succi bilescientes cum in ventriculo congesti ibimet acrimoniâ insigni præditi sunt, emeticorum more eum irritant, undè vomitus biliosi.

Licet autem Febri ardenti exacerbationes accedere absolutè essentialè non sit, quòd materia febrilis è primis in sanguinem fermè eodem tenore interdùm transferatur, in eâ Febre exacerbationes observare frequentius tamen est; quòd putridarum more materia febrilis morbi fomes in primis viis hospitans sanguini identidem majori copiâ sufficiatur, undè exacerbationes aut in modum tertianæ, aut duplicis tertianæ; quæ quomodò in eâ Febre tùm in quâvis continuâ exacerbante excitentur, cum de Febribus intermittentibus sermo erit, apertè deinceps declarabitur.

Corripit Febris hæc juvenes potissimum & in ætate consistenti, cum imprimis temperamento bilioso hoc est calido & sicco præditi sunt; quòd ejusmodi corpora sanguinem habeant

consistentem validum simulque siccum & acrem, hoc est sero paucis particulis autem duris ac magnæ molis valdèque activis refertum, hinc fervidum, Fibras autem siccas, densas, tensas, valdè elasticas, robustas; undè robur insigne in corde arteriis venis; præterea in corporibus ejusmodi digestionescùm peccant, succi pravi bilescientes hoc est acres paulò spissi fervidi producantur ut plurimum. Senes huic Febri parùm obnoxii sunt, ob vires imbecilles tùm sanguinis, tùm solidorum, tùm causarum digestionum.

Æstate sæpiùs cæteris anni tempestatibus Febres ardentes invadere solent, quòd à calore nimio tunc sanguis exsiccetur, fiatque acrior, insimul solida & fluida magis agitentur, hinc sub æstatis finem, ubi hæc ad magnum gradum evecta fuerunt, magis quàm æstate reliquâ corpora Febribus ardentibus prona sunt, nisi ex feri partiumque sanguinis tenuiorum dissipatione immodicâ vires ultrà modum fuerint exsolutæ.

Ex his consequitur causas Febris ardentis procatharticas mox recensendas acturas potentiùs in juvenes, in

ætate consistentiæ, in temperamento bilioso præditos, ac æstivo tempore.

Causæ hæ procatharticæ sunt exercitationes nimix, vigiliæ diutiùs protractæ, impensè calidus aër, ira nimia, perturbationes animi violentæ diù protractæ, nam ab eis omnibus sanguis nimis commovetur, tenditurque ultrà modum totum systema nervæum & fibrosum quodcumque, dissipatur serum; tùm deinceps succi digestivi suppeditantur spissi & acres, quibus defatigantur stomachus & intestina jam ab æstuoso sanguine nimium tensa, nec satis alimentorum succi diluuntur, dùm penetrantur inæqualiter & tumultuosè à particulis nimis activis, ex quibus omnibus producit in stomacho materia biliosa & acris, quæ sanguinem inficit, materiamque febrilem superiùs statutam ponit.

Causæ hæ sunt etiam aromata, piperati cibi aut aromatibus quibuscumque nimis conditi, cibi saporis eminentis & calefacientis, ut tubera; capsicum & similia; liquores ardentes, vinum largiùs sæpiùsque potatum; medicamina acria & calefacientia teme-

rariè adhibita ; lochia cohibita , menstrua supressa , sed in corporibus validis. Siquidem à cibis memoratis tum medicaminibus , & liquidis spirituosis partes activæ plurimum sanguini supeditantur , à quibus is fervorem magnam concipit cum dissipatione feri tenuioris & partis mucilaginosæ tenuis absorptione , hinc tensione nimia systemati fibroso & exsiccatione aliquâ conciliatâ ; de cætero calefactis valdè & immediatè à causis hisce & stimulis organis chylopæis ; & ex his omnibus digestionibus læsis cum productione materie spissæ acris bilefcentis. At cum cohibentur subito lochia aut menstrua fit interdum , ut quamplurimæ partes acres , quæ excreta fuissent per uterum , in massâ sanguineâ retineantur ; insimul à causâ ejusmodi evacuationem cohibente inspissetur sanguis ; cum autem ex ejusmodi suppressionibus excitetur necessariò plethora , vasa sanguinea valdè tenduntur & quidem spisso sanguine & acri , fietque difficilis per vasa minima sanguinis progressus , undè Febris , insimul fit difficile secretio succi gastrici aliorumque succorum digestivorum ,

quæ verò ex naturâ sanguinis conceptâ spissâ suppeditantur & acria , undè pravæ digestiones bilefcentium succorum hoc est materiei febrilis Febris ardentis productrices.

Et in genere Februm putridarum causæ quæcumque cùm in corpora in eo capite repræsentata agunt , Febres ardentes sæpè progenerant , ob dispositiones antè memoratas prævias , quodque in eis corporibus pravæ digestionès ad bilefcentiam tendere consueverint.

Signa Febris ardentis pathognomonica sunt calor deurens in toto corpore & sitis incompescibilis cum pulsu magno , frequenti , citato , tenso ; undè ex his cognoscitur Febris ardens. Cui diagnosi accedunt signa *funereuonta* , quæ sunt reliqua symptomata in hujusce Febris descriptione superius allatâ , aut ex eis pleraque , cuncta enim semper non adsunt. Verùm quidem est in inflammationibus viscerum eresipelatodæis excitari sæpè Febrim vehementem cum ardore universali , & siti intensâ ; at tunc morbus , cùm is incipit per inflammationem , non denominatur ex indole Fe-

bris, sed ex inflammatione, datâ visceris, itâ nuncupatur hepatitis, si hepar, peripneumonia, si pulmo, pleuritis, si pleura, nephritis, si renes, phrenitis, si cerebrum inflammatione erisipelatodæâ afficiantur primariò; & Febris ardens cum in eis casibus observatur, secundaria est & inflammationi symptomatica; porrò in eo capite de Febre ardenti essentiali & primariâ agimus.

Febris ardens, cum morbus sit vehemens, citò & cum periculo insigni sua percurrit tempora, nec ad diem decimum quartum extenditur, ut acutæ Febres aliæ: imò Febris ardens vehemens nunquàm excedit diem septimum, quare morbus peracutus est pronuntiandus. Sanguinis enim æstuosi adeò & rarefcentis impetum diù terre non possunt vasa præsertim minima, undè aut citò discutitur agitatione eâ materia febrilis, morbusque solvitur; aut ex distensione nimia tunicarum Arteriarum minimarum, quæ deindè restitui non possunt, fiunt alicubi præsertim in visceribus ingurgitationes inflammatoriæ æque erisipelatodæ, juxtâ nimirum genium Sanguinis acris

& æstuosi Febris ardentis, quibus Æger de medio sæpiùs tollitur. Si initio Febris hæc signa exhibet bona, ut si vomitus accedat biliosus, aut alvi fluxus biliosus, aut sudor copiosus ex universo corpore, si, inquam, hæc contingant cum levamine (quod denotat dissipationem materiæ febrilis) aut si è naribus Sanguis profluat cum levamine Symptomatum (quod denotat Sanguinis rarefactionis vim exeri in membranam Pituitariam non adeò utique in Cerebrum aliave viscera, simulque vasa universim per illam hæmoragiam depleri) in hisce casibus Febris hæc plerùmque solvitur quarto die, aut septimo ad majus. Senibus morbus is ut infrequens sic apprimè perniciosus est, ob debilitatem vasorum, quæ eâ sanguinis rarefactione obruuntur, quòdque senes largas missiones sanguinis ferre non possint in eò morbo curando protinùs necessàrias. Et è contrà minùs periculosus in juvenibus. Febris ardens non rarò excitat pulmonis inflammationem, idque ubi fit exitium est in propinquo, namque tunc totus pulmo subitò inflammatur. Grave periculum est, ubi au-

rigō autē diē septimū supervenit ,
 illud enim significat materiæ febrilis
 bileſcentis abundantiam , quā utique
 per hepar ob ſpiſſitudinem & magnam
 copiam ſanguis liberare ſe non poteſt ;
 remanet autem eā ſummoperè inſui-
 natus. Item ubi vigilia eſt continua
 aut delirium , aut ubi vox intercipitur ,
 aut aures obſurdeſcunt ; aut accedunt
 convulſiones ; hæc enim vaſa cerebri
 plurimū ingurgitari ſignificant. Pe-
 riculoſius adhuc eſt ſi vigiliis conti-
 nuis ſopor altus ſubitò accedat ; illum
 enim obruta ſanguine vaſa cerebri
 indicat. Periculo gravi etiā tentatur
 æger , cū accedit ſingultus , is enim
 orificiū ſuperioris ventriculi imò &
 portionis diaphragmatis inflammatio-
 nem non modò denotat , verū &
 acrimoniam ſummam materiæ bileſ-
 centis præſentis in ventriculo , quā du-
 citur in gangrænā imò & in ſphace-
 lum alicubi.

Febris ardentis primariæ & humo-
 ralis curatio in eo ſimilis eſt curationi
 putridarum , ut materia febrilis eva-
 cuanda ſit , ac inflammationes viſce-
 rum ſint præcavendæ ; verū illud ei
 proprium eſt , ut æſtus ſummus ſit

temperandus, sanguinis feri absumptio refarcienda sit, acrimonia sit mitiganda, ac materiei bilefcentis effectus in primis viis sint frænandi.

Quapropter imperanda ocyùs humectans diæta & refrigerans. Æger nimirùm nutriendus est jusculis paratis ex carne ovillâ, vitulinâ, agninâ, caprillâ pullis junioribus; imò ad magis temperandum oryzæ cremoris cochlear unum aut duo singulis jusculi dosibus admiscenda; vel oryzæ cochlear unum aut duo aut tria cum carne decoqui debent, quò dealbentur juscula; aut cum carne decoqui debent herbæ refrigerantes, ut portulaca, lactuca, endivia, acetosa, cucurbitæ frusta. Potus ordinarius erit aqua oryzæ aut ptisana ex unciâ seminum quatuor frigidorum majorum in aquæ fontanæ libris tribus contritorum paratâ, aut decoctum fructuum kinorrodonis, aut aquâ leviter nitrosâ ex scrupulis duobus nitri in aquæ fontanæ libris tribus soluti paratâ; aut ptisanæ paratæ ex memoratis plantis refrigerantibus, imò & radice nymphaeæ ejus floribus, & similibus; imò si æstus & rarefactio sanguinis sint in

magno gradu , aut si materia bilef-
cens plurimum primas vias excalefa-
ciat ac irritet , ad acida sive vegeta-
bilia sive mineralia erit confugiendum ;
quare æger tunc potabitur aquâ fon-
tanâ cui limoniorum succus fuerit
commixtus cum paucò saccharo aut
sine saccharo , aut agresta , aut siru-
pus granatorum , oxyacanthæ , & siru-
pi similes ad gratam aciditatem ; imò
tunc addentur aut aquæ fontanæ aut
plantæ alicujus ex prædictis refrigeran-
tis decocti seu prisanæ cyathis aliqui-
bus spiritus sulfuris aut aquâ tempe-
ratâ Basilii Valentini ad gratam acidi-
tatem : Largo potu utetur semper æger.

Jàm verò & initio & per morbi de-
cursum viscera refrigeranda & humec-
tanda sunt enematis paratis aut ex aquâ
solâ , aut ex decocto cucurbitæ vel
lactucæ ; imò si ultramodùm æstuent
viscera , & urinæ sint flammeæ , ex
oxycrato , ità aceti uncia aut uncia
duæ cum aquæ fontanæ librâ mixtæ
sint. Fovendum insimul nonnunquam
abdomen , quandò nimis æstuat , oxy-
crato aut decocto cucurbitæ vel lac-
tucæ sed paulò tepidis , tegendum
nimirum abdomen linteo simplici ma-
dido.

At

At insuper horis serotinis diebus singulis æger ulteriùs temperandus crit ac sedandus, quapropter præscribetur emulsio ex seminibus quatuor frigidis majoribus, addito interdùm papaveris albi semine, parata, cui addetur sirupus limoniorum, aut de agrestâ, aut de nympheâ ad drachmas sex aut unciam, cuique præterea, si urgeat vigilia, addetur quoque sirupus papaveris albi ad eandem dosim; is autem sirupus in eo casu anteponendus laudano cuique, quod laudanum eo sirupo magis calefaciat. Attamen si adeò urgeat vigilia aut delirium, ac nequicquam sirupus papaveris albi fuerit adhibitus, tunc equidem, adhibendum erit laudanum opiatum (non verò liquidum ob aromata quæ ejus ingrediuntur compositionem, nimisque calefacerent) sed additum semper in emulsione aut julepo refrigerante à grano uno ad grana duo imò ad tria & forsan ultra si æger sedari aliter non possit. Cùm autem ventriculus materiâ bilesciente admodùm turget, tunc præferendi sunt emulsionibus, quæ in stomacho corrumpi possent, julepi refrigerantes parati ex

aquis portulacæ , lactucæ , liliorum , plantaginis , rofarum , & similibus , sirupis jàm memoratis , quibus adduntur interdùm nitri depurati pulverati grana decem , duodecim , aut quindecim ; his etiam adduntur sæpè narcotica prædicta & cum cautelis memoratis. Et ea sunt , quæ per totum Febris ardentis decursum agenda veniunt.

Jàm verò cùm liberanda sint vasa protinùs ab eâ distensione nimia quam parit in eâ Febre rarefactus admodùm sanguis , cùmque præ cavendæ sint inflammationes aut factæ discutiendæ , nullum autem ad id opus sanguinis missione potentius promptiusque sit auxilium , ideò incunctanter à morbi initio venæ sectio instituenda est , & quidem præsertim initio sanguis liberaliter erit mittendus & per venæsectiones repetitas pro ægri viribus ætate & aliis circumstantiis , imò quoque per morbi decursum sanguis identidem mittendus erit , horis serotinis præprimis , quibus Febris exacerbare consuevit , aut alio quocumque tempore exacerbationis. At non tantùm è brachio mittendus erit sanguis aliquo-

ties, verum & pluries è pede, quod eâ sanguinis rarefactio cerebro multum molesta esse consueverit ac noxia, ideòque revellendum sit. Sanguinis intereâ missionis è pede revulsionis effectus cum præmissâ è brachio ejus missione insigniores existant, ideò mittendus protinùs è cubito & aliquibus horis elapsis dein è talo; & ità deinceps in morbi decursu mittetur sanguis nunc è brachio nunc è pedè; & quidem è pede sæpiùs, si morbi ferocia capiti potissimùm immineat, è brachio autem sæpiùs si pectori.

Quoniam verò materia febrilis & primas vias & sanguinem ipsum oblidet, eâ quidem sed opportunè erit expurganda. Cui negotio ut plurimùm aptiora videntur cathartica emeticis, quòd hæc nimis irritent, in eo autem casu ventriculusensus plurimùm & calidus esse soleat. Attamen si saburra bilescens in ventriculo suæ præsentix insignia præbeat indicia, ea utique per vomitorium eliminanda erit modò nihil contradicat; in quo casu præferenda erit radix brasiliensis *Ipecacuanha* moderatâ dosi exhibita (ut ad quindecim aut viginti grana) emeticis sti-

biatis, quòd hæc in abdominis visceribus ardorem magis relinquant; quin & mitiganda ac frænanda erit interdùm aliquantùm dosis hæc ipecacuanhæ addendo unciam aut sesquiunciam mannæ solutæ in aquâ cui miscetur ipecacuanhæ pulvis.

Sivè autem primum purgans adhibendum emeticum fuerit aut catharticum, præcedere semper debuere duæ tres imò interdùm quatuor sanguinis missiones, potus largus ex prædictis aliquibus, enemata aliqua ex memoratis, emulsiones aut julepi refrigerantes, quò nimirum temperetur ab eis omnibus sanguinis æstus ac rarefactio, depleantur vasa nec tensa sint adeò, tùm materia bilescens primarum viarum diluatur aliquantùm & mitigetur, eoque modo corpus ad purgationem felicem sit præparatum. Præparato igitur Ægro per hæc (quod fit ut plurimum intrà diem primum & secundum, vel ad majus tertium) tutò tunc emetica præscribuntur aut cathartica. Cùm autem eveniat frequentius febrilem materiem in ventriculo non ità turgere, ut requiratur vomitorium, ideò tertio aut satlèm

quarto morbi die catharticum erit præscribendum. Verùm cathartica , quibus in eo casu uti solemus , sunt tamarindi , cassia , manna , imò non numquàm senna verùm sociata cum tamarindis aut limoniorum frustulis quibusdam temperata. Ubi notare juvat catharticas potiones esse tunc parandas cum magnâ mole vehiculi , ad duos tresve cyathos , ne nimis irritent , ac excalefaciant ; prætereà quòd materia bilescens purganda valdè mobilis sit , & ob suam acrimoniam , ipsamet facile fiat cathartica. Quarè his aut similibus potionibus catharticis erit utendum.

Rec. Tamarind. pingu. unc. unam, bull. cum s. q. aq. font. ad unc. duodecim, in quib. inf. s. rre mundat. drach. unam, cola pro duab. dosib. in quarum primâ dissol. mann. calabr. unc. duas, & in secundâ mann. calabr. unc. unam. f. p. pro duab. dosib. manè sumend. Vel.

Rec. Senn. mundat. drach. duas vel tres, cum duob. aut tribus frustulis limonior. inf. calidè (si vis major exspectatur) frigidè (si vis minor cathartici requiratur) in aq. font. libra unâ, cola pro duab. dosib. in quarum primâ dissol. mann. calabr. unc. unam. f. p. pro duab. dosib.

Si autem purgandum mitius , & vis

ſennæ irritans timeatur.

REC. *Tamarind. pingu. unc. unam ,
fistularum caſſia contritar. unc. unam &
ſemi , flor. perſicar. m. ſſ. bull. cum ſ. q.
aq. font. per ſemihoram ad unc. duodecim ,
cola produab. doſibus in quarum primâ diſ-
ſol. mann. calabr. unc. duas, & in ſecundâ
mann. calabre unc. unam. f. p. pro duab.
doſib.*

At ſi mitiùs adhuc purgandum , ma-
teriæ nimirum biliolæ purgandæ ſint
facilè mobiles , acres , calidæ , de-
prehenſæ dùm tranſeunt per podicem ,
æſtuentque viſcera , de cætero flatus
abundent.

REC. *Fiſtula. caſſ. contritar. unc. oſto ,
bull. cum ſ. q. aq. font. per ſemihoram cum
ſalis ebſoniensis drach. unâ f. p. pro duab.
doſibus intrâ duas horas ſumendis nullo in-
terjeſto juſculo.*

Vel ſi nulli fuerint flatus, in eodem caſu.

REC. *Pulp. caſſ. recenter extracta unc.
duas , dilue in aq. font. vel in ſeri lactis
unc. duodecim , cola calidè f. p. pro duab.
doſib. ſimilit & ſumendis.*

Ubi notandum, quòd cùm exhibentur
ejuſmodi potiones leviter catharticæ ,
quò tamen cathariſis ſufficiens excitetur,
nullum inter duos cyathos exhiberi de-
beat juſculum , ſecùs evacuatio ſegnìs
& parca ſequitur.

Cum autem per dosim unicam Aeger erit purgandus.

REC. Tamarind. pingui. drach. sex , bull. cum s. q. aq. font. ad unc. octo , in quib. inf. senn. mundat. drach. unam & semi, vel (si non adeò irritandum) folliculor. senn. drach. duas , flor. persicor. & violar. ana. m. ss. & in colatur. dissol. mann. calabr. unc. duas aut unc. duas & semi. f. p. Vel si mitius purgandum.

REC. Tamarind. pingui. drach. sex , cum s. q. aq. font. & in colatur. unc. sex dissol. mann. calabr. unc. duas & semi, aut uncias tres. f. p. Vel.

REC. Islular. contritar. unc. quatuor , tamarind. pingui. drach. sex , bull. cum s. q. aq. font. & in colatur. unc. sex dissol. mann. calabr. unc. duas vel unc. duas & semi. f. p. Vel.

REC. Mann. unc. duas , vel unc. duas & semi, dissol. in aq. font. unc. sex , & in colat. dilue pulp. cass. recent. extractæ unc. unam , f. p.

At si vis cathartici aliquantum erigenda sit , tunc in aliquâ ex prædictis potionibus cathartice solvitur tartari stibiati solubilis granum unum , aut grana duo , imò interdum grana tria , pro necessitate magis purgandi. Si autem è contrà timeatur irritatio in intestinis , additur oleum amigdalorum dulcium ad unciam , vel uncias duas.

Jam verò die sequente purgationem sumet Æger (manè potissimum) decocti tamarindorum duos tresve cyathos. Itaque.

REC. *Tamarind. pingui. unciam unam & semi, aut unc. duas, bull. cum s. q. aq. font. ad libr. unam aut libr. unam & semi per horam circiter. f. decoctum pro usu.*


Et sanè ope hujus decocti servatur eâ die alvus libera sine æstus viscerum.

Vel alvus libera servabitur clysterum ope. Quarè aut injicietur clyster ex aquâ fontanâ cum duobus aut tribus olei olivarum cochlearibus, quo etiâ temperabuntur viscera; aut parabitur clyster ex decocto plantarum emollientium addito oleo, vel melle ad uncias duas, vel pulpâ cæssiæ ad unciam unam aut uncias duas, si alvus sit magis laxanda. Vel ad eundem scopum.

REC. *Fistular. cass. contritar. unc. sex, Ros. mala. M. ss. bull. cum s. q. aq. font. ad libr. unam. f. clyster injiciend. horâ congruâ.*

Sequenti iterùm die sumet æger portionem purgantem, & sic deinceps, modò nihil obstat, diebus alternis purgabitur.

Interea enemata descripta diebus etiam purgationis interdum injicienda erunt , vel ad temperandum , vel alvum ulterius laxandam pro necessitate ; at emulsiones aut julepi serò fumentur ; venæque sectiones pro re natâ instituentur , imò diebus sumpti cathartici si indicatio adfuerit , ac tunc horis vespertinis.



CAPUT OCTAVUM.

De Febre acutâ humorali symptomatica.

PERTRACTATÆ hæc tenus Febres humorales continuæ essentiales & primariæ omnes sunt ; jam de Fabribus continuis humoralibus symptomaticis , acutis præprimis, nonnulla perstringere juvat.

Per eam Febrem intelligimus , *Febrem acutam quamcumque qua gravis alicujus inflammationis , viscerum præprimis , à fluidorum vitio excitata effectus est.* Ut est ea , quæ observatur in peripneumoniâ , in pleuritide , nephritide , hepatitide inflammatione

cerebri , meningum , intestinorum , uteri , vesicæ , magnis phlegmonibus ac erysipelatibus externis , inflammationibus insignibus arthriticis , ac similibus morbis inflammatoriis gravibus , sed à fluidorum vitio productis , non autem simpliciter ex villorum spasmō.

Febris hæc in genere licet à nonnullis in inflammationem partis affectæ tantum refundatur , proptereaque ex difficili sanguinis per partem affectam transitu ab iis solummodò repetatur ; certum tamen sit attentè examinanti ac ægros ejusmodi curanti eam quoquè à vitio universali fluidorum dependere , sic ut profectò sic materia aliqua inspissans obstinatè sanguinem simulque agitans , secus nec duraret adeò Febris hæc , nec diem decimum quartum aut vigesimum primum extenderetur , ut observamus , nec ad eam oppugnandam purgantia feliciter adhiberemus. Itaque eo nomine Febrem eam inter humorales reponimus ; vocamus autem eam *symptomaticam* , quòd inflammationem non præcesserit , imò potius datæ partis inflammatio evidenter videatur tunc præivisse ; si enim in decursu Febris

alicujus putridæ aut malignæ aut ardentis jam sensibiliter stabilitæ observarem inflammationem visceris absque causa aliâ suboriri, tunc sanè inflammationem Febris primariæ & essetialis symptoma è contrà pronuntiarem.

Quod autem materia adsit febrilis è primis viis pronata, quæ etiam earum Febrium causa fiat; illud exindè probatur: *Primò*, Quod inflammationes eas enasci potissimùm observemus in corporibus, in quæ jam antecedens est pravus succorum in primis viis opparatus, licet interdum latens sit. Sic idem homo pluries fuit expositus causæ externæ peripneumoniæ frigori nimirum suscepto vel ab acre vel ab aquâ gelidâ dum æstuebat corpus, nec tamen quicquàm suscepit morbi; jam aliâ vice his corripitur morbis, licet in eâdem corporis æstuantis circumstantiâ frigus tantum non suscepit corpore nimirum prius æstuate; quod profectò nisi à corporis dispositione præviâ repeti potest, nimirum quod succos sanguinem unâ inspissantes è pravis digestionibus antecedentibus pronatos, intereà laten-

res , tunc in se gesserit , quos , cùm aliis vicibus minimè affectus est , in se non habebat. *Secundo* , quòd in morbis ejusmodi exacerbationes sat periodicas observemus. *Tertio* , Quòd in memoratarum curatione peragendâ purgantibus nonnullis semper indigeamus.

Quæ cùm ità sint ac experienciâ apud ægros comprobatâ , Febrem eam deducemus tùm ex difficili sanguinis transitu subitaneo per vascula partis inflammatae , tùm ex eo difficili per vascula quæquæ corporis arteriosa , ob spissitudinem nimirum universalem pronatam , tùm ab aliquâ causâ externâ (hæc satis egerit) tùm , & præcipuè , à materia febrili è primis viis deinceps haustâ , aut etiam in sanguine præparatâ , ut à lacte vel lochiis liberè non fluentibus , tùm deinceps (cùm accessit causa alia inflammationis) pronata primas deindè inquinante , ac digestionem lædente. Quibus etiam addendum , ex dolore , cùm is acutus in parte inflammatâ excitatur , concitari quoque eam Febrem ac foveri , commotis scilicet tensisque nimium sistematis nervei villis , prout in capite sequenti exponetur.


Nec

Nec refert animadvertere e peripneumoniam aut pleuritidem similem morbum inflammatorium excitari non numquàm à causâ aliquâ externâ (putà à frigore vehementi, dùm corpus æstuat suscepto) in nonnullis sanitate optimâ fruentibus, in quibus nulla pravarum digestionum antecedentium aut excretionum imminutarum fuerat suspicio. Ut, ut enim non negemus à causâ violentâ solâ sanguinem etiam sanissimum eòusque inspissari posse, ut pars exindè tantùm possit inflammari, excitarique peripneumonia aut pleuritis, v. g. proindèque Febris; juxtà tamen experientiam constantem asserimus materiam febrilem ex tali inspissatione motuque febrili pronasce in primis viis; quòd nimirum inspissati succi digestivi iique pravi è sanguine febriente eis suppeditentur, à quibus deinceps læduntur digestiones, fitque materiæ febrilis proventus, illud apertè demonstrante necessitate semper aliquâ purgantium in eâ curatione absolvendâ in eis etiam corporibus, in quibus antè peripneumoniam aut pleuritidem similemve morbum inflammatorium

nullæ pravæ extiterant digestiones, excretionefque cunctæ optimè se habebant. Quæ ad praxim ritè exercendam fanè animo cautè sunt reputanda. Undè Febres hæ acutæ symptomaticæ ad putridas absolutè referri poffunt, quæ juxtà varias circumftantias Febrium ardentium vel malignarum genium etiam induere valent.

Quod autem in his Febribus fpectat ad pulsûs indolem, eâ fanè in eis non eadem eft. Sic in peripneumoniâ magnus eft nec durus, in pleuritide non adeo magnus, fed tenfius, durus, correptus, in inflammatione intestinorum sæpè parvus, debilis, inæqualis (& Febris tunc dicitur *Lypiria*). Sed non femper ità eft & fic de aliis. Verùm in ejufmodi Febribus differentias eas pulfuum ratione partium inflammatione affectarum & ratione indolis ipsius inflammationis profluente in eò tractatu explicare non fufcipimus; cùm ea theoria ad hiftoriæ morborum tractatus alios atineat, ut & quidcumque ad praxim circâ memoratos morbos inflammatorios proindèquæ Febrim pedifequam fpectat. Quam non interrupto fermone de Febribus

ad aliam earum speciem transeundum.



CAPUT NONUM.

De Febre non humorali.

PER eam Febrem intelligimus ,
Febrem quamvis , quæ existit sine
materia iâ febrili. Ut est Febris quæ
 supperationi ingruenti ac fienti , in
 parte potissimum valdè inflammata aut
 valdè sensibili , quæ panaritio , quæ
 puncto tendini aut magno nervo , quæ
 partibus membraneis aut ligamentosis
 acutè dolentibus , quæ inflammationi
 cuicumque à causâ externâ potissimum
 productæ , nullo prægresso aut subse-
 quente in sanguinis particularum mis-
 celâ , notabili vitio , sed tantum ip-
 sus rarefactione , ac similibus casibus
 sæpè numero supervenit.

Febres hæ omnes symptomaticæ sunt,
 nec exacerbant periodicè , nec diges-
 tionum læsarum signa ex propriâ es-
 sentiâ exhibent ; nec indigent purgan-
 tibus , iis autem potius exasperantur ;
 quare sunt sine materiâ febrili , proin-

de *non humorales*. Hæ tamen mutantur interdum in *humorales*, prout infra declarabitur.

Hujus itaque Febris causa continens cum in fluidâ nequaquam refundi possit, in solidis tantum quærenda, eaque est commotio generalis, nimia tensioque villorum, nerveorum præprimis, ex quibus cordis, arteriarum, venarumque vires unâ nimis augentur. Quæ sanè causa exim demonstratur, quod simpliciter emendato vitio locali, ex quo tensio illa nimia & commotio in villorum systemate suscitabantur, cesset illicò Febris, nisi ex ejus aliquâ duratione, aut propter dispositiones latentes inferius declarandas vitiatis fluidis ac digestionibus, Febris hæc in Febrem humoralem fuerit mutata. Ita resectis tendine aut nervo punctis cessat Febris ab eorum puncturâ, excitata: ita factò purè, ita aperto ac liberato à sanie panaritio, ita sedatis inflammationibus prædictis aut doloribus, Febrem eam desinere observamus.

Quæ cum ita sint, & in omnibus his casibus pars aliqua plurimum semper doleat, & admodum tensa

fit ; ex his autem doloribus , non solum villos nerveos partis affectæ , verum etiã totum systema nerveum ac cerebri substantiam albam nimium tendi ex omnibus phœnomenis vigiliæ , delirii , anxietatis , convulsionis , aliisque in eis casibus observandis admoneamur ; hinc nimium commoveri totum systema nerveum , fluidum nerveum fluere ubique celerius præsertim ad cor & arterias , (quod viæ nervorum ad eas partes ex continuo motu alternato magis tritæ sint) idque liberalius in cerebro secerni. (Imminutâ nimirum resistentiâ ad fluxum per nerveum systema) necessariò consequatur ; patet vim cordis Vasorumque sanguineorum imò villorum quorumvis contractilium fore adaugendam. Quare contractiones cordis vehementiores erunt , nimirum magis absolutæ & breviori tempore peractæ , ergo singulis contractionibus cordis arteriæ , ac Venæ plus sanguinis quàm antea suscipient & celerius ; ergo arteriarum , Venarumque dilatationes fient extensæ magis ac promptiores. Cum autem sanguiferorum ut vidimus , vires sint etiã aduictæ , ea

contrahentur magis & celerius invitâ quâque resistentiâ ex parte sanguinis uberiùs è corde influxi ; cordis igitur ventriculi sanguinis plus suscipient ac celerius , ergò magis dilatabuntur ac celerius , tùm vehementiùs , ut jàm dictum est , ac celerius contrahentur , & sic deinceps , undè pulsus erit magnus & frequens. Quoniam autem prædictâ ex parte solidorum , cavorum , sanguineorum , fieri non possint , quin celerior subsequatur sanguinis fluxus majorque agitatio adeòque rarefactio , tùm sanguis ille rarefactus ac æstuans vasis minimis molestus fiat ea nimis tendens calefaciens ac velut aggravans , ac per nonnulla difficilè micet , utcumque vehementer adtransfluxum urgeatur , patet hinc Lædendas fore secretiones , actionesque alias plurimas , ergo ex his læsis notabiliter cum pulsu prædicto Febris ponetur.

Verùm ut cordis & sanguiferorum viribus adauctis , sanguis ad celeriorum cursum majoremque agitationem intestinam compulsus est , ità & sanguis ille æstuans & rarefactus in cavorum quorumcumque , in quibus coërcetur , parietes magis nititur ; eosque

magis tendit , undè systematis sanguiferi adaugentur vires sanguini iterùm imprimendæ potentiùs , & sic reciprocè ; undè incepta Febris eâ de causa intenditur ; quamobrem ex motibus illis solidorum & fluidorum ità vehementibus , affrictuque eorum vehementi excitatur ingens in corpore calor ; adeòque Febris hæc ardentis indolem sapere videtur , undè tunc *ardens symptomatica* vocari poterit,

Jam verò ex rarefactione illâ æstuosâ sanguinis ac villorum quorumvis tensione magnâ ac commotione explicantur facilè anxietas universalis , dolor capitis , vigilia , delirium , motus inordinati & spasmodici , convulsiones , fitis , urinæ rubræ , alui suppressio , & reliqua , quæ in eâ Febre offerri possunt , symptomata ; ex quibus Febris hujus genius ac descriptio patet. In quâsanè descriptione notandum etiam pulsum in eâ Febre interdum non eundem esse , eumque mutari quin & interdum velut suspendi , fierique pulsum nunc intercadentem , nunc ægros animo linquere ; præterea Febrem hanc anomalè sæpè intendi ac remittere , tùm horrores in-

interdum eam antecedere, aut in mor-
 bi decursu irregulariter excitari. Quæ
 sanè mutationes in pulsu & anoma-
 liæ in eâ Febre observabiles ex diver-
 sis mutatisque contractionibus, ac in-
 terdum spasimis nunc cordis, nunc ar-
 teriarum magnarum, nunc arteriarum
 minimarum, nunc Venarum insign-
 nium & sinuum venosorum, nunc ve-
 narum pulmonarium, simulque sacci
 pulmonaris & auriculæ cordis sinistrae
 proficiscuntur. His ergo omnibus at-
 tentè in animo reputatis unusquisque
 facilè explicabit, cur in eâ Febre
 pulsus interdum fiat parvus; cur tensus
 interdum aut durus, aut inæqualis,
 imò pro tempore brevi suspendatur,
 fiatque intermittens, aut etiam inter-
 cadens, aut etiam tempore notabili
 velut sistatur, fiatve tremulus, undè
 status sincopes vel Lypothymia. Ubi
 notandum animi ea deliquia pendere
 semper aut à spasmo notabili & per-
 severante, aut Ventriculorum cordis,
 aut ejus auricularum, aut venarum
 pulmonarium, aut arteriarum mag-
 narum, imò & à spasmo arteriarum
 minimarum, sed universali aut qua-
 si universali; sequetur enim ex eis

statibus imminutio summa aut velut cessatio actionis illius reciprocae , quæ inter cor & reliquum universum systema sanguiferorum intercedere debet , quò sanguinis circulatio exerceri possit ; Undè in eis statibus fermè concidet sanguinis periodus ac subsequenter confectaria circulationis debilissimæ , hoc est phænomena deliquiorum animi in vario gradu. Ergo corpus ex æstuante fiet interdum frigidum magis aut minùs præcipuè in extremis ac facies pallefcet , vel etiam in eis statibus ad summum evectis concidet absolutè sanguinis circulatio , ægerque ità morietur.

Cur autem mutantur ità cordis contractiones reliquique systematis nervei in memoratis antèa variis portionibus , illud sanè deducitur ex succussionibus variis & mutatis diversimodè imò interdum intensissimis factis villorum nerveorum in parte dolente aut irritatâ ; quarum quidem ratione fluidum nerveum ità diversimodè & nunc vehementiùs , nunc non vehementer adeò in cor aut reliquum systema sanguiferum ipsiusve portiones influit , prout ex motuum sym-

pathicorum præsertimque spasmodæorum observationibus habemus; quæ omnia mira iis non videntur; qui morbis nervorum laborantes pluries viderunt, innumeraque systematis nervei morbis illi propriis affecti, observarunt phænomena.

Eò quòd autem mutantur ità succussiones ac tensiones villorum nerveorum in partibus dolentibus & irritatis, æque nunc vehementiores sunt, nunc minus vehementes, ut tamen sæpiùs non sint in summo gradu, ex quo cordis aut reliqui systematis sanguinei sequantur spasmi, fit exim ut Febris hæc non nunquam nunc exacerbet, nunc remittat, sed irregulariter & absque Typo, ob anomalias illas vibrationum ac tensionum villorum nerveorum in partibus irritatis aut divulsis; ea tamen Febris continua semper est, duratque quandiu perseverat in parte affectâ causa dolorifica stamina nervea irritans aut divellens.

Horrores autem, qui ingruente eâ Febre persentiuntur, quive in ejus decursu observantur irregulariter, ii non fluido ulli inspissanti (de est enim

materia Febrilis nec ægri frigidi ab adstantibus sentiuntur) impurandi ; verum succussionum nervorum in cute aut subjectis musculis sympathicè excitatarum quoquè sunt effectus , ità ut in eis villi nervei perindè ac à corpusculis frigorificis commoveantur , quapropter in eà Febre frigoris sensus , est falsus sensus. Sed ea omnia in dissertatione *de supperatione* pag. 6. & 7. Edit. 2. Febrem supperatoriam acutam explicando fusius pertractavi. Ubi moneo Febrem eam suppuratoriam , de quâ jam agimus , eam esse Febrem vehementem & acutam , quæ ingruenti suppurationi vehementi & impetuosæ , aut partis inflammatæ vehementer vel in magna extensione , aut partis ratione proprii textûs valdè sensibilis (ut juxta articulos) supervenit ; quæ Febris ab eâ profectò diversa est , quæ ex parvâ lentâ & clandestinâ suppuratione originem ducit , quæ sanè est febricula , ut ab eâ quæ ex pure tacto & sanguini remixto oritur , quæ est Febris lenta symptomatica , de quâ deinceps agetur.

Licet autem Febres hæc *non humorales* sine materiâ febrili existant , ea

tamen materia ex eis nonnumquam pronascitur, mutanturque tunc Febres hæ in *humorales*; ex rarefactione si quidem sanguinis æstuosâ dissipatur ejus serum, succusque gastricus sup-
 peditatur ventriculo spissus & acer, præterea à sanguine eo æstuofo tenditur nimis & incalescit ventriculus, qui etiam ex systematis nervei tensione nimiâ, nimis ipse tensus est ac sensibilis, ex quibus mutationibus, si ex fuerint insignes, aut corpus male sit dispositum, digestiones pravæ fiunt, producunturque succi vitiosi spissi nimirum & acres seu bilescents, qui massam sanguineam inducunt in inspissationem & rarefactionem, Febremque excitant ac fovant, undè materia Febrilis tunc producta est, Febrisque facta humoralis. Hæc autem Febris mutatio in humoralem fit potissimum in corporis cachochymis, in eis qui ante hujus Febris invasionem proximè se cibis aut liquoribus ardentibus ingurgitaverant; in eis qui metu percelluntur terrore aut tristitiâ; in eis qui peccant in diætâ, vel & quoquè cùm Febris hæc non humoralis vehementissima est aut diu.

protrahitur

protrahitur , ita docentibus febrientibus vulneratis , aut magnam sævamque operationem chirurgicam passis & ægris similibus Febre non humoralis symptomaticâ affectis ; iis namque in Febris decursu signa præbere solent digestionum læsarum , indeque laborare percipiuntur Febre putridâ , vel etiam nonnunquam Febre malignâ , quod cautè observandum in praxi , Chirurgorumque de cætero in operatione peritissimorum labores ægro inutiles interdùm efficit , cùm deinceps infauustus fiat successus. Hinc fit ut insigniter vulnerati febrientes utcumque Febre putridâ aut malignâ evidenter non corripiantur , non tantum diætâ tenui , sed & aliquo indigeant cathartico ut Febris curetur , utque à Febre putridâ aut malignâ præserventur.

Febris non humoralis cognoscitur faciliè , & ab aliâ quâcumque discernitur , ex præsentia nimirum morbi alicujus localis dolorifici & irritatione insigni aut divulsione stipati , ut est aliquis ex suprâ memoratis , quos diximus producere Febrem hanc , simulque signorum absentia digestionum

læsarum ac excretionum cohibitarum ;
 cùm enim ea accedunt signa impri-
 misque digestionum læsarum Febris
 hæc in *humoralem* tunc est mutata.

Febris *non humoralis* acuta num-
 quam est sine periculo , ab eâ enim in
 visceribus excitari possunt inflamma-
 tiones ob summam nimirum sanguinis
 rarefcentiam , aut etiam contractiones
 spasmodæas vasorum , quibus sanguis
 æfluans in eis cohiberi potest ; aut etiam
 cohiberi possunt excernenda ut mens-
 trua , lochia , lac , urina , vel pertur-
 bari saltem (quod frequentius fit) di-
 gestiones , indeque Febris hæc mutari
 potest in putridam aut malignam. Pe-
 riculosior fiet Febris , si vehementior
 exciterur , indè enim inflammationes
 viscerum magis metuendæ , tum &
 delirium , convulsiones , sopor , & si-
 milia inflammatis cerebro ac menin-
 gibus. Si in corpore cachocymo ob-
 servetur , tunc enim in putridam aut
 malignam facilius mutari poterit. Si
 dolor eam excitans fuerit acerbissimus ,
 indè enim non tantum delirium ;
 agrypnia , convulsiones subsequi po-
 terunt verum & animi deliquia. Si
 corpus afficiat infantile aut senile , in

his namque corporibus vitale principium debile est , adeoque eâ Febre senes & infantes facilius occumbere possunt. Si superveniat puerperæ aut cui fluunt menstrua aut lactenti , suppressi namque poterunt lochia , menstrua , lac cum subsequente ingenti damno , non tantum in utero aut mammis , sed & in corpore universo , excitata nimirum Febre putrida aut malignâ. Periculum quoque augebitur juxta gravitatem & naturam morbi dolorifici , cujus Febris hæc est symptoma , & prout morbus is faciliior aut difficilior erit sublata.

At contra , si Febris hæc vehemens non sit ; si corpus de cætero sanum ac bene valens juvenile aut in ætate consistentiæ ; si dolor non valde acutus ; si neque lochia , neque menstrua fluant , nec lactens sit mulier ; si morbus dolorificus Febris hujus causa , nec gravis sit , nec difficilis ablatu , profectò parvum erit periculum imò nonnumquam nullum ; & cùm nullum erit periculum , tunc Febris hæc dici non poterit *acuta* , sed tantum Febris *non humoralis simpliciter brevis*. Verùm de acutâ eâ Febre , in eo capite po-

tissimum agimus. Itaque his omnibus animo ritè pensitatis Medicus prognosim instituet variam quoad periculum & exitum.

Incurandis Febribus acutis non humoralibus respiciendum imprimis ad æstum sanguinis & rarefactionem , ad nervei systematis tensionem nimiam , & ad causam irritantem & dolorificam , quæ eam exitat. Quamobrem imperanda protinùs diæta tenuis ac temperans , nutrietur nimirum æger jusculis ex carne ovillâ & carnibus juniorum animalium paratis , nutrietur etiam cremoribus ex oryzâ , hordeo , avenâ , speltâ , sagou in aqua simplici per horas sex coctis , iis autem dilutioribus. Potabitur ptisanâ orizæ , aut hordei , aut cappillorum veneris , imò aquâ pulli si acrimonia urgeat , quin & ptisanâ emulsionatâ si sitis vehemens sit , sanguinisque æstus ac rarefactio existerint in magno gradu , imò etiam ptisanis addi poterunt acida ut limoniorum succus , eorum sirupus , sirupus granatorum vel etiam guttæ aliquot spiritus sulfuris , vitrioli , aut aquæ temperatæ Basilii Valentini. Eaque diæta sufficiet,

si Febris non fuerit gravis

Verùm ulterius quoque opitulandum erit , si Febris hæc gravis suspicetur aut aliquandiù duratura. Itaque sanguis illicò mittetur è brachio , vel etiam è pede , si cerebro immineat periculum , sanguinisque missiones magis aut minus iterabuntur pro vehementiâ Febris , symptomatum , dispositione inflammatoriâ visceris alicujus , ægrique uribus. Ad temperandum insuper viscerum abdominalium totiusque sanguinis æstus injicienda erunt pluries enemata aquæa , refrigerantia , prout in Capite de Febre ardente dictum est. Insimul refrigerandi ac temperandi causâ emulsiones præsertim serò præscribentur , quibus addentur sirupi temperantes vel refrigerantes , imò addentur narcotica , si delirio aut agrypnia vexetur æger , prout in eodem capite docuimus. Cùm autem dolorem partis irritatæ summum esse ac interdum intolerabilem in eâ Febre contigerit , tunc profectò narcotica præsens erunt auxilium , & quidem dosi satis largâ usurpanda , vel etiam pluries iteranda , nec tantum noctu , verùm etiam

interdiū ; cumque in eo casu desiderantur narcotica magnæ efficacix , ideò laudana erunt præscribenda (solus enim sirupus papaveris albi , vel capitum albi papaveris decoctum vix quicquàm proficerent) verùm ne nimis calefaciant , exhibenda erunt frequentius in emulsione aut in julepo refrigerante. Ex quibus petet Febris hujus therapeiam , à Febris ardentis therapeiâ non multum discrepare.


Ei autem singulare est , 1.^o Quod parti affectæ irritatæ ac dolenti , cuius semper est symptoma , in auxilio ei ferendo multum sit respiciendum , si enim sedetur ea pars , immittitur illicò , aut cessat penitus ea Febris. 2.^o Quod cathartica aut vomitoria Febrem eam exasperent , iisque proindè sit abstinendum. Itaque si tendo punctus est instillandum puncturæ oleum therebinthinæ valdè calidum aut etiam interdùm tendo transversim secandus. Si nervus punctus sit calidum vini alkool huic puncturæ , instillabitur , imò si symptomata urgeant transversim secabitur , auxiliaque cætera quæ punctis tendinibus aut nervis competunt , afferuntur. Si laboret

urethrae tuberculis iniectum difficilem & dolorificum excitatâ enim Febre efficientibus, stilis plumbeis vel candelis huic usui destinatis erit dilatanda ac tractanda; Febrisque sedabitur. Et sic de cæteris similibus casibus; sed ea jam hujus non sunt loci.

Jam verò si ingruens suppuratio cum acuto dolore in parte multum inflammata ac æstuante, vel in parte nervis valde confitâ plurimumque sensibili, Febrem eam concitarit applicanda erunt ei parti anodyna fibras relaxantia, æstumque fluidorum mitigantia; itaque pars aut lacte vaccino erit fovenda, aut tegenda cataplasmate ex lacte & panis albi medullâ confecto, aut pulpâ radicis althææ, aliarumve plantarum emollientium, aut cataplasmate seminis lini contusi florum malvæ, verbasci & similibus, imò in usum advocanda erunt cataplasmata stupefacientia quæ fiunt ex pulpis foliorum hiosciami, mandragoræ, solanis sive lacte vaccino imbutis; at his stupefacientibus non utimur, nisi quando dolor acerbissimus est. Utendum quoque erit in genere ejusce indolis topicis, cum pars nimium dolebit sive

inflammatio insignis eam molestat, si-
 ve inflammatio ejus non sit evidens ;
 relaxandi namque omni operâ in par-
 te primariò affectâ , villi nervei , miti-
 gandaque fluidorum ferocia ne ultra
 modum commoveantur , trahanturque
 in consensum totum systema nerveum ;
 sæviatque Febris. Quas etiam ob cau-
 sas prædicta topica imponentur pana-
 ritio idque quantocyùs , nec expectatâ
 absolutâ suppuratione id scalpello ape-
 rietur , quò periostrum à sanie roden-
 te & à dolore sævissimo citò liberetur.
 Usus autem purgantium quod spec-
 tat , ea sane non indicantur in câ Fe-
 bre cùm careant materiâ Febrili , quin
 & directè nociva forent , Febremque
 adaugerent commovendo ulterius ven-
 triculi & intestinorum villos nerveos ,
 tum & suis particulis sanguinem nimis
 agitando. At cùm Febris hæc in putri-
 dam mutari incipit , cathartica incunc-
 tanter auxilio esse debent , ut præca-
 veatur Febris putrida aut maligna ,
 hinc vulnerati aut sævas Chirurgias
 perpeffi , aliive qui Febrem non hu-
 moralem aliquandiu sunt experti post
 tempus aliquod , purgari solent ; sed
 catharticis mitibus aut mediocribus

in aquæ magnâ quantitate exhibitis.



CAPUT DECIMUM.

De Febre hæctica.

E Narratæ hæctenûs Febres aut acutæ sunt aut breves simpliciter, sed omnes continuæ. Pertractandæ jam veniunt continuæ, quæ diu durant, nec multum sæviunt, lentoque gressu incedere videntur, quæquæ lentæ propterea dictæ sunt, & semper ultra diem quadagesimum extenduntur, nisi inopinati aliquod supervenerit, quod ægrum interimat. Febris lenta, vel essentialis est vel symptomatica. Prior nuncupatur *hæctica* de quâ in eo capite agemus. Et definitur *ea Febris lenta, quæ ab universalis massæ fluidorum, digestionumque errore, minime verò à vitio alicujus partis determinata (si obstructionem aliquam viscerum excipias interdum; sed non essentialiter præsentem) dependet.*

In eâ Febre pulsus frequens est, celer, aliquantum inæqualis, parvus, sæpe debilis. Exacerbationes nunc ob-

fervantur , nunc neutiquam præsertim morbi initio quo tempore pulsus Febrilis tactu à nonnullis Medicis vix discernitur. Vix ægrotare videtur homo , nec grave incommodum pati , nec caput laborat ; corpus tamen ab alimentis sumptis sæpius magis febrire videtur , nec ab eis reficitur , sed consumitur paulatim atque liquefcit , ipsumque tandem sic imbecille fit , ut ægrè loco moveatur , & levi de causa præsertim à pravâ digestionem accedant animi deliquia ; tandemque si diu duret Febris hæc succedit fœdus marcor & squallidus seu marasmus & interdum inflationes præsertim extremorum.

Causa hujus Febris continens est neuro-lymphaticorum obstructio (ita ut non-nulla eorum penitus obstructa sint , non-nulla partim , nec ulla libera omninò existant) à lymphâ nimirum nutritiâ fluiditate homogeneâ exutâ in quâ nimirum particulæ crassiores fluitant , dum aliæ nimis solutæ sunt.

In eâ nimirum Febre ita se habet sanguis , ut particulæ rubræ quoad majorem partem aliquatenus exsolutæ sint ab acrimoniâ , portio autem ejus

mucilaginosa quoque soluta sit ab eadem causâ, sed inæqualiter ; adeo ut particulæ illius nonnullæ ultra modum attenuatæ sint , nonnullæ crassiores existant , dùm universim in massâ sanguineâ acrimonia est evecta partesquæ duræ & mobiles nimirum sui juris factæ sunt , nec temperatæ à viscidis uti decet , pauca namque inest hecti-
 corum sanguini mucilago illa tenuis & homogena (quàm vulgus vocat balsamum sanguinis) quâ justa cohæsi-
 o præbetur omnibus partibus integran-
 tibus sanguinis , justaque fluiditas.
 Quæ cum ita se habere , demonstratur in praxi non tantum per symptomata sed & per curationis methodum hujusce Febris theoriam stabilire arduum non erit. Siquidem , 1^o.
 Cum lymphæ à libero in nevro-lymphatica ingressu arceatur , sequitur eam magnâ parte in sanguiferis remansuram , eamque lymphæ molem quæ à sanguine sequestratâ tardigradè per incilia nevro-lymphatica in venas sanguineas inducta fuisset , longè celerius in eas ut pote sanguinis fluentis abreptam revehendam fore , undè moles universalis fluidorum sub

sanguinis specie celerius solito ad cor revehetur , undè pulsûs frequentia Febrilis.

2^o. Quoniam in massa sanguineâ particulæ integrantes ob acrimoniam solventem parum inter se coherent , adeoque levis est inter eas tenacitas & viscositas , sequitur ab agitatione intestinâ sanguinem parum rarefcere , nec cordis ventriculos , nec arterias plurimum dilatandas fore ac tendendas , undè pulsus parvus & debilis , qui simul celer erit , quod ventriculi cordis parum dilatari minimum insumant temporis ad parvam seu parum extensam restitutionem conficiendam , cùmque sanguis aliundè minus viscosus ; minus ad sui expulsionem resistat , cor celerius absolvat systolem.

3^o. Cùm ex ingressu lymphæ insufficienti nevro-lymphatica satis non repleantur , partes non nutriuntur , marcescent eò magis , quò lympa quæ prædicta incilia est ingressa acris est nec mucilaginositate eâ præditâ quæ Fibris nevro-lymphaticorum satis agglutinari possit.

4^o. Cùm nevro-lymphathica , nec satis nec debite repleta sint , fibræ au-
tem

tem omnes corporis compositæ ex
 neuro-lymphaticis primariò exsurgant,
 consequitur fibrarum quarumvis ro-
 bur infringendum fore , sive quod
 alimonix defectu arescant neuro-lym-
 phatica , sive quod relaxentur inter-
 dùm à lymphà nutritiâ acri serosâ
 quæ ut pote tenuior neuro-lymph-
 tica subiit dùm portio ejus mucila-
 ginosa ut pote crassior ab ingressu
 in ea fuit exclusa. Cùm autem fi-
 broso universali systemate debilitato
 sequatur necessario in omnibus func-
 tionibus debilitas , patet vires quas-
 cumque in Febre hecticâ exsolvendas
 fore ac proindè cordis vasorumque
 sanguiferorum , quare eâ etiam ratio-
 ne pulsus ut ut frequens ac celer erit
 etiam debilis , adeoque sanguinis circu-
 latio ut ut citatior erit quoque debilis,
 quare à levi causa ità recardari su-
 bito poterit ut accedat animi deli-
 quium prout in Febre hecticâ fieri
 pluries observamus à levi animi pa-
 themate , à parvo frigore suscepto ,
 à pravis digestionibus ex quibus suc-
 ci sanguinem aliquantùm inspissantes
 progengerantur , à motu corporis pa-
 rum vehementi , à parvâ hæmorrhagiâ,

à sanguinis missione ordinariâ & causis similibus , quæ in corpore robusto cordis motum nullatenus aut vix infringerent. Quæ cum ita sint , in Febre hecticâ patet dari Febrem cum imminutâ vi motrice sanguinis, eosque multum errare & culpis gravibus & infinitis in praxi committendis fore abnoxios, qui vires cordis adauctas in omni Febre existimant, indèque causam motricem incorpoream adscitiam ut archæum Helmontii aut Cardimelech Dolæi aliamve quamcumque pro corde vehementiùs movendo admittunt & in auxilium invocant.

5°. Cum functiones omnes debilitentur, digestiones fient quoque debiles, ex eisque pronascetur chylus malè elaboratus, in suis particulis malè mixtus, nec temperatus & dulcis, quo prædicta sanguinis discrasia fovebitur ac proin etiam Febris lenta. Cum autem chylus is plures in se advehat particulas spissas & insufficenter solutas, is quidem in vectus sanguini, cum inpissabit eò faciliùs quò vires sanguinis trusiles imbecillæ sunt, undè à pastu horrores, pulsus depressus, imò interdum animi deli-

quia , quin & mors prout non semel observavi , cùm autem in eo chylo plures sint particulæ acres nec à mucilaginosi malè extensis benè temperatæ , ex quidem utpote mobiles soluta per circulationes aliquot concepta , sanguinis spissitudine motum sanguinis agitativum Febremque ipsam intendunt exorto æstu aliquo , undè Febris exacerbatio à pastu.

Ex autem exacerbationes interdum non observantur in principio Febris hecticæ , cum nimirum adhuc digestionem non valdè laborant ; in progressu autem morbi fiunt magis sensibiles , præsertim cum ægri alimenta solidiora sumptere , quæ nimirum actione digestiva debili exsolvi satis non potuerunt chylo producto spissiore.

Cùm autem accedunt serò in hecticâ Febre exacerbationes , ex pravorum succorum in primis viis progenitorum , ut contingit in Febribus aliis exacerbantibus de quibus antea egimus , effectus sunt.

6^o. Cùm autem ab hecticâ Febre utpotè lentè procedente ægri paulatim debilitentur ac marcescant , de

cætero sanguis parùm æstuosus vasa multùm non dilaret , neque , exim doleat caput aut laboret nec etiam ulla pars , ægri in principio se vix affici existimant , nec deinceps multùm pertimescunt , præsertim cùm satis sæpè vigeat appetitus , quòd liquidum stomachale acrius sit & satis famen excitet , quodque ab acrimonia , cito solvatur in sanguine chylus & dissipetur per diapnoen calor interim acer eos aliquantum divexat , & in cute talis & ficcus deprehenditur , nimirum ob fibrarum quarumvis ariditatem , tum sanguinis & perspirationis acrimoniam. Verum in exacerbationibus , in volis manuum & plantis pedum calor is intensior deprehenditur ob densitatem epidermidis , quâ diapnoe acrior è sanguine magis solito æstuante ubiquè ejecta uberius , in earum partium cute magis retinetur , & in finibus ductuum excretoriorum porisque magis cohibetur. Insimul genæ interdum rubent à sanguine rarefacto , & in vasis superficialibus valdè & copiosis cutis teneræ earum ac tensæ supra os malum cohibito.

7^o. Licet autem ex his omnibus consequens sit cufumi corpus & ad Marasimum duci , intereà tamen procedente morbo aut ad ultimum evecto observatur interdum pedes inflari , manus , imo faciem ; sed infrequentius. Id autem evenit , cum ex virium sanguinis trusivarum imbecillitate adaucta serum satis per diapnoen neque per urinas dissipatur , id enim tunc nimis remanet in sanguine. Interim , cum ob easdem vires imbecillas sanguis ab extremis corporis ad cor parum vegetè remeet , pulsu debili tunc obscuro & parum febreili factò , serum in lymphatica tegumentorum & cellulas adiposas uberius exprimitur , in eisque incilibus fluit tardigradè ob vires eorum pariter imbecillas , & congeritur nullâ factâ in eis elaboratione , undè inflationes œdematosæ , quæ sanè pluries contingunt in pedibus , (ob maximam eorum à corde distantiam indè imminuto appulsus sanguinalis vigore , redituque ad cor difficili) hinc in manibus & facie. Pronascuntur etiam aliâ de causâ hæ inflationes , quando nimirum ex digestionum debilitate crudus adeò pro-

ducitur chylus , ut serosæ partes mucilaginosæ , iisque crassis vix admixtæ sint , & plurimâ parte liberæ velut supernatent , tunc enim producitur sanguis velut in cachexia sero libero abundas particulisque crassis & indigestis foetus , œdematibus producendis valdè pronus , imo hydropi.

1^o. Febris hæticæ triplex distinguendus est gradus. In primo levis observatur febricula , quæ interdum ab omnibus non discernitur ; vix consumitur corpus , viresque parum sunt imminutæ , nullæque aut vix observantur exacerbationes. Quod nimirum adhuc parum vitata est sanguinis diathesis , nec digestionibus multum depravatæ. Non reficitur intereà corpus ab alimentis ut boni succi , quæ vix ægro prodesse videntur ; & post pastum aut leve exercitium pulsus fit frequentior , nec ut in sanitate integrâ ægri exercitia adeò alacriter peragunt , nec ferunt ; protinùs autem anhelant , quæ sanè imminui vires aliquo modo denotant. In gradu 2^o. Febris fit evidens ; & accedunt exacerbationes , quòd digestionibus notabiliter tunc sint depravatæ ; subque exacerbationis fi-

nem corpus aut saltem pectus sudore manat, quòd æstus febrilis vi solvatur sanguis ut & materia febrilis è primis viis suppeditata, plurimùmque feri lixiviosi ab eo acri sanguine extricetur, producatunque uber materia sudoris è poris & ductibus excretoriis cutis æstu febrili prægresso valdè dilatatis affatim fluens. Ex his corpus evidenter consumitur, incipit Marasmus, dejiciuntur vires. In gradu 3^o. Ità consumitur corpus, ut fædus squalor illud occupet, Marasmoque corripatur, vires penitus fractæ sunt, adeò acer factus fuit sanguis protractâ Febre tenuique mucilagine orbus, adeò depravatæ digestionis evaserunt. Imò sæpiùs accedit diarrhæa serosa tum ex depravatione & imbecillitate digestionum, cum ex fluidorum acrimonia summâ, quâ æger citò ad summum virium prolapsus mortemque, ducitur. Vel si procrastinetur diarrhæa hæc serosa, interdum ædema occupantur pedes, deindè manus, & facies nonnumquàm, cum summâ virium imbecillitate & languore corporis exitioso, tuncque pulsus minùs febrilis fit; imò interdum dici

non potest febrilis, sed obscurus est debilis vixque tactu deprehenditur præsertim ultimis vitæ diebus.

Febres hecticæ excitantur potissimum à constitutione sanguinis cachecticâ , scorbuticâ , scrofulosâ . cancro-sâ venereâ , à nunnulis venenis , à pharmacis potentioribus ut emeticis, catharticis , hydroticis , iisque potissimum nimium repetitis ; & tunc Febris hectica *primaria* est. Excitantur etiam interdum ex Febribus malignis , putridis , diu protractis , aut malè judicatis , item ex Febre aliquâ intermittente quæ diu duraverit. Eaque hectica consecutaria aliàs Febris *secundaria* existit.

Et 1^o quidem non à quavis cachexia excitatur Febris hectica , sed ab eâ in quâ acrimonia evecta est , siquidem tunc in massa lymphaticâ mucilago tenuis deest quæ nevo-lymphatica satis subire possit nutrienda , ea autem à crassioribus partibus lymphaticis obstruuntur , quibus scatet cachecticorum sanguis ; simulque particulæ acres valdè mobiles sanguinem exagitant.

2^o. In scorbutico sanguine pluri-

mum vitiato , nimirum cum pervenit ad summum causa scorbuti , particulæ lymphæ spissiores nec in mucilaginem tenuem & homogineam extensiles in sero fluitant dispersæ , in simul acrimonia abundat muriatica , ex quibus eadem eveniunt , ac ex sanguine cachectico jam descripto.

3°. In scrofuloso sanguine admodum vitiato abundant particulæ lymphaticæ , admodum crassæ , tum & acres peculiaris indolis nec hactenus à quoquam determinatæ , & valde parca est mucilago tenuis & dulcis materia lymphæ neuro-lymphaticorum , quare obstruuntur neuro-lymphatica à crassis , & exagitur sanguis ab acribus.

4°. In sanguine cancroso , lymphæ multum spissæ est , partesque luxuriant insignis acrimoniæ & indolis corrosivæ , quare eadem etiam sequuntur , cum ea constitutio ad summum abiit.

5°. In sanguine syphilitico quam plurimæ particulæ lymphæ in grumulos durissimos ac exiguisimos vi virûs venerei abierunt , quibus obstruuntur interdum universim neuro-lymphatica ; simulque evchitur in san-

guine acrimonia quòd ita densatis in grumulos duros partibus lymphæ mucilaginosi, deficiat mucilago illa extensilis, quæ involvat ac temperet particulas sanguinis duras & activas, quæ proin nimis sui juris factæ sanguinem nimis acrem efficiunt. Undè ex his conditiones ad Febrem hæcticam, quandò multum duraverit infectio syphilitica, præprimis si ex temperamento aut victûs ratione sanguis ad acrimoniam valdè pronus extiterit.

6°. Venena nonnulla nimirum de genere, corrosivorum febrem hæcticam nonnumquam excitant quatenus deleteriè sanguinis mucilaginem solvunt in eoque constantem progenerant acrimoniam; ità ut depravatis deinceps digestionibus ac debilitatis chylus particulis crassis simulque acribus à mucilagine extensili ac dulci, quæ fuit à veneno destructa, non temperatis refertus producat, ex quo enascitur sanguis similis indolis.

7°. Idem ferè judicium ferendum est de purgantibus & emeticis frequentius adhibitis, quibus sanè mucilago tenuis sanguinis evacuatur per glandulas stomachales & intestinales,

relictâ in sanguine lymphæ velut fæce ,
 simulque co tùm ex his immodicis eva-
 cuationibus , tùm ex exagitatione quam
 in eo pariunt ejusmodi pharmaca ,
 acriore factò. Eâ ratione observamus
 incidere eos in Febrem hecticam , qui
 vel propter necessitatem vel ob me-
 dicantis imperitiam ac temeritatem ,
 ut curenrur à Febribus malignis
 aut à putridis , pharmacis ejusmodi
 atrociter divexati fuerunt. Eam cul-
 pam multoties committunt Agyrtæ
 suis arcanis vehementibus aliique im-
 periti , qui curato morbo quem trac-
 taverant , ducunt deinceps miseros per
 Febrem hecticam ad interitum.

Sed & ab hydroticorum vi nimia
 ut decoctorum lignorum & radicum
 câ vi pollentium , jusculorum vipera-
 rum , & similium , Febris hectica
 non semel pronasci visa est ; cùm ab
 his mucilago tenuis destruat , absu-
 matur serum sanguisque fiat acrior
 & siccior , undè particulæ lymphæ
 deinceps crassiores cum acrimonia ge-
 nerali , ac exim nevro-lymphaticorum
 obstructio , & sanguinis æstus con-
 tumax vixque compescibilis.

8°. A malignis Febribus , aut etiam

putridis diu protractis , iisque malè
judicatis , & à Febris intermitten-
tibus vetustis sanguinis mucilago te-
nuis consumitur , tum vi morbi ,
tum actione pharmacorum adhibito-
rum ac præsertim cathartico-
rum itera , imò diæta tenui diutius pro-
tracta , aut diæta malè idemtidem ob-
servata , sanguisque fit acer & sanè
cum præsentia in eo particularum
crassarum & malè digestarum ob vi-
tias in his febribus continuo diges-
tiones , ex quibus omnibus neuro-
lympathicorum obstructio pronascitur
una cum exagitatione intestinâ san-
guinis nimia , quod ponit conditiones
Febris hæcticæ.

9°. In casu obstructionum , in vis-
ceribus præsertim abdominis concep-
tarum frequenter satis excitantur hæ-
cticæ , quod non fit nisi reliquæ , à
quâ productæ fuerunt obstructiones ,
pravæ sanguinis diathesi jungatur
acrimonia ; tuncque is casus similis
ei est in quo ex sanguine cachectico
excitatur hæctica. Undè eodem modo
explicatur , qui hæctica ictero interdum
conjungitur , ut & sæpè hydropi sive
abdominis , sive pectoris , item hy-
dropi

dropi universali , ac innumeris morbis chronicis.

Ex antè traditis satis cognosci poterit Febris hectica , imo & in quovis gradu , ità ut diagnosticon hìc repetere necessum minimè sit. A quâ causa fuerit procurata Febris hæc , patebit per signa earum causarum propria , ut luis cancrøsæ , strumøsæ , veneræ , scorbuticæ , cachexiæ , obstructionum viscerum ; item per relata & quæsitæ circa Febres acutas vel intermittentes ; quæ processerunt , aut pharmaca potentia vel nimis repetita aut venena , quæ antè morbi hujus ingressum ægro fuerunt exhibita. Itaque etiam ex his Medicus pronuntiare poterit , an hectica primaria sit , an secundaria , juxtà ea quæ retulimus.

Quod vero ad prognosim spectat , utcumque in genere Febris hæc valdè periculosa sit , & invitis etiam optimis auxiliis ægros miserè consumere soleat , certum tamen est ad prognosim ferendam distinguendum esse Febris gradum , indolique causarum esse attendendum. Gradus enim ratione Febris hæc in primo gradu sæpè curatur ; in secundo gradu pe-

ricolosissima est & raro domatur ;
 in tertio ubi Marasmus est confirma-
 tus nunquàm curatur. Causarum au-
 tem ratione , cùm à viru cancroso
 sanguini essentialiter inusto dependet
 hectica , utcumque nullus adsit can-
 cer (prout observamus , cùm resecto
 penitus cancro , nihiloseciùs invadit
 interdùm Febris lenta , ità ut ad mor-
 tem ducantur ab eâ cancro nullate-
 nùs resuscitato & cicatrice manente
 integrâ) vix umquàm curatur , etiam
 si ipsi in primo gradu esistenti fera-
 tur auxilium. Cùm virus scrofulosum
 causa est , nunquàm sanatur hectica
 in secundo gradu confirmata , quæ
 tunc est Marasmodes , aliquoties au-
 tem in primo gradu , imo in principio
 secundi , prout observavi. Cùm causa
 syphilitica est , pluries curatur hectica,
 quàm cum est scrofulosa , ob speci-
 ficum cognitum , sanaturque potissi-
 mum in primo gradu , deindè cum
 est in principio secundi , at cum est
 Marasmodes , hoc est confirmata in
 secundo gradu , non curatur ; inte-
 rim hectica syphilitica pluries non cu-
 ratur in primo gradu. Hectica scor-
 butica difficilè sanatur in primo gra-

du , aliquoties in secundi gradûs initio sanatur , sed rarius in reliquis statibus insanabilis est.

Jàm verò cùm Febris hectica à constitutione sanguinis cachecticâ dependet , sive cachexiâ cum obstructionibus viscerum evidentibus conjuncta sit sive neutiquâm , tunc prognosis de ea ferenda juxtâ indolem cachexiæ cognitæ , imò juxtâ plures alias circumstantias ut ætatem & alias quas Medicus sedulò perpendere debet.

In genere tales Febres hecticæ in primo gradu haud difficilè sanantur ; sed gradus is cùm à pluribus non cognoscatur , aut æger satis adhuc pollens viribus graveque nullum patiens incommodum opem non postulet , ideo sæpius ei non medetur , gradusque accedit secundus in quo expetuntur ut plurimum auxilia , at dubia tunc fiunt & incerti eventûs. Idem fermè judicium ferendum eademque instituendæ veniunt in statuendâ prognosi considerationes cùm à pharmacis aut venenis aut diæta tenuiori nimiumque protractâ æger in hecticam lapsus est ; ut & cùm Febrium aliarum , quæ præcessere , hecticæ effectus existit.

In curandâ Febre hecticâ causam statim respiciendum est. Quamobrem si ea pendeat à viru venereo , id erit utique debellandum remedio specifico hoc est unctionibus mercurialibus methodicè administratis. At statim perpendere interest , an iis æger tuto exponi possit , si enim hectica multum progressa sit , viresque fractæ admodum , tabesque ægrum occupet , is profecto relinquendus , ne acceleretur mors in medici opprobrium. At si æger viribus adhuc polleat , febrisque sit in primo gradu , is quidem attingendus , sed frictiones leves & cum maximâ cautela instituentur , quod prudentiæ Medici in ejusmodi tractationibus experti relinquitur. Verùm ea curatio non est ejus loci , ut & neque hecticarum quæ à viru dependent scrofuloso , scorbutico , cancroso , cùm præter universalia competant eis quoque remedia peculiaria non equidem adeo specifica. Quapropter hecticarum , quæ à viru nullo fuerunt , procuratæ , subjungenda tantùm curatio : Et 1^o. quidem illius quæ sit à cachexia , quæ frequentior est.

Itaque eam supponendo in primo

gradu vel etiam in secundo , indicationes sunt digestiones emendate incidere levi vi fluidorum partes , quæ crassiores evascerunt , acrimoniam expellere per vias urinarias sub forma lixivii , eamque demulcere. Imperanda itaque diæta levis non tamen tenuis ut in Febribus acutis , cùm exim , cùm morbus diù sit duraturus , corpus marcesceret ulteriùs , frangerentur vires , sanguis acrior fieret , Febrisque hæctica ingravesceret citiùs. Undè inedia hæcticis adeo inimica , indigent namque reparatione partes solidæ quo nevro-lymphaticorum cavitas ampliari possit , secùs arescerent ea vascula intercluso omni comœatu nutritio , corpusque occuparet sædus Marasmus necessario lethalis. Ex his ergo constanter observatis sit ut pejus esset hæcticis parciori quàm paulo ampliori alimonia uti Hippocrates & Medici omnes agnoscant. Non ergo reducetur ad juscula hæcticâ laborans ut acutâ febre vexatus , utcumque alimenta in eo ritè non digerantur ; vescetur autem offis , panatellis , ovis forbilibus , & interdùm carne aliquâ facilis digestionis , imo nonnulli præ-

fertim fenes chocolatâ uti poterunt horis matutinis , nec nisi in exacerbationibus juscula fumet , vel cremores , vel gelatinas. Potabitur aqua simplici , aut aqua cui infusum fuerit panis tostî frustam , aut decocti graminis vel scolopendrii si obstructa fuerint abdominis viscera , vel fructuum Kinorrodonis decocto si viscera calida fuerint aut lingua calida & rubra. Tùm vero imperatâ diæta purgabitur æger levibus catharticis ut tamarindis , cassia floribus persicorum , radice polypodii , rhabarboro , manna , non autem validis ne iis nimis exsiccetur æger , vene sanguis ad æstus incitetur fiatque acrior , præsertim quod exindè pulmo tussi torqueri posset imo alterari per hæmoptysim aut suppurationem , illud enim viscus laborat sæpè à febre hecticâ , quod acrimonia sanguinis in illud potissimum sævire soleat.

Itaque.

REC. Rh. el. drach. unam , flor. persic. manipul. semi. infu. in s. q. aq. font. & in colatur. uncis sex dissol. mann. calabr. unc. duas & semi. f. p. mane sumend. cum regimine.

Vel si calor notabilior extiterit.

REC. Tamarind. ping. drach. sex, bull. in f. q. aq. font. ad unc. sex vel unc. octo, in quib. infu. rh. el. drach. unam, flor. persicor. manipul. semi, & in colatura dissol. mann. calabr. unc. duas. f. p. mane sumend.

Vel, si æstus magis urgeat, pulmone laboret siccitate, tussi, calore inolesto.

REC. Tamarind. ping. drach. sex, pulp. cass. recenter extractæ unc. unam, flor. persicor. & flor. violar. ana pugill. unum, bull. per semihoram in f. q. aq. font. & in colatur. unc. sex vel unc. octo dissol. mann. calabr. unc. duas vel unc. duas & semi f. p. mane sumend.

Vel dabitur potio similis sub duplici dosi.

REC. Tamarind. pingui. unc. unam, fistul. cass. contritæ. unc. sex, flor. persic. & violar. ana manipul. semi, bull. cum f. q. aq. font. ad lib. unam, cola pro duab. dosib. in quarum primâ dissol. mann. calabr. unc. unam & semi aut unc. duas, & in secunda mann. calabr. unc. unam. f. p. pro duplici dosi.

At si adsit constitutio cachectica.

REC. Polypod. quercin. drach. sex, bull. in f. q. aq. font. ad unc. sex, in quibus infu. rh. el. drach. unam, flor. persicor. manipul. semi, & in colatura dissol. manu. calabr. unc. duas & semi aut unc. tres, vel manu. calabr. unc. duas, sirup. rosar. pallidar. unc. unam f. p. mane sumend.

Interim tamen si pulmo ab hæctica non laboret, nec tussiat æger, in ambitu autem corporis inflationes œdematosæ appareant, potioni purganti senna addi potest, sed parvâ dosi ac violarum aut malvæ floribus temperata.

Itaque.

REC. Senn. mundat. drach. unam & semi, rh. el. drach. unam, flor. violar. aut flor. malva manipul. semi, inf. in f. q. aq. font. vel decocti cichorii amari ad unc. sex, vel unc. octo, & in colatura dissol. manu. calabr. unc. duas, vel mann. calabr. unc. unam & semi, sirup. rosar. solutivi unc. unam. f. p. mane sumend.

Expurgatis primis viis cathartico ità selecto, semper autem sub potionis formâ præscripto, imò interdum in duplici cyatho exhibito, jusculum præscribetur per plures dies mane sumendum & extrâ exacerbationem, confectum ex pullo juniore, aut carne vitulina, vel agnina, vel caprilla ad uncias sex vel octo præscriptâ, in quo per ultimam horam incoquantur cichorium amarum hortense, pinpinella hortensis, acrimonia, bugula, hederâ terrestris & plante similes,

ita ut hederæ terrestris præscribatur pugillum , aliarum verò plantarum manipulus. Addi etiam huic jusculo interdum poterunt astaci duo fluviatiles vivi contriti , cum non timebitur sanguinis æstus , simulque stomachus aliquantum roborandus erit ; femora autem ranarum quatuor aut quinque cum prædictis coqui etiam poterunt cum ulterius erit demulcendum. Ad eundem etiam scopum utiliter præscribuntur & cum magnâ efficacia juscula ex pullo juniore aut carne aliquâ ex prædictis aut colli ovilli frustra , unâ cum testudinis mediocris carne cruentâ ejus sanguine corde & hepate , cancro fluviatili , & plantis prædictis aut earum aliquâ , parata. Juscula ejusmodi per novem decemve dies sumi solent mane jejunò ventriculo , deinceps purgatur æger , ut antea quò deindè sumat per duodecim , quindecim , aut viginti dies serum lactis vaccini aut caprilli similibus horis ad uncias duodecim , aut quindecim , sed albuminibus ovorum duorum clarificatum cui incocta tempore clarificationis fuerint hederæ terrestris folia decem aut duo-

decim vel florum hyperici pugillum ,
 eique percolato additum fuerit faccha-
 ri pauxillum. Incoquantur etiam inter-
 dum fero lactis , dum clarificatur sex
 octove mille pedes loti ac vivi contriti,
 at solum cum adsunt tumefactiones æde-
 matosæ. Tum verò feri lactis usu pe-
 racto purgandus erit æger ut antea.

Præscribi deinceps poterunt apoze-
 mata sub dosi duplici per dies tres aut
 quatuor sumenda , quorum materia
 erit cichorium hortense , pinpinella ,
 bugula , agrimonia , hederæ terestris ,
 acetosa , radis oxylapathi , lactuca ,
 indivia , flores violarum , semina qua-
 tuor frigida majora , minora , semen
 papaveris albi , syrupus de cichorio
 compositus , aut florum persicorum ,
 aut rosatus solutivus , aut de quinque
 radicibus aperientibus , aut capillorum
 veneris , aut de nymphaea , eligendo
 inter prædicta prout scopus erit aut
 leviter attenuandi simulque diluendi ,
 aut diluendi & refrigerandi , prout
 casus tulerit , nam in Febre hæcticâ
 is varius est.

Jam verò si in pedibus corporis-
 ve habitu nequaquam inflationes ap-
 pareant , corpus autem ad siccitatem

& strigositatem vergat undequaque , tunc lactis asinini aut caprilli usus imperandus erit per mensem & ultra nimirum per plures menses , digestionibus semper attendendo , undè primis usûs lactis diebus exhibendus erit ferotinis horis pulvis ex terra Japonicâ , creta Brianconensi , corallis rubris , oculis cancerorum fluviatilium & similibus paratus ; qui vero manè exhibebitur paulo antè lactis haustum si sero exacerbatio superveniat. Vel loco prædicti pulveris opiata similis virtutis (cui ad stomachum roborandum addi poterunt conservæ Kinorodonis & enulæ campanæ) in usum vocabitur cum prædictis cautelis. Non purgabitur æger nisi finito lactis usu , si non depraventur digestiones ; & è contrà tempore illius usûs purgabitur si malè se habuerit stomachus , cujus si vitia neque pulveribus nec opiatibus , nec uno vel duobus catharticis , nec aquæ calcis secundæ cochlearium duorum lactis dosi additorum ope emendari nequeant , purgato ægro deferretur lactis usus , & ad juscûla & apozemata prædicta erit recurrendum.

Jam si unâ cum Febre hæcticâ con-

juncta fuerit cachexia evidens, adeo
 ut inflentur pedes aut etiam facies,
 imò corporis habitus; lac minimè
 erit præscribendum. Tunc autem pa-
 rabuntur juscula in Mariæ Balneo ex
 carne vitulinâ magnâ dosi ut sesqui-
 libræ aut librarum duarum, cichorio
 hortensi amaro, nasturtio aquatico,
 pinpinella, chærefolio, petroselino &
 plantis similibus, radice enulæ cam-
 panæ, rhabarbaro pulverato, mille-
 pedibus vivis contritis, astacis duobus
 fluviatilibus aut unico & similibus;
 per dies decem aut duodecim æger
 manè sumet illud jusculum; quibus
 exactis purgabitur prædictis catharticiis
 minorativis; addendo syrupum ali-
 quem leviter hydragogum ut de rosis
 solutivum, aut florum persicorum.
 Ea autem juscula iterari poterunt pro
 Medici prudentiâ. Verùm si imminuto
 urinæ fluxu, magisque tumente cor-
 poris habitu vel cruribus hydrops im-
 mineat, tunc erunt auxilio diuretica
 calida potentiora, aperientia, imò hy-
 dragoga. Verùm spectans ad hydropem
 tractatio hæc non est ejus loci, ubi qui-
 dem Febrem hecticam tanquàm mor-
 bum præcipuum oppugnandum specta-
 mus.

Cùm

Cum autem ex veneno aliquo corrosivo aut pharmacis potentioribus aut nimium repetitis præsertim cacharticis aut emeticis inciderit æger in Febrem hecticam, ei quidem edulcorantia & humectantia protinus exhibenda sunt. Quamobrem purgabitur potione ex tamarindis, mannâ, & cassiâ, cui addetur etiam oleum amigdalarum dulcium ad unciam aut uncias duas; exhibebuntur deindè per novem aut decem dies mane jejuno ventriculo juscula expulso juniori, ranorum quatuor aut quinque aut sex cruribus excoxiatis, floribus malvæ aut violæ, semine lini, seminibus frigidis majoribus contritis, semine papaveris albi & similibus confecta; hinc non iterato cathartico (nisi quædam indicatio urgens ex parte primarum viarum malè se habentium, se obtulerit) continenter ad usum feri lactis vaccini aut caprilli per dies duodecim aut quindecim æger reducetur, quod simplex exhibebitur cum pauco saccharo. Finito feri lactis usu purgabitur ut suprâ; Deindèque sumet mane lac asininum aut caprillum, imò serò lac sumet vaccinum aut ebuty-

ratum aut integrum ; ex quo etiam conficietur ossa , aut in quo oriza excocta fuerit ad parandum cremorem ; imò sumet nonnunquam lac pro omni alimento , nimirum mane asininum aut caprillum & reliquâ die vaccinum ; & quidem his modis lacte diutetur nimirum per menses absque ullo cathartico , nisi purgandi necessitas urgeat.

Cùm autem stomachus ferre lac minimè poterit , tunc ad juscula prædicta edulcorantia , præsertim testudinum , erit recurrendum , exhibito prius cathartico minorativo , ad emulsionem sed coctas , ad ptisanas demulcentes acrimoniam , ad apozemata similis virtutis , & ad diætam humectantem & edulcorantem , injicienda insimul erunt enemata refrigerantia & edulcorantia ex radice althææ , seminibus lini , psilii , cydoniorum , feminibus frigidis majoribus aut minoribus , lactuca , portulacâ , oleo lini , amigdalorum dulcium , nucum , decocto omasorum , intestinorum , & similibus confecta.

Cùm autem Febris hæctica alias Febris , malignæ puta aut putridæ aut

intermittentis alicujus consecutaria existit, præter diætam superiùs præscriptam, opitulandum erit per levia cathartica identidem exhibita & paulò frequentius quàm in aliis casibus Febris hecticæ; quod ex prægressis Febribus stomachus ad pravas digestiones magis sit pronus, intereà alendus sit æger nec ad juscula reducendus ne consumatur conficiaturque tabe. Apozemata insuper præscribenda sunt diluentia, leviter stomachica, ac leviter purgantia, quæ parabuntur ex cichorio hortensi, pinpinellâ hortensi, endiviâ, kinæ kinæ pulvere ad drachmam vel drachmas duas, aut florum camæmeli vel hyperici pugillo, sirupo de chicorio composito, aut florum perficorum & similibus. Ad quem etiam scopum, (sed cùm alvina purgatio non requiretur per dies aliquot) præscribentur etiam juscula ex eisdem vegetabilibus & pullo juniore, ranarum cruribus aliquot additis, si magis demulcendum sit, aut testudinis carne ejusque sanguine si à viscoso sanguinis extricanda sit acrimonia, expurganda dein per renes vel cutem; eorumque ac similium jusculorum per novem aut

decem dies exhibitorum usus iterandus erit pro necessitate.

Cùm autem per purgantia levia, jufcula, apozemata; jam descripta & opportuno exhibita, æger alimenta rectius digerit, cùm, inquam, Medicus digestionem sat rectè se habere percipit, tunc minorativi ope purgato ægro, ei serum lactis præscribet, cui ne corrumpatur aut acefcat in ftomacho dùm fit ejus clarificatio incoquetur florum hyperici pugillum; vel si non metuatur feri lactis in ftomacho corruptio, id simplex & largâ dosi præscribetur, imò bis in die, nimirum mane jejuno ventriculo & hora decimâ ferotinâ quatuor nimirum horis ab assumptâ pro coëna offâ vel oryza in cremorem redactâ, sumendum. Tùm verò, si per dies decem aut duodecim ftomachus serum lactis tulerit, institutâ purgatione præscribetur lac asininum, aut caprillum, aut vaccinum cum parte æquali infusi capillorum veneris aut florum hyperici, aut foliorum hederæ terrestris, coctum ac simul ebutyratum, sique lacti ftomachus assueverit, id per menses duos & ultrâ mane jejuno

ventriculo sumetur. Secus ut administratis opiatis absorbentibus vel simul stomachicis, pulveribus vis similis, aqua calcis secundâ vel aqua naphæ lacti immixtâ, imò lateris frustro ignito in lacte immerso & similibus adminiculis, quæ apud practicos obtinent in usu lactis ferendo, si ab usu lactis stomachus malè se habuerit, co relicto purgandus erit cœtus æger, & ad jescula prædicta præsertim testudinum erit iterum confugiendum.

Est hæc circa præcipuos Febris hecticæ casus universim dicta sufficere arbitror, cum dein in individuis tractandis variæ occurrant complicationes, quibus Medicus unusquisque, nonnisi per solertiam, sed potissimum per judicium solidum experienciâ apud ægros acceptâ firmatum factâ magnâ attentione omnibus & simul obviam ire potest. Antequàm tamen eam curationem deferam moneo in genere.

1^o. In Febre hecticâ medicamina sub forma fluida esse potissimum præscribenda, non verò sub forma sicca, ut pulveris, opiatæ, boli, pilularum, &c. ratio ex ante dictis patet, idque docet experientia. Intereâ tamen cum

adeò malè se habet stomachus , tunc adhibemus opiatas & pulveres , quò emendetur indèque humectantia & edulcorantia adhiberi possint ; præprimis autem cùm supervenit hecticis diarrhæa medicamina sub formâ solidâ in usum veniunt , licet jusculis astringentibus eas diarrhæas nonnunquàm cohibeamus , vel & quoque laudani usu cùm ægri vires penitus non sunt fractæ. 2^o. Corticis peruviani usum magni esse auxilii in hecticis , quarum exacerbationes per frigus sensibile incipiunt , à quacumque causa producantur , præsertim cùm à pravis digestionibus multùm foveantur ; quod sanè probat in omni Febre hecticâ ventriculum aut præcipuam aut saltem aliquam materiam febrilem sanguini suppeditare , adeoque nunquàm in eâ benè edi digestionem. Verùm sive ad emendandas pravas digestionem , sive exacerbationem imminuendi aut dissipandi causâ , cùm præscribitur cortex peruvianus , is non sub pulveris forma vel opiatæ præscribi solet , ne ab eo nimis incalescat & exsicceatur æger , sed sub forma decocti & quidem levis ; aut si sub forma pulveris exhibendus sit , is tempe-

ratur addito duplo mellis optimi aut syrupi capillorum veneris , aut in emulsione coctâ exhibetur , aut in juscule pulli junioris. 3^o. Cùm tussi aut vigiliâ torquentur hectici , eos levandos esse Narcoticis (nisi vires penitus fractæ sint) ut syrupo papaveris albi , ejus capitum decocto , imò & laudano sive opiato sive liquido , ne vigiliâ aut tussis succussionibus absumantur ægri vires , isque contabescat invitis etiam aliis optimis auxiliis , quæ fortè saluti ipsi fuissent.



CAPUT UNDECIMUM.

De Febre Lentâ Symptomaticâ.

LEntarum alia est species , quæ *Febris Lenta Symptomatica* appellatur ; quæque corruptelæ in aliquo organo stabilitæ effectus semper existit , ulceris putà alicujus vel fistulæ vel abscessûs , vel purulentæ materie aut saniosæ in aliquâ cavitate collectionis , vel cancri , vel cariei ; & ut cumque ex his sanguini tanta inuratur sæpè labes ,

ut is essentialiter laborare sæpè videatur, certum tamen est à prædictis partium solidarum vitiis eam continuò forveri ac præcipuè regi, undè symptomatica semper est.

Hujus autem ut hecticæ tres distinguendi sunt gradus, in quibus corpus eisdem modis antedictis malè se habet, quique signis eisdem superius traditis cognoscuntur ac inter se distinguuntur. Neque causa continens diversa est, nec explicatio symptomatum, quæ eadem sunt. Supereſt igitur inquirendum quí labes prædicta solidarum toti sanguini communicate, eamque còuſque corrumpat, ut febris lentæ causa continens excite-
tur. Si ergò solidarum labes prædictæ considerentur, ex quibus nimirum oritur Febris lenta hæc, eas ad suppurationem pravam reduci omnes, ex quâ nimirum pus producitur acrimoniâ præditum, profectò percipiemus. Quamobrem Febrium omnium lentarum symptomaticarum materia febrilis est *pus acre*, quod benè notandum, nam ea materia febrilis pluries in praxi occurrat opugnanda. Verùm cùm ea materia febrilis velut focum habeat semper in

organi alicujus determinati sive interni sive externi substantiâ , eam ex eo organo labefactato toti sanguini communicari , ut excitetur Febris lenta consequens est. Illa autem communicatio dici solet *puris remixtio* , quæ jam explicanda cum suis confectariis.

Demostratum fuit in nostrâ primâ dissertatione de suppuratione pus confici in vasis ruptis sive sanguiferis sive lymphaticis , at in sanguiferis ruptis potissimum ; prætereà causam suppurationis efficientem esse motum sanguiferorum integrorum non liberorum & inflammatione affectorum ; tum puris materiam esse sanguinem prius inspissatum in vasis ruptis & mutatum in pus à prædictis ictibus sanguiferorum ac ab eisdem sub formâ liquaminis purulenti expressum , lymphamque morâ corruptam è lymphaticis ruptis expressam , ac tandem vasculorum ruptorum lacinias in liquamen versas. In secundâ verò dissertatione de suppuratione varietates suppurationis ostensæ sunt , & quamobrem non pus quodlibet progenitum foret laudabile , sed cur interdum liquamina purulenta forent acria & variè inquinata.

His omnibus animo ritè reputatis ; si contingat purulenta liquamina acria progigni in aliquo viscere sive viscosa sint sive saniosa & diluta , ea vero (aut quòd undique conclusa sunt , vel quòd exitui libera satis non est via) in parte suppurante retineri ; quoniam partes nostræ valdè porosæ sunt & undequaquè permeabiles , ut ostendimus in Physiologia , profectò liquaminum purulentorum è vasis ruptis effusorum particulæ integrantes nonnullæ calore loci velut in vaporem versæ in poros partium ambientium integrarum sese insinuabunt , poris pervias vasorum integrorum tunicas pervadent , fluidoque per ea fluenti occurent eique permiscebuntur circulationis legibus dein obnoxie (sive in vasa sanguifera irreperint sive in lymphaticâ prout fert fors) intereà tamen verisimile est eas longè majori copiâ in sanguifera irrepisse , quòd ea cæteris vasis numerosiora sint & in majori extensione , longèque plures poros pervios purulento liquamini offerant. Ecce igitur particulas puris integrantes permixtas sanguini & in totam ipsius massam dispergendas legi-

bus circulationis , sanguinemque totum temporis lapsu pure inquinatum. Ex autem purulentæ particulæ viscositate aliquâ semper prædictæ sunt , simulque acres secum gerunt, Ab acribus igitur solvetur sanguinis particularum integrantium compages , solvetur & ipsius mucilago tenuis , unde agitatio intestina sanguinis major , majorque calor ; à viscidis autem obstruuntur nevro-lymphaticorum oscula, quæ etiam eo nomine obstruuntur quòd solutâ mucilagine tenuiore , ut dictum est , non concilietur sanguini æquabilis fluxilitas partesque crassæ sejunctim hîc & illîc sociantur , à quibus obstruuntur deinceps ubique nevro-lymphatica , ità ut ex his omnibus pronascatur causa Febris lentæ , prout de hæcticâ dictum fuit cum satellitio symptomatum in capite præcedenti expositorum , quæ pronascuntur similiter & explicantur ac in Febre hæcticâ. Illud tamen circâ Febres lentas à remixto pure productas notare juvat. 1^o. Quod exacerbationes valdè irregulares sint licet tamen horis ferotinis potissimùm invadant. 2^o. Quod per frigus invadere soleant. 3^o. Quod

per sudores terminari consueverint.

Et sanè 1^o. Cùm pars nunc magis nunc minùs suppuretur nullâ regulâ observatâ ; cùm pus (quando evacuatur partim) nunc magis nunc minùs evacuetur , proindèque sine regulâ nunc magis nunc minùs in partis substantia retineatur ; sequitur puris remixtiones nullâ observatâ regulâ abundantiores identidem futuras , proindèque Febrem identidem & irregulariter intendi seu exacerbari. Cur verò horis serotinis exacerbat potissimùm Febris hæc ; quòd eis horis fluida in universo corpore humano magis spiscescant , nec abundans adeò sit diapnoe , quare vasa sanguifera plus replentur , indèque augefcit suppuratio , plusque puris sanguini remissetur.

2^o. Cùm particulæ purulentæ spissæ sint ac vitâ orbæ , cùm sanguinem subiere abundanter , motum ejus agitativum infrigunt , undè is spicescit , produciturque frigus febrile & pulsûs depressio , ut in hujus tractatus principio fuit expositum de aliis materiis febrilibus agendo ; tùm sequitur deinceps æstus febrilis , sive exacerbationis excandescencia , pro-

ut etiam ibidem fuit declaratum.

3^o. Cùm ex illâ excandescentiâ febrili solvatur ulteriùs sanguinis compages fitque de cætero ebundans in sanguine materia acris , multum progeneratur lixiviiis tenuis , quod per cutis colatorium imminuto tandem febrili orgasmo sanguineque factò fluxiliori (attenuatâ tandem ex illâ agitatione materiâ purulentâ febrili) sub formâ sudoris foràs ablegatur ; ex quâ evacuatione , sæpè abundanti , multum concidere solent ægri vires inanitis nimirum velut subito vasis ac ex cessante simul rarefactione sanguinis , quâ priùs vasa tendebantur , concidentibus aliquantùm eorum tunicis. Ex quibus etiam multum consumitur æger & tabescit.

Quod autem dictum antea fuit de remixtione puris in sanguinis oceanum , ex viscere aliquo suppurante , illud etiam intelligendum est ratione partium aliarum quarumvis sive molles sint sive osseæ , ex quarum suppurationibus Febres lentas progigni sæpè observamus , licet tamen ex suppurationibus viscerum eæ frequentius contingant , quod sanè imputandum

majori viscerum substantiæ raritati adeoque poris appertioribus magisque meabilibus, tum numerosioribus vasis eorum sanguineis, quæ ambæ conditiones faciliori & abundantiori puris remixtioni multum favent, majorique sanguinis corruptelæ.

Verum cum Febres lentas ex fistulis pronatas, quarum callositates puris remixtioni obstare videntur, item quoque ex partium externarum ulceribus è quibus pus liberè manat etiam observemus; videndum quæ tamen ex his oriatur Febris lenta. Et sanè utcumque callositates poros velut obturent, certum tamen est à pure in fistulis congesto simulque acriori rodì eas ità ac penetrari, ut nihilo secius ipsius particulæ per poros tunicarum vasorum integrorum imbibantur & sanguini transfluenti commisceantur, quod etiam evenit ulceribus vetustis callosis. Ut ut verò ex ulceribus ambitus corporis pus liberè manare conspiciatur, id tamen persæpè temporis lapsu in ulceris facie tandem ita imbibitur, ut & quoque per poros remisceatur sanguini. Ubi notandum ex ulceribus alio adhuc nomine Fe-

brem lentam accerleri nonnunquam, nimirum cum suppuratio abundans in eis diu perseverat, quod per eam mucilago sanguinis è vasis tum sanguineis tum lymphaticis ruptis in quibus fit suppuratio abundè manans penuriam sui in totâ massâ sanguineâ inferat, quæ proinde fiat accior minùs æquabiliter fluxilis & particulis mucilaginosi referta crassis hîc & illîc dispersis, eadem omninò progignatur sanguinis diathesis, quæ in Febre hecticâ, undè subsequuntur eadem, ac proin Febris lenta tunc ulceris nimis ac diutiùs durantis symptoma.

Jam verò cum fluida quæcumque in ductus secretorios derivanda è sanguine prodeant, sequitur ea etiam è sanguine secreta inquinamenti in sanguine suscepti multum participare, eò magis quò flocculi puris sanguini innatantes difficilè mutantur propriamque naturam exuunt, hi ergò flocculi vix mutatâ formâ aut interdum immutatâ unâ cum sero, quod ubique discernitur, ductus secretorios quoscunque subibunt, undè explicabitur facile fætor sudoris, item cur ex abscessibus pectoris interni aut empye-

mate pus per urinas interdum abierit , prout non semel observatum fuit , cum nimirum puris flocculi crassiores per ductus urinosos secreti simul deinde adunati fuerint præsertim in vesicâ ratione moræ urinæ & ponderis majoris materie purulentæ urinæ commixtæ.

Explicabitur etiam diarrhæa illa immanis colliquativa ex purulentis particulis intestinorum liquori commixtis & intestina vellicantibus ; item cur ab acribus particulis purulentis lique scat universa pinguedo ulterius & citius , eâque ratione accedat citius marasmus , ejus etiam aliæ sunt causæ in capite de Febre hæcticâ allatæ. At cum fucci digestivi particulis his inquinati quoque sint , patet digestiones etiam in eâ Febre fore necessario depravandas , ex quibus pronascentur pravi fucci , qui febrilem alteram materiam constituunt , quâ Febris intenditur & etiam exacerbatur , hinc fit ut cortex peruvianus eam materiam febrilem emendans valeat sæpè mitigandis exacerbationibus Febrium etiam earum purulentarum. Ex pravis etiam illis fuccis pravarum digestionum progenie ut

plurimum acrioribus deducitur etiam diarrhææ ortus, quæ his Febris supervenit licet ad gradum tertium non sint deductæ adhuc. Præterea ex pravis illis digestionibus pronascetur chylus malè subactus & particulis crassis malè extensis & acrioribus foetus, qui sanè jam conceptam à pure sanguinis diathesim pravam assiduo foveat, adeoque lentam Febrem.

Causæ Februm lentarum symptomaticarum remotæ sunt causæ ulcerum & abcessuum pulmonis, thymi (quem casum sanè rarum non ita pridem observavi in infante enecto Febre lentâ ex abcessu thymi, prout declaravit apertio cadaveris, in quo pulmones de cætero illæsi reperti sunt. Infans is constitutione laborabat scrofulosâ hereditariâ) pleuræ, mediastini, œsophagi (cujus casûs observationem raram mihi exhibuit apertio cadaveris hominis sexagenarii, in cujus tunicis œsophagi abcessus tot à pharynge usque ad ventriculum repertus, ut iis apertis plus quàm libra puris efflueret) hepatis, lienis, pancreatis, ventriculi, intestinorum, omenti, mezenterii, peritonæi, re-

num, vesicæ, uteri, ovariorum. Cur autem ex cerebri abcessu observari non solent Febres lentæ; illud fit, quod abcessu facto æger extingui protinus soleat; eam enim læsionem diu sat ferre nequit cerebrum, ut stabiliatur Febris lenta, citòque intercidit functio cerebri vitæque proindè.

Causæ remotæ earum Februm sunt etiam causæ ulcerum, abcessuum, fistularum partium musculosarum, tegumentorum hoc est cutis & membranae adiposæ, item causæ carierum humidarum (quæ sunt substantiæ ossæ parva suppuratio) & suppurationis ossium medullæ.

His etiam causis remotis accensendæ sunt causæ puris effusionis in pectoris cavo (quæ sola apud græcæ linguæ ignaros dici solet empyema) effusionis ejus inter omentum & peritonæum ex abcessu aliquo omenti verisimiliter rupto (prout à plurimis annis in puero Febre lentâ consumpto & ad marasimum ultimum ducto vidi, in cujus cadavere inter omentum & peritonæum pus foetidum quantitate tantâ observavi, ut ea per æstimationem ad libras tres ascenderet; dùm-

que viveret æger moles ea fluidi pro-
 ascite imposuerit ; de cætero omenti-
 margines peritonæo coaliti deprehen-
 fuere , & sic efformabatur bursa mag-
 na pure plena , omentum in centro erat
 semiputridum) & similium effusionum
 puris , quæ dici abscessus non possunt.
 Accensendæ quoque sunt causæ cor-
 ruptelarum nonnullarum variorum
 viscerum , quæ corruptelæ vix dici
 possunt supurationes , prout ab annis
 circiter quinque observavi in nobili
 quodam Occitanix superioris Febre
 lentâ perempto , cujus secto cadavere
 deprehensa fuit substantia lienis mu-
 tata penitus in amurcam quandam
 coloris caffè , quæ in membranâ hujus
 visceris propriâ & paulò spissiori factâ
 concludebatur.

Cùm Febris lentæ hujus symptoma-
 ta observentur eadem ac in hecticâ &
 in quovis gradu eadem sint ac in eâ
 in quovis gradu constitutâ , patet sig-
 na diagnostica eadem esse in utraque
 illâ Febre & in quovis gradu. Illud
 solum discrimen interest, quod in symp-
 tomaticâ reperiantur etiam signa cor-
 ruptelæ alicujus ex memoratis in ali-
 quo organo quæ in hecticâ absunt

semper , undè si signa hæc prædictis utrique illi Febri communibus adjungantur , Febris lenta dignoscitur symptomatica , Ea autem organi alcujus corruptelæ signa hic non referenda sunt , cùm aliorum affectuum historiam spectent , in qua profectò sunt quærenda.

Quæ de pronosi hecticæ superiùs statuta fuère hùc etiam sunt transferenda , quò lentæ symptomaticæ prognosis statuatur. At insuper periculum majus aut minus prædicitur ex indole causæ à quâ fovetur ac regitur ea Febris ; prout nimirum organi corruptela , à quâ dependet , aut sanabilis est per chirurgiam aut per medicamenta & diætam ; vel prout ejus sanatio dubia est , vel impossibilis respuens nimirum auxilii cujusvis efficaciam. Quamobrem his benè perpensis Febris lentæ symptomaticæ sanatio interdum ferè certa , interdum dubia , interdum absolutè impossibilis etiam in primo gradu pronuntiabitur. Idcirco lethalis etiam in primo gradu existens à Medico prædici sæpenumero poterit , quæ prædictio semper magis ambigua est circa Febrem hecticam in primo gradu.

Febris lentæ symptomaticæ curatio

in quamplurimis hecticæ curationi similis , in nonnullis tamen dissimilis est. Siquidem 1^o. Diæta eadem est ac in hecticâ. 2^o, Modus purgandi quoque ferè idem , cum eâ tamen observatione , quod nonnisi minorativâ cathartica in eâ Febre semper usurpanda sint , ac in genere infrequentius ii ægri sint purgandi , cathartica namque sanguinem exagitando suppurationem promovent , quod sanè fugiendum. 3^o. Cùm labes organi alicujus suppuratoria Febrem eam foveat , ei suppurationi curandæ vel auferendæ totis viribus est intendendum. Quamobrem interdum chirurgia est adhibenda , ut cum auferendæ sunt fistulæ , aut sinus dilatandi , aut cariosa ossa urenda vel rodenda vel scalpro liberanda ; aut empyema pectoris evacuandum , aut aperiendi & evacuandi latentes ac vetusti abscessus , ut cum ulcera externa methodicè sunt tractanda. Interdum verò cum chirurgia non sufficit aut locum non habet , tunc sanè acrimonia sanguinis est corrigenda , parsque à pure liberanda per deterfiva internè usurpata quantum fieri potest suppurationes namque

internè curam sæpe omnem eludunt. Itaque purgatis minurativo primis viis, si necessum est emendato stomacho per juscula ex pullo juniori aut simili carne duobus aut tribus cancris fluviatilibus florum hyperici pugillo aut foliorum hederæ terrestris simili dozi ac cicorii hortensis amari manipulo semisse aut uno confecta, vel etiam (si stomachi vitium nimis abstinatum sit) per opiatas stomachicas & absorbentes aut pulveres similis virtutis addito sive opiatis sive pulveribus antihectico poterii, & interdum succino albo & nonnunquam sed rariùs millepedibus præparatis sed exiguâ dosi, ocyùs quantum fieri potest ad lactici-
nia erit confugiendum, ut statim ad serum lactis clarificatum, & plantâ aliquâ amarâ levi alteratum, si stomachus suspicetur adhuc malè se habens. Seccùs, si stomachus benè se habuerit, omisso seri lactis usu imò opiatarum aut pulverum, lac protinus præscribetur sed imprimis asininum aut caprillum vere, imò si casus urgeat æger bis in die lac sumet, quin & reducetur ad diætam albam modo in capite de hecticâ exposito.

Jam verò si stomachus lacti non assuescat, utcumque in auxilium invocata fuerint opiatæ, pulveres, aqua florum aurantiorum, aqua calcis secunda, lateris igniti frustra & reliqua, quibus utuntur practici, ut in capite precedenti dictum fuit, tunc ægro purgato proscribetur lac, cujus vice usurpabuntur jussula testudinum, ranarum, & similia in eodem capite descripta addendo plantas vulnerarias leves deterfivas (non autem aperientes) inter quas in eo casu præstant hypericum, hederæ terrestris, veronica, pinpinella hortensis.

Sive autem edulcorantia usurpata lactis species extiterint aut serum lactis aut memorata jussula, iis sanè diù ac per menses erit utendum; quo tempore balsama nativa utpotè optima deterfiva sæpius erunt præscribenda imò nonnunquam singulis diebus per plures menses, ut egi aliquoties cum bonis ægri rebus ita ut phthises pulmonares confirmatas non semel curaverim aut sæpè multùm protulerim. Balsama hæc sunt balsamum judaicum, toluatanum peruvianum album, de copaiïva canadense omnium mitius pul-

monique suppurato cæteris magis congruum. Ballama autem hæc eligenda semper recentia , cum enim vetusta omnia nocent , fiunt enim ex vetustate acria. Cùm in ea curatione diù balsamis utendum sit , dosis eorum debet esse paucarum guttarum , ut duarum , trium , quatuor , quinque sex , quæ sirupi hederæ terrestris cochleari uni vel semissi erunt miscendæ , paulòque ante lactis vel seri lactis vel jusculi edulcorantis hostum ab ægro erunt sumendæ ; quod fiet singulis diebus vel alternis , vel singulo quoque tertio die prout fert casus. Consulo autem ut in his curationibus multùm balsamis utatur Medicus cum prædictis cautelis , ità namque res feliciter mihi sæpiùs successit. Prætereà ptisana de hederæ terrestri , hydromel , & potus similes partis suppurantis deterfioni multùm quoque profunt.

Postremò cum laudanum suppurationum activitatem infringat eamque velut suspendat cum partis suppurantis levamine , ideò in his Febribus lentis suppuratoriis experienciâ certâ & foelici confirmata multùm eo utimur , ità ut interdùm usum laudani habi-

tualera

tualem his ægris consulamus ; quo solo auxilio observatâ de cætero diætâ congruâ per annos sex nobili mulieri evidenter phthisicæ anno ætatis septuagesimo secundo tandem defunctæ vitam protraxi , quæ nulla opera nullâve arte adhibitâ neque lac lactisve præparationes neque juscula quævis edulcorantia ferre unquàm potuerat.

Verùm cum Febris hæc sit symptoma aliorum morborum , quorum curatio alibi exponitur idèò ulteriori disquisitioni supersedeo & ad Febres intermittentes transco.



CAPUT DUODECIMUM.

De Febribus intermittentibus in genere.

SPECIE Maltiam Febrium constituunt Febres *intermittentes* , quæ si debitè considerentur , eas ad Febres humorales & speciatim ad putridas redici fateri cogemur , cum materia earum febrilis infestet & primas vias & sanguinem , ac in primis viis turbas similes existet ut in putridis ,

similiaque inferat in toto corpore symptomata sive hæc spectentur tempore frigoris febrilis sive tempore pyrexiae. Illud tamen discriminis subest, quod in putridis matetia febrilis continuo sanguinem afficiat, in intermittibus verò non item sed interpolatè, sic ut tempore intermissionis sanguis nihil pati videatur. Quamobrem causa intermittentium eadem est ac putridarum, cum eo tamen discrimine, ut continuo hoc est ab invasione morbi ad solutionem usquè perfectam non præsens sit in sanguine, ut in putridis continuis, verùm nunc præsens sit nunc cesset iterum rediturà. Ne igitur repetamus quæ jam dicta fuère, legatur priùs Caput 5. in quo agitur de Febre putridâ, & Caput 2. in quo quæ ad definitiones & divisiones Februm intermittentium spectant relata fuère.

Et sanè materiam febrilem intermittentium in primis viis hospitari, ab eisque sanguini suffici admonemur eisdem signis ac in Febre putridâ, nimirum cardialgiis, ructibus, nausea, vomitibus, singultu, diarrhæis, colicis doloribus, oris foetore & simi-

libus, quæ vigent potissimum ingruente accessione febrili, utque putridæ earumque exacerbationes incipere solent per frigus febrile in quovis gradu, ita & omninò res evenit in principio accessionum; cùmque in putridis deindè Febris excandescat, ita & in accessibus Febrilibus æstus febrilis frigori succedit cùm symptomatibus eisdem. Restat ergò tantummodò ad explicationem intermittentium inquirendum, quí materia febrilis intrà non longum tempus dissipata, redeat iterùm, illæque dissipationis & reditûs materiæ febrilis vicissitudines pluries contingant, antequàm morbus penitùs sanatus sit.

Cùm itaque per unicam accessionem morbus non sit sanatus (quamquàm sanguis a materiâ morbificâ per sudores aut alio modo videatur liberatus ac cesset omninò febris) sequitur materiam morbificam aut penitùs non dissipari aliquanquè remanere velut sopitam in aliquo loco extrà sanguinis vias, quæ dein reviviscat, aut novam in eodem loco produci, quæ aliam accessionem pariat cum simili satellitio symptomatum sive in princi-

pio five in akme accessionis apparentium.

Eum locum appellantur Medici *focum* materię morbificę intermittentium ; & circa eum focum disputant ; alii enim eum focum in primis viis & in ventriculo imprimis statuunt, alii in vasis lymphaticis. Verum per signum ullum nulla est demonstratio materiei hujus morbificę in lymphaticorum systemate hospitantis , cujus portio fiat fluxilior sanguinique identidem remisceatur ad accessionem excitandam , quā dissipatā alia crassior adhuc infumat tempus intermissionis ut solvatur in lymphaticis & deindē in sanguinem transeat accessionem aliam excitatura , ut nonnulli sibi persuadere volunt per hypotesim quę ipsis arripdet. Nec quicquam demonstrat materiam morbificam quę accessionem excitavit partim tantum vi febris dissipari , dum reliqua portio ē viis sanguinis ablegatā subit vasa lymphatica in quibus ob crassitiem aliquandiu morans aut putrescit aut corrampitur modo quocumque , hinc pravas adepta qualitates quousque solvitur & fit fluxilis , ut per vasa lymphatica

progrediens sanguinis oceanum ingrediatur novam accessionem excitatura cum eisdem confectariis, quò ad alteram accessionem fiat apparatus similis, prout aliis visum est. Prædicta igitur cum hypothesis tantum sapiat, nec quicquam de his nos admoneat, focum intermittentium in lymphaticis non reponemus.

Cum autem, ut jam antea dictum est, tempore accessionis ac potissimum in ejus ingressu symptomata quamplurima demonstrent pati & affici multum primas vias ac stomachum præsertim, ea propter focum intermittentium in eis ac præcipue in stomacho statimimus; eò magis quò causæ earum Februm remotæ ad pravas digestionem procurandas cunctæ evidenter tendere videantur, & quò nulla earum curatio expectanda sit, nisi per auxilia primarum viarum vitia corrigantur sive eas à pravis succis expurgando, sive eos succos debite alterando & immutando.

Verum duplici modo consipi potest ille focus, nimirum 1º. In cavo ventriculi & intestinorum; 2º. In organis secretoriis ad ea cava respicientibus.

Et 1°. Quidem in ventriculi cavo & intestinorum certum est remanere aliquandiù velut sopitos succos viscosos qualitatibus pravis præditos, sive sint pravarum digestionum præcedentium reliquiæ sive glutinosior portio fluidorum digestivorum pravorum effusorum ac parietibus horum cavorum adhærescens. 2°. Fluida digestiva quævis in propriis colis ob viscositatem inassuetam quoad portionem aliquandiù retineri possunt, & ob moram conceptam velut corrumpi, pravaque induere qualitates. Jàm verò quandiù memorati pravi succi tum in prædictis cavis tum in organis secretoriis immorabuntur, palàm fit sanguinem ab his nihil passurum nullamque excitandam fore febrem & tunc adest intermissio, quæ tandiù durabit quandiù infumendum erit tempus ut ex corruptelâ datæ energię illi pravi succi spissi ac tenaces solvantur, eamque adipiscantur fluxilitatem ex quâ facti obsequiosi, qui jàm erant in cavo ventriculi & intestinorum ad lacteas subeundas duci possint, qui autem erant in organis secretoriis in cava prædicta per vasa excretoria dimitti

possint & pariter duci ad lacteas , tunc autem finitur intermissio , cùm enim li pravi succi per vias chyli in sanguinis oceanum fuere ducti , tunc materia febrilis sanguinem inquinare incipit febremque exitare , & tunc incipit accessio per frigus in vario gradu juxta genium materiæ febrilis , hinc sequitur pyrexia , quæ durat quousque eâ materia febrilis vi febrilis æstus fuerit soluta ac evacuata aut immutata. Cùm autem materia febrilis sanguini continuo non suppedietur ut in Febris continuis , ideo dissipata in sanguine materia febrili , quæ accesserat , aut correctâ cessat Febris , & tunc finita est accessio. Cùm autem tempore tum pyrexiae tum intermissionis pravae fiant digestiones ex quibus præparantur pravi succi , subque finem pyrexiae materiæ febrilis vi febrilis æstus attenuatae portio in ventriculi & aliorum organorum digestionis inservientium ductus secretorios ablegetur , eos ob aliquam spissitudinem quâ adhuc prædita est velut infarciat & obstruat , in eisque , ut antea dictum est , determinato tempore moretur in novâ illâ intermissione , præ-

paratur intrà certum tempus nova materia febrilis novusque commeatus pro excitando alio accessu febrili , & ità deinceps.

Ex quibus omnibus consequitur non semper in sanguine præsentem futuram materiam febrilem , eam produci intrà datum tempus in primis viis , præparari , tùm deinceps in sanguinem influere more fontium intercalarium. Quare satis patet theoria Febris intermittens in genere.

Jam verò ut determinata videmus tempora in quamplurimis operationibus naturæ , ut ad musti in vinum mutationem , ad fructuum maturitatem , aliaque opera similia ; quid mirum quod in cumulanda præparandaque in foco prædicto materia febrili ad novam accessionem excitandam determinatum insumatur tempus , tuncque intermittens Febris constituatur periodica. Cùm autem non ejusdem generis sit in omnibus ægris ea materia febrilis , in nonnullis nimirum spissior sit in aliis minùs spissa & in vario gradu , tùm in nonnullis ea materia particulis activis quæ spissum solvant magis referta , in aliis minùs , patet

diversas fore intermittantium periodos, adeoque poni earum varias species in capite hujus tractatûs. 2°. Delineatas, cùm plus requiratur temporis quò materia febrilis spissior vel etiam particulis activis minùs referta cumuletur in foco præparetur indeque migret in sanguinem, minùs verò temporis spatium cùm ea materia non adeò spissa existit, vel particulis activis & solventibus magis dives; tùm & semper determinatum tempus necessarium sit pro his omnibus peragendis cùm materia febrilis in determinatâ progeneratur spissitudine, & in datâ particularum activarum solventium proportionem. Cum autem materia hæc febrilis eodem tenore non cumuletur in foco nec præparatur ob rationes infra tradendas in capite de Febre intermittente erratica, patet neque idem tempus infumendum fore pro intermissione neque pro accessu, & tunc constituetur intermittens erratica.

Quæ verò ad symptomatum Febrium intermittantium explicationem spectant, ea sanè, cùm in capite 5°. de Febre putridâ explicata fuerint, hîc non repetemus; in eo namque capite

satis differuimus de frigore febrili
 ejusque variis gradibus ; causis , symp-
 tomatis , anomaliis item de pyrexia
 ejusque causis & symptomatis , tum
 Febris cessione ; quæ omnia similiter
 eveniunt in accessione febrili ac in fe-
 bre putridâ ejusve exacerbationibus.
 In eodem capite explicatæ quoque fue-
 runt turbæ , quæ ingruente febre pu-
 trida ejusve exacerbatione in primis
 viis excitantur , quæ turbæ similes ex-
 citantur in ingressu accessionis eas-
 denque agnoscunt causas. Moneo ta-
 men in intermittentibus eas multò
 magis , quàm à Medicis vulgò fit ,
 colatorii stomachalis infarctui ac re-
 pletioni à materiâ febrili ad ultimum
 cumulata imputandas esse , ex quâ af-
 fectione subsequitur sanguinis tran-
 situs difficilior in membranâ ventri-
 culi nerveâ , hujus proindè tensio
 molestia dolor ; ex quibus benè per-
 pensis explicatio earum turbarum di-
 lucidior sit. Idem dicendum de infarc-
 tu in simili circumstantia , hoc est in
 accessionis prodromo , colatorii intes-
 tinalis imò sæpè hepatis , ex quo fre-
 quenter etiam suppeditatur materia
 febrilis intermittentium. Quare his

perpensis evidentior fit solutio plurimum phœnomenon, quæ ad intermittentes spectant. Tandem ex præcedentibus omnibus enucleatis deducitur quoque ratio cur plures Febres continuæ putridæ exacerbent sive periodicè sive erraticè; quam explicationem in capite de Febre putridâ consultò omisi, quòd in eo capite de intermittentibus ea materia aptius tractanda foret.

Causæ intermittentium remotæ eadem sunt ac putridarum. Illud tamen est animadvertendum eas causas vel ratione propriæ actionis vel ratione dispositionum corporis, quod eis causis exponitur, abundantiorē producere materiam febrilem ad putridas excitandas quæ continuò per dies saltem quatuordecim inquinēt sanguinem, secus verò ad intermittentes prouocandas in quibus non adeò copiosa simul producitur materia febrilis licet ejusdem energiæ, quæ tamen intrā datum tempus iterum progeneratur, ut docuimus.

Præter eas causas remotas dantur & alie familiares pro intermittentibus excitandis, ut aer paludosus, cœnoscus,

tèrris effossis inquinatus, aquæ palustres
epotæ, æstas siccior, fructus immaturi.

Ex quibus omnibus ritè perpenſis
patet explicatio, cur ab eiſdem cau-
ſis remotis is in Febrem putridam inci-
dat alter in intermittentem? Cur pu-
trida mutetur interdùm in intermit-
tentem, & è contrà intermittens in
putridam? Cur curatio earum Fe-
brium fermè eadem ſit?

Febres intermittentes facilè cognos-
cuntur modò fuerint obſervatæ duæ
aut plures acceſſiones; in primâ enim
acceſſione cognosci non poſſunt; cum
poſſit eſſe Febris ephemera, cùm eo-
dem modo incipiat Febris putrida
aut Febris maligna; adeoque cùm
ingruit prima acceſſio prudens Medi-
cus ſuæque famæ conſulens nihil
adhuc de naturâ Febris pronunciabit;
ſed expectabit, quæ tamen cunctatio
ægro non officiet cùm ei tamen æquè
certò opitulari poſſit, quæcumque fu-
tura ſit Febris. Cùm itaque affirmari
non poſſit febris intermittens niſi ſal-
tem una intermiſſio in quâ æger à Fe-
bre liber omninò eſſe debet, obſer-
vetur, ideò ſaltem acceſſiones duæ
obſervandæ, quæ cùm obſervatio inſi-
tituta

tituta fuerit , Febris intermittens erit pronuncianda. Quænam autem sit febris ea intermittens , determinabitur cognita tota periodo , quæ includit accessiones duas & intermissionem inter accessionem utramque intermediam. De his autem periodis in capite 2^o. actum fuit , & quænam Febribus intermittens ex periodis illis dati temporis imponerentur nomina declaratum est. Si autem accessiones plures observando nullæ statuantur periodi , Febris intermittens pronuntiabitur erratica.

Febres intermittentes cæteris paribus continuis minùs periculosæ sunt, tum quòd saltem intermissionis tempore corpus non patiatu sed conquiescat ac reficiatur , quod nunquam fit in continuis ; tum quòd intermissionis tempore materiam febrilem directè impugnantia ut emetica , cathartica ; febrifuga tutiùs exhibeantur , quam cum adest Febris aliqua ut in continuis etiamsi remittant , ea enim medicamina sanguinem semper exagitant , qui pacatus est in intermissione , semper autem agitur in continuis. Febres tamen intermittentes

immunes à periculo non existunt ,
 L cum ægri enecti fuerint in accessioni-
 bus , alii nimirum in frigore febrili alii
 in pyrexia. In frigore namque febrili
 sanguis interdum odeò spissatur imò
 coagulatur ut fermè exutus fluiditate
 circulari non possit , iique ægri fri-
 gent admodum ; pulsus exiguissimus
 eis est inæqualis intermittens interca-
 dens , imo interdum nullus ad sen-
 sum & pereunt syncope , adeo mate-
 ria febrilis spissa est aut acida. Is au-
 tem status frigoris febrilis in quo æ-
 gri pereunt est semper algor seu gra-
 dus quartus frigoris febrilis de quo
 egimus in capite 5. In pyrexia excan-
 descit adeò interdum sanguis ut vi
 immani dilatatis sanguiferis pereat æ-
 ger aut apoplexiâ aut suffocatione
 aut inflammatione visceris alicujus
 gravissima. Licet autem interdum in
 intermittentibus affectos summoperè
 ægros videamus , non adeo tamen
 timendum ac in continuis , cum spe
 dissipandæ intrâ poucum tempus ma-
 teriæ febrilis ac finiendæ accessionis
 ducti , vasa difficili sanguinis circula-
 tioni verosimiliter aliquandiù resistere
 posse existimare possimus.

Intermittentium curatio à putridarum curatione non multum abfimilis est. Et 1°. Quidem quod spectat ad diætam, cum incipiunt Febres intermittentes & aliunde corpus vegetum est nec attenuatum æger reducendus est ad diætam tenuem etiam in intermissione, nutrietur itaque iusculis, numquam autem cremoribus, docuit enim experientia farinacea quævis Febres ejusmodi fovere, profectò quia corrumpuntur in stomacho & acescunt aut abeunt in magnâ spissum, undè major materiæ febrilis proveni- tus. Potus erit aut aqua simplex aut aqua cui panis tosti frustum fuerit infusum aut ptisana radicis graminis vel capillorum veneris. Tempore tamen pyrexie cum multum excandescit Febris aut acrimonia nimis evehi- tur potandi ægri aut decocto hordei aut decocto orizæ aut aqua pulli, imò & ptisanis, aut aquæ communi addi poterunt sirupi acidi ut limoniorum, granatorum, de agrestâ, aut guttæ aliquot spiritûs sulfuris aut aquæ temperatæ Basilii Valentini. Verùm acida hæc sive vegetabilia sive mineralia non addentur potui nisi ad gratiam

aciditatem , nec umquàm addentur nisi febrilis æstus ad summum evectus sit perindè ac in Febre ardente , id quod fit ex necessitate nè ex summâ sanguinis rarefactione occumbat æger. Intermiſſionis autem tempore numquàm sic potabitur æger , potus enim ii sanationem difficiliorem efficerent, cùm materia febrilis intermittentium semper spissa sit valdè , sæpeque acida. Cur autem intermiſſionis tempore consulam ægrum ab omni escâ abstinere , est quod utcumque æger nihil tunc pati videatur , interea tamen succi digestivi nunquàm benè se habent quousque æger ab intermittenti Febre penitùs sit liberatus , ità docente experientia , quapropter alimenta etiam in intermiſſione aliquantùm corrumpuntur & sic multiplicatur materia febrilis. Cùm autem intermiſſionis tempore offæ quædam panisve frustra interdum ægro conceduntur , illud fit aut propter vires imbecillas aut quòd tractandæ offerantur intermittentes quæ jàm à notabili tempore affligere ægrum ac debilitaverunt , aut quòd Febris est quarta & longa intermiſſio nimirum duo-

rum dierum aut paulò plus , & sic debilitaretur æger si non nutriretur ; aut illud fit in senibus & infantibus in his enim ætatibus diæta ægrè ferri potest aut propter ægrorum obstinationem. At accessionis tempore esca nulla ægro concedenda perindè ac in Febre putridâ ; imò in primâ accessione à principio ad finem nullum jusculum est sumendum nisi vires sint imbecillæ. In sequentibus accessionebus jusculum sumi solet , nunquam tamen tempore frigoris febrilis nam stomacho molestiam pareret , is enim tunc reus est & perturbatus à materia febrili quæ ab eo fluit in intestina vel interdum partim per vomitum foras ejicitur ; sumitur itaque semel jusculum in pyrexia , aut bis (si diu duret aut vires ægri dejectæ sint) ac deindè cum terminatur accessio iterum sumendum est. Frigoris tempore utcumque æger siciat potus interdiciendus , docuit enim experientia frigus fieri à potu vehementius diutiusque protrahitum deinceps pyrexiam vehementiorem longioremque frigori succedere , quod à potu frigido diluta simulque refrigerata materia febrilis

& abundantior & spissior ad sanguinem affluat qui jam à frigore potius refrigeratus ac densatus fuit. Interea tamen si tolerare sitim æger absolute nequeat concedenda ei identidem aqua pauca sed tepida cum vini rubri paulillo, quæ ad sitim sedandam melius in ore aliquantum voluenda antequam deglutiatur, inde enim præcaventur incommoda ab aquæ frigore inferenda, ulterior scilicet materiæ morbificæ & sanguinis ipsius inspissatio. Verum in pyrexia æger liberater erit potandus ad æstum febrilem compescendum, nec potus calefaciendus, æstate autem aliquantum glacie erit refrigerandus saltem in his regionibus meridionalibus. Et hæc de diætâ in intermittentibus observandâ in genere dicta sufficiant.

Remediis interea opitulandum. Itaque 1°. quod spectat ad frigus febrile si id vehementissimum non extiterit, utcumque pulsus depressus sit debilis ac velut tremulus aut valde correptus modò nullum accedat animi deliquium, nihil erit exhibendum, sed æger in cubili calido reponendus, plurimumque stragulis operiendus,

quibus æger deindè pro labitu expeditur cùm imminui frigus percipiet & accedere calorem. At cùm tantum est frigus febrile ut pulsus vix percipiatur, aut æger summoperè polleat, aut accedat animi deliquium (qui status est albor febrilis) ei incunctanter ferendum auxilium, materia namque febrilis tunc inspissat adeò sanguinem ut sanguinis posset intercepti circulatio. Itaque tunc succurritur per cardiaca promptioris & valide energiæ, ut sunt haustus vini generosi, cui etiam immiscentur cario-phylli aromatici pulverati ad grana sex, octo, duodecim, ut sunt theriaca vetus, confectio alkermes, lili-um paracelsi, castorei tinctura; imò si res urgeat salia volatilia & spiritus volatiles ut viperarum, salis ammoniaci, aut salia volatilia oleosa præscribuntur nè sanguis inspissationi aut coagulationi succumbat. In eo casu applicantur & feliciter scrobiculo cordis epithemata cardiaca, inter quæ præstat crusta panis tosta imbibita vino generoso valdè calido & pulvere cario-phyllorum aromaticorum inperfa. Præstat autem cùm frigus febrile adeò

vehemens sit oleum therebintinæ æthereum ad guttas tres quatuor aut sex haustum in vino, quod repetendum si casus urgeat.

Tempore verò pyrexiae quoniam caput multum dolore consuevit, respiratio autem magna esse solet & interdum difficilis, tandemque inflammationis alicujus internæ metus est, quæ omnia rarefactionis sanguinis nimiae confectaria sunt, ideò in primâ saltem accessione cum æstuat corpus sanguis mittendus è brachio, è pede autem si caput ultrâ modum doleat aut sopor ægrum occupet vel delirium, quin & si æstus invitâ sanguinis missione summus sit præscribenda emulsio cum sirupo aliquo refrigerante ut nymphaeæ vel limoniorum: imò interdum sanguinis missio erit repetenda. Itâ & deinceps in aliis accessionibus sanguis mittetur cum æstus erit nimius aut æger difficilè ducet animam aut sopor eum occupabit vel delirium.

Tum verò inceptâ prima intermissione purgandæ erunt primæ viæ aut emeticâ aut catharticâ aut cathartico-emeticâ potione, prout casus tulerit

quo portio materiei febrilis evacuetur. In secundâ intermissione æger iterum purgabitur sed cathartica potione nisi secunda accessio multum sævierit & caput fuerit in periculo, in eo namque casu accuenda est gravis aliquot tartari stibiati potio cathartica. In tertiâ intermissione cortex peruvianus erit adhibendus ter aut quater exhibendo pro quâque dosi corticis hujus pulverati drachmam aut sesqui drachmam cum paucâ aquâ quæ ad diluendum hunc pulverem requiritur; vel si intermissio brevis sit China China bis tantum exhibebitur sed ad drachmas duas quaque vice. In quartâ intermissione idem circiter fiet. In quintâ intermissione minor hujus corticis quantitas exhibebitur. In sextâ etiam minor nisi sævierit accessio. Postmodum si non redierit accessus intereâ per quatuor aut quinque dies singulis diebus corticis hujus drachmas duas aut saltem drachmam unam exhibere congruum est, quò materiei febrilis pronascendæ reliquum certius immutetur & corrigatur. Si autem necquicquàm exhibito cortice peruviano redeat sexta aut septima ac-

cessio, signum est materiam febrilem abundantioresse, quæ proinde à China China solvi & immutari non possit, quæque eludat ejus efficaciam, tuncque iterum æger erit purgandus deindeque ad peruvianum corticem erit rursus recurrendum per duas aut tres intermissiones. Verùm si incassum ita sumatur China China neque cessent accessus tunc chinæ chinæ usus relinquendus est, & ad alia febrifuga est confugiendum in intermissionibus præscribenda, qualia sunt camæmeli flores præstans febrifugum, chamædis centaury minus, carduus stellatus; quin & præscribetur sequens decoctum tanquam præstans.

REC. Camæmeli inodori manipul. unum, cremor. tartar. drachm. duas bull. per semihoram in aq. font. unc. duodecim. sumat æger calidum illud decoctum inuente frigore febrili.

Loco camæmeli inodori, cum non reperitur, substituo florum camæmeli siccorum (qui semper in officinis Pharmacopolarum prostant) manipulum semissem addendo semper cremoris tartari drachmas duas ut fiat simile decoctum. Hoc vel illud decoctum

est remedium veluti certum ad sistendas Febres intermittentes, prout sæpissimè sum expertus, ita ut altero ex his decoctis primâ vice exhibito pluries viderim cessavisse Febres intermittentes, adeò eis decoctis vis inest pravam hujus materiæ febrilis indolem mutandi; saltem illud remedium cum exhibui secundâ vice & ad majus tertia vix unquam mihi contigit videre accessiones non fuisse fugatas. Illud remedium imminuit frigus febrile, quod citò cessat, succeditque aut calor naturalis sine Febre aut calor parùm adauctus cum paucâ Febre, & cum secunda aut tertiâ vice exhibetur calor frigus fractum subsequens est naturalis nullaque Febris adest, nec redit amplius accessio ulla. Hunc faustum ferè semper observavi successum, at cum præcesserant sanguinis missio purgatio & chinæ chinæ usus aliquis, ex quibus tamen non ablata fuerat Febris, sed semper sæviebat.

Verùm quotiescumque usu chinæ chinæ non delentur intermittentes post dies aliquot, illud remedium utique est deferendum; cum enim diù protrahitur ejus usus & sumitur magnâ

quantitate (ut qui degunt propè nostra stagna agere consueverunt Febribus intermittentibus plurimùm obnoxii) equidem sistuntur tandem accessiones , verùm ex illo usu nimio corticis peruviani succedunt obstructiones viscerum abdominis vix debiles , skirri lienis & hepatis monstrosæ sæpè magnitudinis , à quibus sæpè hydrops , ulcera in tibiis cacoetha , quæ vix unquàm sanantur ; infelices eos eventus in prædictis hominibus ità observavi sæpè ex abusu chinæ chinæ. Quem etiam nimium chinæ chinæ usum improbat Sydenham , quòd pluries ab eo viscerum abdominis obstructiones viderit subsequas.

Cùm autem eveniat pluries (aut quod diæta non fuerit observata , aut quòd hæ Febres non fuerint tractatæ aut quòd neglectis sanguinis missione aut sufficienti purgatione aliâve culpamale fuerint curatæ) Febres intermittentes veterascere , indeque spifficere adeò materiam febrilem ut pronoscantur obstructiones in colatorio venticuli , intestinorum , hepatis , pancreatis aliisve visceribus abdominis , tum & dolores excitentur in articulis

ticulis à lymphæ particulis spiffioribus & malè subactis ; in eo casu instituenda catharsis , quæ etiam pro necessitate repetenda ad liberandas primas vias liberandumque sanguinem à succis particulisque spiffis ; tum deinceps febrifugis præscribendis commiscenda incidentia & aperientia , ità pulveri chinæ chinæ miscetur interdum sal ammoniacum , sal absinthii , tamarisci , cardui benedicti , aut iris florentina , aut crocus martis aperiens ; vel etiam pulveri chinæ chinæ addenda purgantia incidentia ut a garicus , jalappa , scammonium , quò & potentiùs incidatur materia febrilis simulque evacuetur. Ità paratur decoctum febrifugum ut sequitur,

REC. *Corticis peruviani pulverati drach. quatuor , rhabarb. contusi drach. unam & semi , agarici incisi drach. duas , rad. ir-
eos florentin. crassiuscule pulverat. drach. duas & semi , sal ammoniac. sal absinth. & tamarisc. ana drachm. unam , flor. camameli manipul. semi , summit chamædr. & centaurii minor. ana pugill. unum , rad. gentiana drach. tres. simul bull. in aq. font. libr. quatuor per semihoram , deindè relinquuntur in infusione pro usu.*

Hujus decocti sumuntur in inter-

missione uncix quatuor semel aut bis singulis diebus & per plures dies quousque cessent accessus ; deindè verò per aliquot dies sumitur illud decoctum ad uncias tres (semel singulis diebus hora ante pastum medicum) ne reviviscat Febris intermittens. Vel etiam parantur ad Febres intermittentes cum obstructionibus viscerum abdominis conjunctas fugandas opiata febrifugæ aperientes & purgantes. Ità.

REC. Croc. mart aper. mayali rore parati drachm. tres, china china pulverat. drach. duas & semi, flor. camameli pulverat. drach. duas, rh. el. pulverat. drach unam, agaric. trochiscati drachm. unam, & semi, sal ammoniac. drachm. unam sal tamarisc. & absinth. ana scrupul. duos rad. jalapp. & scammon. pulverat, ana drach. unam, cum s. q. sirup. flor. persicor. f. opiata pro decemdosib.

Æger sumet hujus opiatae dosim manè jejuno ventriculo, haurietque horâ elapsâ jusculum cichorio alteratum, continuando per decem dies.

At febrifuga numquàm feliciter succedunt nisi præcesserint missio sanguinis sufficiens, sufficiensque purgatio ; nisi que observetur diæta con-

guens ac diù , eisque observationibus posthabitis infinitas noxas pariunt.

Que de febrifugorum in debellandis Febribus intermittentibus administratione prolata sunt, de genio materiæ earum febrilis nos admonent , cùm ad Febres continuas curandas iis non adeò vel nùlatenus indigeamus ; ea autem medicamina relata , quibus intermittentes ità efficaciter impugnamus incisiva cuncta sunt & attenuantia tùm & acescentibus primarum viarum succis valdè adversa ; ergò in genere materia febrilis intermittantium spissior est & ad acescentiam sæpè vergens continuarum autem fluxilior & sæpiùs bilescens ; Febris intereà in prioribus non durat nisi per tempus accessionis ; quod indicare videtur materiam febrilem in foco prædicto hospitantem non totam in sanguinem influere sed tantùm ejus portionem quæ fluxior facta est , dùm spissior in foco remanet velut immota , quousque alterius subsequæ intermissionis elapso tempore alia portio fluxilis fiat , quæ sanguini suppeditari possit ad aliam accessionem excitandam & sic deinceps. Hinc explicatur cur abortis obstructionibus

in colatoriis in quibus focum intermittendum constituimus Febres hæc adeo obstinate perennent, quia remanet semper materia spissa in colatorio, quæ pro aliâ accessione præparatur; explicatur etiâ cur continua mutetur in intermittentem, cum nimirum liberatur sanguis a materiâ febrili, eaque facta spissior in prædicta colatoria reducitur in quibus statuitur focus; & è contrâ intermittens in continuam, cum nimirum fluxilior fit materia febrilis magisque multiplicatur, sic ut fluat indefinenter è primis viis in sanguinem plus aut minus.

Verum cum Febres putridæ exacerbant, quod sæpè fit, admittendus est focus in primis viis ut in intermittentibus, ita tamen ut sit assiduò præsens materia febrilis in sanguine & è primis viis indefinenter suppeditata, dum temporis determinato intervallo præparatur in foco ulterior ejus comatus, qui sanguini identidem sufficitur. Cumque per frigus evidens aut magnum incipiunt exacerbationes tunc materia febrilis ulterior in foco progenita spissa est ut in intermittentibus, tuncque ad sistendas eas exacerbationes

chinâ chinâ utendum fermè perindè ac ad curandos accessus febriles. Cùm autem sive exacerbationes continuarum sive accessiones intermittantium incipiunt sine frigore sensibili china china nihil eis proficit, imò plerumque nocet ægrumque excalefacit; quòd in his casibus materia febrilis parùm sit spissa ac multùm acris, ut in capite 5^o. docuimus, quam profecto china china efficit activiorem, undè intenditur pyrexia fitque molestior. Quare demonstrante experientia in his casibus à cortice, peruviano abstinendum, ægrique tunc curandi per repetita cathartica diluentia, ut per plures cyathos præscripta aut sub formâ apozematum, quibus apozematis china china interdùm aut febrifugum aliud mite additur vel etiam per apozemata diluentia & febrifuga, aut per infusionem chinæ chinæ ex aquâ fontanâ.



CAPUT DECIMUM TERTIUM.

De Febre Quotidianâ Intermittente.

FEbris hujus negant nonnulli existentiam, ut *Iernelius*, *Platerus*
Z iij

alique, cumquè diebus singulis observatur in ægris accessio, Febrem eam dicunt esse aut duplicem tertianam aut triplicem quartanam, quas Febres definivimus in capite 2^o. Veruntamen utcumque febres, quæ accedunt diebus singulis, ità se habeant sæpiùs, ut sint duplices, tertianæ, febrem tamen quotidianam exquisitam temerariè negant, cùm singulis diebus fermèque horis eisdem febrem accessisse in nonnullis ægris non semel observarim; quæ proindè febris minimè erat duplex tertiana, cùm ex invasionis accessûs horarum diversitate dici non posset primæ diei accessionem respondere accessioni tertiæ diei, & secundæ diei accessionem respondere accessioni quartæ diei, & sic deinceps. Ergò datur reverâ febris quotidiana intermittens licet febribus cæteris intermittentibus rariùs in praxi observetur.

In eâ Febri intermissio brevis est, vixque interdùm observatur, frigus accessionis non vehemens est, & semper observatur aut in primo gradu qui dicitur refrigeratio, aut in secundo qui dicitur horror sed rariùs (de quibus videatur cap. 5.) vomitus tunc

Si quis incidit pituitosus est, incipiente accessione quibusdam accedit animi deliquium, saltem pulsus inordinatus est, & magis quàm in aliis intermittentibus inæqualis itemque tardus parvus & debilis, prætereà vix fitit æger. Pyrexia respondet frigori febrili; nimirum non est vehemens nec ratione pulsus qui non est admodum frequens nec multum plenus, nec ratione caloris, qui non est vehemens nec acer, quippe observatur humidus; attamen vigente accessione fit aliquantulum acer & mordax & sæpius inæqualis hoc est nunc intensior nunc remissior; ipsa accessio ut plurimum est octodecim horarum & paucosudore finitur. Prætereà in eâ febre totum corpus hebescit & grave redditur, ventriculus laborat, vomitu accedente rejicitur materia pituitosa, alvus liquida pituitosaque est, ad somnum magna est propensio, sitis vix ulla, totus morbus sat diù durat resistitque remediis.

Causa hujus febris est materia febrilis (Hospitans in foco determinato in capite de febre intermittente in genere) parum spissa parumque acris, unà cum constitutione sanguinis de-

bili, hoc est qui particulis activis inops est, cujusque organorum vires trusiles non vegetæ sunt.

Itaque cum parum spissa sit ea materia febrilis, non multum requiritur temporis ut congeratur, solvatur, tum sanguini accedat, unde brevis erit intermissio, & accessus singulis redibit diebus. 2°. Ab eâ non multum sanguis inspissabitur, unde frigus febrile aut in primo aut ad majus in secundo gradu. Interea frigoris hujus tempore nonnullis ejusmodi ægris accedet animi deliquium, quod non tam vi materiæ febrilis inspissanti erit imputandum, quam cardialgiis subortis aut sanguinis constitutioni, quæ in eâ febre parum vivida & activa esse consuevit, (hanc vocarunt antiqui pituitosam) quâ quippe fit ut à materia febrili parum spissante motus cordis jam parum vegetus in langorem facillimè cedat sive ob oblatam ei à sanguine inspissato resistantiam quamquam levem sive ob fluidum nerveum factum languidius. Hinc etiam explicatur pulsus debilitas tarditas ac inæqualitas in ejus febris frigore. 3°. Cum parum acris sit materia febrilis, san-

guis non multum agitabitur, tantò magis quò jam ipse motu agitativo parum vegeto erat præditus, & organa sanguinea parum robusta sunt, undè pyrexia non erit vehemens, & pulsus non erit valdè citatus nec valdè plenus. 4°. Cùm sanguis non sit multum agitato neque valdè æstuosus calor non erit in magno gradu, nec halitus emissi è cute admodum attenuati erunt citòque dissipati, undè cutis non erit arida & sicca, sed ab eis halitibus aliquantum madida, undè calor percipietur tangenti cutem humidus, nec caloris percipietur acrimonia nisi postquam pyrexia ad vigorem pervenerit, tunc animæ cutis humiditas à calore adaucto dissipabitur, halitusque nonnulli acres ac tenues manabunt è sanguine, quibus cutis afficietur. 5°. Cùm agitatio sanguinis non fuerit vehemens, hinc nec sudoris multum finiente accessione manabit. 6°. Et utcumque materia febrilis parum spissa sit, cùm sanguinis organorumque sanguineorum vires non magnæ existant, ea lentè atteretur quocircà protrahetur satis accessio. 7°. Cùm parum vigeant organorum sanguineorum vires, partesque

activæ in ejusmodi ægrorum sanguine partiori copiâ præsentēs sint , non tantum sanguis difficilè meabit fibras carneas , sed & ipsæmet parum tensæ parumque elasticæ erunt , undè debiles erunt muscoli , debiles erunt omnes actiones , hebescetque totum corpus. 8°. Cùm non tantum ventriculi colatorium , sed & intestinales glandulæ ob constitutionem sanguinis pituitosam in eis ægris materia spissâ ac ferosâ scateant , dejectiones erunt fluidæ , undè alvus erit nimis libera & pituitosa , hoc est mucositates frequenter deicientur. 9°. Cùm in prædictâ ægri constitutione particulæ activæ in sanguine pauxiores sint , fluidum nerveum aut parvâ quantitate aut spissum & ferosum secerneretur , quo non multum tendentur substantia alba cerebri & sensuum externorum organa , hinc ad somnum proclivitas. 10°. Cùm ferosus sit sanguis nec ob prædictum cerebri statum succique nervei inertiam vegetè tendantur nervi , nec fauces exsiccabuntur nec villi earum nervei multum tendentur , undè in accessu vivida & molesta non suscitabitur ea sensatio , quæ ad sitiendum

determinat. 11^o; Cum succi digestivi in eo morbo parum activi sint, emendabuntur difficile digestionem, chylusque crassus & parum activus ab eis fat obstinate producet; præterea cum sanguinis actio parum sit vegeta, utcumque per accessionem atteratur materia febrilis, plurimum remanebit in sanguine particularum spissarum ac velut crudarum, quæ deriventur assidue in stomachi colatorium cæteraque colatoria digestiva ad perennandam materiam febrilem, quibus omnibus de causis fiet, ut ea febris satis obstinata sit, diuque resistat remediis.

Causæ remotæ aut antecedentes febris hujus sunt temperamentum pituitosum; vita quieta otiosa somnolenta; somnus mox à cibo; alimenta parum sapida & difficilis digestionis; alimenta frigida & humida abundanter sumpta; victus plenior; refrigerantium medicaminum usus; stomachi imbecillitas diuturna per cibi fastidium, ructus, & cruditates habituales demonstrata; ætas senilis ob debilitatem actionis digestivæ; puerilis propter voracitatem actionisque ventriculi ad digerendam tantam as-

sumtorum molemin sufficientiam; sexus
fœmineus; hyemalis tempestas; aër
nubilus; abundans saliva in ore & in-
sipida. Ex quibus sanè facilè patet, qui
pronascat prædicta sanguinis consti-
tutio & tradita materia febrilis, quæ
febrem quotidianam excitant.

Febris quotidiana ex typo suo &
præfatis in ejus descriptione sympto-
matis facilè cognoscitur. Interim in
eâ affirmandâ cautus esse debet medi-
cus, cùm quotidiana febris exquisita
& jàm descripta haud frequenter ob-
servetur, febrisque singulis diebus
accedens sæpiùs sit duplex tertiana &
interdùm sed rariùs triplex quartana,
quocircà accuratè observandæ sunt in-
vasionis horæ singulis diebus quò verus
detegatur typus febris cujusque diebus
singulis invadentis, de quibus typis
egimus in Cap. 2º.

Causæ ejus remotæ ex traditâ jàm
earum expositione satis clarè cognos-
centur, nec aliis signis indigent.

Præter autem quotidianam exqui-
sitam de quâ egi, datur etiam quo-
tidiana notha, in quâ nonnulla ad-
sunt ex traditis symptomatis exqui-
sitæ, desunt nonnulla, aliave quæ-
dam

dam observantur, ut cùm sitis adest, quando nimirum falsedo materiei febrili pituitosæ conjuncta est, vel rigor quando aciditas ei complicata est ex quâ sanguis subitò & valdè inspissatur.

Febris hæc non est cum magno periculo proximè imminente, ab eâ siquidem non metuendæ multum inflammationes viscerum quòd parum activus sit sanguis vasaque non multum tensa sint ac vegeta; tædiosa tamen sit & difficilis est sublata, quòd prædicta sanguinis constitutio à qua fovetur, quæque, videtur cachectica, non emendetur facilè, nec digestionibus debiles, quæ à tempore antè invasionem morbi notabili subsistunt, facilè corrigantur; cùm insuper ob intermissionum brevitatem (sunt enim sex circiter horarum & interdum breviores, imò interdum breves adeò ut vix dignoscantur, eaque febris sedulò non observantibus tunc imponat pro continua) non satis superat temporis ad mediorem efficaciam experiendam; undè febris hæc sæpè durat per dies quadraginta, per tres menses, & ultrà, accersitque sæpè aut cachexiam, aut hydropem, aut carum,

eoque respectu sit morbus periculosus.

Quod verò ad febris quotidianæ curationem spectat, nè, quæ jam de curatione intermittentium attulimus, repetam annotabo tantum. 1º. Sanguinis missionem in eâ non admodum indicari, quare sanguinem semel fuisse missum videlicet in pyrexia primæ accessionis, aut alterius (si medicus morbo incepto fuerit advocatus) sæpè sufficiet. 2º. Purgationem valdè indicari, ideò quantocyus in intermissione, & quidem ineunte, ob ejus brevitatem instituenda erit. Quamobrem cum materia in stomacho turgeat ferè semper in ea febre purgandus erit ægèr pro-
tinùs per superiora, adhibito nimirum tartaro stibiato, aut, quod præstantius est in eo casu, Ipecacuanha: quæ radix præter vomitum materiæ pituitosæ quem apprimè ciet, in recessu colatorium stomachi roborat, meliùsque incidit materiam pituitosam in eo hospitantem eamque immutat docente experienciâ. Cum ità æger per superiora purgatus fuerit, cathartico purgabitur (semper autem ineunte intermissione imò interdum sub finem accessionis quandò intermissio

brevissima est) sub forma potionis paratæ ex fenna , rhabarbaro , tartaro solubili , aut sale absinthii vel tamarisci , scobe santali citrini , manna aut sirupo florum persicorum , aut rosato solutivo & similibus , potionis autem unicus erit cyathus. Et catharticum in alia imò in tertia intermissione erit repetendum. Ità.

REC. Senn. mundat. drach. duas , rh. el. contusi scrupul. duos , tartar. solubil. drach. unam. inf. in f. q. aq. font. ad unc. sex , in quibus dissol. mann. calabr. unc. duas , cola. f. p. sumend. hora congruâ.

Vel , si sanguinis constitutio vergat ad Cachecticam , suspiceturvè stomachus minus actuosus , & aliquantum hebes.

REC. Senn. mundat. drach. unam & semi , vel drach. duas , rh. el. contusi & scobis santal. citrini ana drach. unam , sal. vegetabil. scrupul. duos , inf. in f. q. aq. font. & in colatur. unc. sex dissol. mann. Calabr. unc. unam & semiss. cola iterum & dilue sirup. flor. persicor. unc. unam , f. p.


Vel , si constitutio sanguinis manifestè sit Cachectica , stomachus autem videatur sensu obtuso præditus , & materiebus pituitosis onustus.

*Rec. Senn. mundat. drach. duas ,
rh. el. contusi & scobis santal. citrin. ana
drach. unam , sal. absinth. vel sal. tamarisc.
scrupul. unum summitat. chamadrios
pugill. unum , inf. in s. q. aq. font. & in
colatur. unc. sex dissol. mann. Calabre.
unc. unam & semi , & dilue sirup. rosar.
Solutivi unc. unam vel adde aq. novem in-
fusion. rosar. pallidar. unc. unam , f. p.*

Valent multum in eâ febre , cum
est obstinata , simulque æger robustis
visceribus præditus est , & vergit ad
cachexiam , agaricus , mecoacanna ,
turpethum ; tum & quoque electua-
rium diacharthami , caryocostinum ,
diaphænicum , electuarium indum ,
extractum panchymagogum pilulæ de
agarico , pilulæ de hiera cum agari-
co , trochisci alhandal ; imò & Ker-
mes mineralis. Quæ quidem purgan-
tia juxta Medici prudentiam erunt eli-
genda , justâque dozi præscribenda.
3°. Notandum expurgato satis ægro
ad febrifuga esse tanseundum. Cum-
que intermissio brevis sit Kina Kina
bis tantum in eâ exhibebitur sed quâ-
que vice dosi majore , ut res compen-
setur , quare dosis hujus pulveris tunc
erit drachmæ unius & semi aut drach-
marum duarum imò primæ dosi op-

timum erit nunc addere rhabarbari pulverati drachmam semissem, nunc falis ammoniaci grana decem, vel grana octo falis absinthii aut falis tamarisci, vel grana quatuor aut sex falis tartari. At si prædictis febrifugis morbus non cedat, præscribenda erit opiata sequens, ut optimum remedium.

Rec. Conservar. enul. campan. & flor. antos ana drach. quatuor, sal. ammonia. & absint. ana drach. unam & semiss. milleped. præparat. drach. duas, china pulverat. drach. tres, cass. ligni. rad. irid. florent. & agaric. trochiscari ana scrupul. quatuor, flor. camemeli pulverat. drach. duas. Cum s. q. sirup. de absint. f. opiata pro usu, cujus dosi drachma dua in intermissione per plures exhibenda dies. Circà reliqua videatur curatio generalis Februm intermittentium.



CAPUT

DECIMUM QUARTUM.

De Febre Tertianâ Intermittente.

Febri hæc inter intermittentes frequens sanè observatur, & dis-

tingui solet in exquisitam seu legitimam, notham, & extensam. Cum exquisita est incipit accessio per rigorem cui sensus punctionis in variis corporis partibus sæpè adjunctus est, sub finem rigoris vomitus interdum supervenit biliosus; in principio accessionis pulsus parvus est & contractus, rigor statim ac cessat pulsus fit mox celer & validus nec multum inæqualis; pyrexia tùm succedit cum pulsu amplo & valido, calore acri & intenso deurente velut in febre ardenti, cujus æger impatiens se denudare satagit, sudores citò accedunt in pyrexia, quæ tandem finitur per sudorem copiosum. Prætereà in pyrexia tertianæ exquisitæ caput valdè dolet, accedit sæpè delirium, respiratio fit magna & difficilis, sitis divexat ut & in rigore, urina sæpè flammea est aut flava, fit interdum vomitus biliosus sed rariùs quàm sub finem rigoris, venter solvitur & dejicitur materia biliosa. Pluribus eà febre laborantibus post primam au secundam accessionem supervenit Icterus. Vigiliæ oris amaritudo & siccitas sunt etiam hujus febris symptomata frequentia. Accessio tertianæ exquisitæ ultra horas duodecim non

extenditur, nonnunquam novem & septem horis & citius terminatur. Totus morbus septimo circuitu solvi solet & interdum tertio aut alio antè septimum circuitum; undè tertiana exquisita diuturna non est & sapit naturam morbi acuti, cum magnis ac vehementibus symptomatis stipata decimo quarto die aut antea terminari soleat. Cum accessio ultra horas duodecim extenditur, ea febris nuncupatur *tertiana extensa*; cujus accessiones per viginti quatuor horas sæpè durant, imò & ultra extenduntur.

Accidunt tertianæ frequenter ætate & in regione aut constitutione cœli calidâ, ætate juvenili, eosque potius invadunt qui temperamento bilioso præditi sunt, aut qui corpus exercent, quàm qui pituitoso aut qui vitam degunt quietam & otiosam, sicut & eos qui diù vigilant aut inediam patiuntur.

Tertianæ nothæ accessiones incipere solent cum frigefactione, rariùs cum rigore, calor succedens non adeò vehemens est, neque confestim per totum corpus diffunditur, non copioso sudore solvitur accessio sed halitibus

In quibusdam humidis, seu madore, urina in pyrexia non est adeò ignea, pulsus est durus, accessiones longiores esse solent quàm in exquisita tertiana, morbusque totus diuturnior est. Tertiana notha licet juvenes potissimùm invadat, eos tamen non afficit temperamento bilioso præditos, sed qui inordinatâ diæta utuntur.

Causa tertianæ exquisitæ est materia febrilis in foco hospitans valdè spissa, quæ in sinu suo gerit abundanter particulas duras plurimùmque activas, ac velut naturæ biliosæ materiei spissæ ac valdè acris; unà cum constitutione sanguinis spissi per siccitatem & aliqua acrimonia præditi sed vegeti & in organis sanguineis robustis circulantis.

Itaque 1^o. accedente è primis viis in sanguinem eâ materia febrili, is valdè & subitò inspissabitur eò magis quo jam siccus est & spissus; undè magna inferetur cordi resistentia, quare pulsus parvus erit tunc & contractus seu depressus; cumque in eâ tantâ inspissatione motus agitativus sanguinis admodum sit imminutus, frigus magnum occupabit corpus, cum

autem vires cordis cæteroquin sint hominis robusti, ex valdè nitentur in ejusmodi sanguinem, qui velut per fila infinita in arteriarum minimarum curvaturas & inflexiones urgebitur, undè rigor (prout in capito 5°. explicatum est) ex eisdem impulsibus validis excitabuntur etiam inflexiones tensivæ in eisdem arteriolarum curvaturis, undè punctionis sensus in tali rigore per varias corporis partes dispersus. 2°. Cùm eodem tempore materia febrilis in foco fluxilior facta in ventriculi cavum indefinenter cructetur, nec eâ proportionè in intestina amandetur quâ à ventriculi ductibus excretoriis depluit (nimirum ob viscositatem) portio ejus in ventriculi cavo cumulabitur, cùm autem ob moram aliquam in eo corrumpatur facilè utpote particulis acris & activis dives acrimoniâ ab spisso citò se expediente, ea materia facta valdè acris membranam ventriculi nerveam valdè laceffet, undè vomitus & ejus præcursoria Cardialgiæ, nausæ, animi interdum deliquia. Hæc ergo per vomitum rejicietur (& quidem sub finem rigoris utpote tunc

tandem satis cumulata) & uti est nimirum sub specie materie spissæ flavæ aut viridescens, ut plurimum amaræ, & interdum in quâ dominatur acescentia mixta amarori, interdum in quâ indiscriminatum æger percipit simul & acescentiam & amarorem; quæ quidem materiæ vomitu rejectæ bilis nomen vulgò accipiunt ob similitudinem cum bile, licet nunquam ab hepate aut vesica fellea processerint, nec billis hepatica aut vesicæ felleæ acida unquam ab aliquo fide digno deprehensa fuerit per gustum. 3°. Cum ea materia febrilis particulis duris & activis plurimum facta sit, eæ per circulationes sanguinis rigoris tempore repetitas difficiles utcumque & laboriosas cumque villorum nerveorum aliorumque contractilium tensione magnâ & irregulari successione peractas soluto aliâ quantum viscoso abundanter protinus expedientur, citòque sanguis agitur & rarescet; undè pulsus è debili & contracto citò fiet celer & validus, imò æqualis, quòd acris portio materiæ febrilis vividè agens sanguinis spissitudinem ubique tollat,

tuncque adest pyrexiae initium. Verum cum exsoluta semel è viscosa portio ea acris sanguinem vehementer commoveat & in magnam rarefactionem concitet, de cætero organa sanguinea robusta sint, succedet pulsus amplus & validus (& tunc adest augmentum & status pyrexiae) cum calore accenso & acri & aliis confectariis dolore capitis magno, vigilia, interdum delirio, oris siccitate, siti, respiratione magnâ & difficili, urina flammea aut flava, ut cum de febre ardente agebamus explicatum fuit. In eâ autem excandescencia febrili aliquid materiæ febrilis in ventriculi cavo relictum cum solvatur acriusque exindè fiat, insimul cum ventriculi tunicæ incalescant tendantur fiantque sensûs exquisitioris, tunica ejus nervea eò usque irritabitur, ut producatür vomitus tempore pyrexiae materiei bilescantis huic feбри familiaris; qui tamen non accidit nisi cum materiei hujus febrilis portio spissior in ventriculo post rigorem remansit. Pariter ea materia bilescens in ventriculo & intestinis partim relictâ ob similes rationes mittitur per alvum vi-

gente pirexiâ interdùm. Sive autem quod materia ea bilescens è sanguine secreta salivam inquinet , sive quòd è ventriculo eleventur per *Æsophagum* vapores bilescentes , os amarescet. 4^o. Cùm materiei hujus febrilis portio acris in orgasmo febrili sanguinem plurimùm solvat , multùm expeditur feri lixiviosi tenuis ; cùmque ab agitatione sanguinis & impetuoso motu progressivo aperiantur multùm cutis pori organumque secretorium , hinc citò prolicietur sudor in pyrexia , qui factus tandem copiosus accessionem solvet , attenuatâ nimirùm vividè materia febrili ac per cutem cum fero lixivioso sub forma sudoris dissipatâ. 5^o. Icterus , qui post primam aut secundam accessionem nonnumquàm supervenit , bili per excandescentiâ febrilem exsiccatae & factae spissiori , quæ colatorium hepatis deinceps obstruat alteriusque è sanguine secretionem impediat , quâ sanguis consequenter abundet minùs cum nonnullis imputandus , quàm materierum bilescantium abundantiae in ventriculo , ut diximus , pro genitarum quibus sanguis inficitur ubertim in accessione producendâ ; à motu enim

enim febrili ea materia bilefcens equidem in accessione corrigitur & attenuatur, imò per sudores partim dissipatur, ità ut deindè sanguis per capillaria vasa ubiquè liberè fluat, cessetque accessio intermissione accedente; verum in intermissione remanet interdum plurimum hujus inquinamenti, quo sanguinis serum tingitur colore croceo undè Icterus. Præterquam quòd enim bilis in sanguine formaliter non est (ut satis in physiologia evihimus) hepar post primam aut secundam tertianæ accessionem obstrui gratis affirmatur, cum alioquin per tactum viscus illud infarciri non percipiamus saltem post primam aut secundam accessionem. Et icterus mox à morfu viperæ aut ex violento animi pathemate per corpus diffusus arguit ne hepar intrà paucum adeò tempus fuisse obstructum, & eò usque ut bilis abundans in sanguine regurgitet ? Prætereà in febre ardente in quâ seri multum dissipatur, non videmus hepar à bile obstrui, nec Icterum succedere adeò consuevisse ut in tertianâ intermittente. 6º. Cum ea materia febrilis plurimum actiuosa sit, robustaque existant orga-

na sanguinea , ut in juvenibus , ideò non multùm infumitur temporis in attenuanda dissipandaque materia febrili , ideò non diù durat accessio , quæ ut vehemens est ità & non diù protrahitur , nec ultrâ horas duodecim extenditur , & interdùm intrâ horas septem vel octo terminatur. Eamdem operationem totus morbus brevi terminatur, nec unquàm est chronicus, ut sæpè sunt aliæ febres intermittentes ; nam tertianæ exquisitæ materia febrilis , licet spissa , gerit in se acrimoniam solventem , undè colatoria digestiva non infarciuntur inertì succo & resisteret diù , sed succo morbofo , qui fluxilitatem in suâ totalitate facilè recuperare potest , sic ut intrâ non longum tempus colatoria ab eo penitùs expellantur ac liberentur , cessetque morbus. Cùm autem evenit tertianæ accessiones ultrâ horas duodecim ac diù durare , febremque exinde dici tertianam extensam ; illud fit aut quòd materia febrilis uberrima est , aut quòd spissior , aut quòd ea febris est in corpore parùm robusto. Et cùm febris tertiana plusquàm septies accedit , & diù durat resistique remediis ea no-

tha semper est, cujus sanè materia febrilis particulis activis minùs est referta, nec est in corpore bilioso aut robusto ut tertiana exquisita. Propterea tertianæ nothæ materia febrilis non adeò meabilis est, neque ab eâ liberantur citò ac penitùs colatoria digestiva, morbusque durat diutiùs.

Tertianæ exquisitæ causæ remotæ eædem sunt ac intermittentium in capite 12^o. relatæ sed agentes in corpore juvenili, & bilioso, in cæli constitutione calidâ æstate potissimum, in corporibus exercitiis magnis deditis aut inediam passis, aut vigiliâ vino liquoribus ardentibus vel aromatibus ex calefactis, in his namque casibus pronascitur materia febrilis bilescens superiùs exposita unà cum sanguine sicco acri robusto facilè excandescente, quæ quidem febrem tertianam exquisitam producant, ut patet ex præfatis, ut & extensam.

Causæ remotæ tertianæ nothæ sunt etiam causæ generales intermittentium, sed quæ non agunt in memoratis corporibus nec in jam expositis circumstantiis aut conditionibus.

Tertiana exquisita, extensa, & no-

tha typum eundem habent , alternis namque diebus hora determinatâ invadunt ; tùm signa earum febrium in earum descriptione tradita sunt , quare ex his omnibus cognoscentur & distinguuntur ab aliâ quâcumque.

Tertiana exquisita cæteris intermittentibus in genere minùs periculosa est , minùsque affert tædii in sui sanatione. Non tamen periculo vacat , præterquàm enim quòd in rigore animi deliquio æger occumbere potest sive ob cardialgiam vehementem sive ob copiam materię febrilis sanguinem ultrà modum inspissantem cum algore seu quarto frigoris febrilis gradu subsequente , tanta discusso rigore supervenit nonnumquàm sanguinis rarefactio , ut inflammantur aut cerebrum aut pulmones aut alia viscera , undè perit æger aut sopore aut suffocatione , aut animi deliquio, aut inflammationi succedente suppuratione visceris alicujus. Tertiana extensa cæteris paribus priori est periculosior ob durationem accessionis , intermissionisque brevitatem.

Tertiana notha periculum affert juxtà naturam symptomatum quibus

stipatur & circumstantias alias febris intermittentibus communes ; difficiliùs tollitur exquisitâ , plusque tædii affert in sui curatione.

Præter ea quæ in curatione generali intermittentium attulimus , animadvertendum 1^o. in rigore tertianæ exquisitæ ægros à potu , utcumque sitiant , abstinere debere secus rigor vehementior fit & diuturnior , tùm succedit pyrexia vehementissima & cum majori periculo ; cùm tamen sitim minimè ferre possunt , ii ægri potandi parumper sed aqua tepidâ vel calidâ , vel aquam tepidam in ore voluere tantùm debent. At in pyrexia liberaliter erunt potandi ac eodem modo eisdemque liquoribus , quos in capite de febre ardenti præscripsimus , metuenda namque impenfa sanguinis rarefactio. 2^o. In pyrexia non omittenda erit sanguinis missio sive è brachio sive è pede juxtâ symptomata , imò in altera aut etiam tertiâ pyrexia ut plurimùm iterari solet. In tertiana notha missioui sanguinis non adeò indulgendum ac in legitimâ , nisi symptoma aliquod eam repeti pluries exigat. In tertiana extensa san-

guis in pyrexia eadem interdum bis mittendus. Imò cum æger juvenis est robustus & pletoricus mittitur sanguis in intermissione , ut deinceps accedente paroxysmo non adeò dive-xetur. 3°. Purgantia quibus utendum erit in tertiana exquisita sunt potissimum tamarindi, senna, rhabarbarum, manna , flores persicorum, syrupus de cichorio compositus ; abstinendum autem à phlegmagogis & hydragogis , quare non adhibebuntur agaricus, jalappa ; & similia , ea namque nimis irritant , tum materia nimis peccat acrimonia & satis obsequiosa est purgantibus. In nonnullis tamen potio purgans acuetur granis duobus aut tribus tartari stibiati , vel etiam præscribetur Ipecacuanha , præsertim quibus rigor magnus in accessionis principio advenit , quique de cætero robusti sunt , nec in eis quicquam emetico contradicit ; tunc enim materia febrilis valdè spissa est aut abundans , unde potentioris medicaminis exigit promptam efficaciam ; secus vim cathartici mediocris elusâ actione , altera succedere posset accessio , quæ five ratione rigoris vehementis vel

succedentis pyrexiae intensae ægrum in periculum conjicere posset. Ubi notandum ægros ejusmodi sub potionis forma semper esse purgandos, imò vehiculo abundanti adhibito eoque sæpè potionis purgantis cyathos duos esse præscribendos; quarum potionum varias formulas in prægressis capitibus satis tradidimus, ut eas hîc repetere minimè necessum judicemus. Intertiana verò notha fortius est purgandum, undè præter prædicta adhiberi etiam poterunt potentiora purgantia & præsertim Agaricus, imò tartarum emeticum addetur audaciùs potioni purganti. 4°. In tertiana exquisitâ febrifuga vehementia, valdè calefacientia, apperitiva, non præscribentur sed mediocria, ut præsertim cortex peruvianus & flores camæmeli, imò hæc interdum præscribentur in infusione imprimis in corporibus siccis aut queis æstuabunt abdominis viscera aut pulmones aut viæ urinariæ, quin & temperabuntur nonnumquàm aut aqua pulli galinacei aut ejus jusculo aut emulsione, aut melle Narbonensi, aut sirupo capillorum veneris. Vitabuntur autem

agaricus , radix ireos florentinæ ,
 lia febrifuga , centaurium minus , ra-
 dix gentianæ , & similia. Itaque.

REC. Cortic. peruvian. pulverat. drach.
 unam , dilue in aq. font. unc. duab. f.
 haustus , quater aut quinquies in inter-
 missione repetendus , relicto quatuor circiter
 horarum inter illos haustus intervallo.

At si rigor accessionis extiterit vehe-
 mens.

REC. Cortic. peruvian. pulverat. drach.
 unam , flor. camæmeli pulverat. scrupul.
 unum , dilue in aq. font. unc. duab. f.
 haustus quater aut quinquies in intermissio-
 ne similiter iterandus.

Si autem incassum adhibito eo ulti-
 mo remedio , accessio iterum redierit
 cum intenso rigore , tunc ad catharti-
 cum adhuc confugiendum , & in inter-
 missine sequenti remedium sequens usur-
 pabitur.

REC. Flor. camæmeli pulverat. drach.
 unam , cum aq. font. unc. duab. f. haustus
 ter aut quater in intermissione exhibendus.

At si metuantur æstus & acrimonia
 à febrifugo inferenda , ut in jam
 memoratis casibus corporum sicco-
 rum , viscerum abdominis calidorum
 pulmonum debilium , aut viarum
 urinarum irritatarum vel excale-
 factarum.

REC. Cortic. peruvian. pulverat. drach. tres aut quatuor bull. per hora quadrantem in aq. font. libr. una & semisse, dein inf. frigide per horas sex aut duodecim f. infusum pro tribus aut quatuor dosib. in intermissione sumendis, relicto inter eas quatuor aut quinque horarum intervallo.

Vel, si temperanda magis adhuc febrifugi activitas loco aquæ fontanæ usurpabitur aqua pulli junioris ut similis paretur infusio.

Vel, si adhuc magis edulcorandum febrifugum.

REC. Pullum gallinaceum exenteratum, cortic. peruviani pulverat. drach. unam aut drach. duas bull. per horas tres cum f. q. aq. font. f. jusculum in intermissione sumendum, quod in eadem intermissione iterari potest.

Verum ea formula rarò locum habet.

Vel etiam, cum temperanda est corticis peruviani acrimonia sequens parabitur mixtura quæ sæpius feliciter cessit.

REC. Cortic. peruvian. drach. tres, mellis Narbonensis unc. duas. f. opiata in tres doses divid. quæ in intermissione exhibebuntur. Vel.

REC. Cortic. peruvian. pulver. drach. tres aut quatuor mell. Narbon. & sirup. capillor. vener. ana unc. unam. f. opiata

pro tribus aut quatuor dosib. in intermissione sumend.

Vel si ulterius metuatur æstus à febrifugo inferendus.

R E C. *Semin. quatuor frigid major. mundator. drach. sex aut unc. unam, terantur in mortar. marmor. sensim offundendo aq. font. libr. duas, paretur emulsio, in quâ bull. per horæ quadrantem cortic. peruvian. pulverat. drach. tres vel quatuor inf. deindè frigidè per horas aliquot, paretur infusum pro quatuor aut quinque dosibus tempore intermissionis exhibendis.*

At in tertianâ notha in usum vocari poterunt potentiora febrifuga, si morbus mediocribus non cedat, sed cùm cautionibus requisitis. 5°. Verùm cùm tertianæ Icterus supervenerit, tunc præcribentur apozemata diluentia febrifuga & leviter purgantia, quæ parabuntur ex cichorio amaro hortensi, vel cichorio sylvestri, pinpinella hortensi, radice oxylapathi, radice enulæ campanæ, scolopendrio, camæmelo inodoro, floribus persicorum, floribus camæmeli, rhabarbaro, cortice peruviano, cascarilla, sirupo florum persicorum, sirupo de cichorio composito, & similibus. Ità.

R E C. *Cichor. amari hortens. & pin-*

pinell. hortens. ana manipul. unum, scolopendrii fol. n^o. tria, camamel. inodori & fior. persicor. ana manip. semiss. cortic. peruvian. pulver. drach. duas. bull. cum s. q. aq. font. per horam ad libr. unam cola pro duab. dosib. in quarum primâ dilue sirup. de cichor. compositi unc. unam & semi. & in secundâ dosi dilue sirup. de cichor. simplicis, vel sirup. capillor. verner. unc. unam f. apozema pro duab. dosibus. quarum primam æger sumet mane jejuno ventriculo & secundam hora quarta aut quinta pomeridianâ. Uteturque iis apozematibus per tres dies, imò per quatur & sex si casus exigat.

Vel, si ad prædictas indicationes adimplendas potentior apozematum requiratur activitas additâ vi aliqua aperiente.

REC. Rad. oxylapathi unc. unam. rad. enul. campan. drach. duas, cichor. sylvestr. & pinpinell. ana manipul. unum, fol. scolopendr. n^o. tria, cancos fluvial. vivos contritos n^o. duos, mille pedes lotos vivos contritos n^o. decem vel duodecim, flor. camemel. & persicor. ana pugill. duos, rhabarb. contrusi drach. unam, cortic. peruvian. & cascarill. crassiusculè pulverat. ana drach. unam & semi. bull. cum s. q. aq. font. per horam ad libr. unam cola pro duab. dosib. in quarum prima dilue sirup. fior. persicor. unc. duas, & in secunda dosi dilue sirup. quinque ra-

*dic. aparient. unc. unam. f. apozema pro
duab. dosib. quarum primam æger sumet
mane jejuno ventriculo & secundam hora
quartâ pomeridianâ; protrahendo apozema-
tum horumce usum per tres, & si casus
exigat per quatuor, imò interdum per
sex dies.*

Dùm autem his utitur æger apoze-
matibus, china china nihilofeciùs aliis
horis & per vices requisitas exhibebi-
tur, si accessiones febris tertianæ contu-
maciùs redeant.

Quod ad cætera videatur in cap. 12^o.
Curatio generalis intermittentium.



CAPUT

DECIMUM QUINTUM.

*De Febre Dupl ci Terniana Intermit-
tente.*

IN eâ febre redit singulis diebus
accessio, ità tamen ut, quoad ho-
ram accessionis reditûs, accessiones
sibi diebus alternis respondeant, vel
etiam (quod contingit rariùs) alter-
nis diebus duplex accedat paroxys-
mus,

mus , prout in capite 2^o. fuit expostum. Eea autem febris ut frequens in praxi observatur , ità & duplex quotidiana , duplex aut triplex quartana rarò observantur. Duplicis tertianæ accessiones , quæ sibi imparibus diebus respondent , videntur sæpiùs inter se similes , ut & accessiones quæ diebus paribus contingunt ; non autem similes videntur adeò accessiones dierum imparium cum accessionibus dierum parium comparatæ , ità ut interdùm accessiones dierum imparium vehementiores sint vel longiores , & è contrà dierum parium.

Causa hujus febris videtur materia febrilis in stomachi colatorio ità hospitans , ut portio ejus alternis diebus è quibusdam & determinatis ductibus excretoriis eructetur , alia autem ex aliis ductibus excretoriis diebus intermediis adeoque alternis depluat in stomachum. Quapropter ea materia febrilis seu duplex considerari poterit tum ratione diversæ portionis colatorii eâ infarctæ , tum & sæpè ratione propriæ indolis & quantitatis , ità ut accessiones determinatæ vehementiæ & durationis ab unaquaque materiâ fe-

brili pronascentur ; quod mirum sanè videbitur , si consideretur constantia reditûs accessionis eâdem hora diebus alternis tùm imparibus tùm paribus contingentis , & similitudo quæ observatur plerùmque accessionum dierum alternorum , dùm in eo morbo singulis diebus excitatur accessio.

Febris hujus accessionum symptomata nunc febris tertianæ exquisitæ nunc nothæ symptomatibus præter propter similia sunt ; undè patet indoles hujus morbi materiæ febrilis , quæ proindè non eadem semper est nec eâdem quantitate evoluta & supeditata è foco ad accessionem excitandam ; ex quibus duabus circumstantiis traditur facilè explicatio symptomatum variorum in ægris diversis aut in eodem ægro sed in accessionibus quæ immediatè sibi succedunt , durationis diversæ accessionis , vehementiæ ejus diversæ.

Causæ remotæ sunt eadem ac specierum tertianæ , ex quæis tamen totum colatorium stomachale non afficitur æquabiliter sicut in tertianis simplicibus , quod sive ex agendi modo causarum remotarum , sive ex dispo-

sitione colatorii repetendum.

Diagnôsis ex capite 2°. tùm eis ,
quæ jam in hoc dicta sunt facillè sta-
tuitur.

Prognôsis & curatio ex capite 12°.
de intermittentibus in genere & 14°.
de tertiana febre facillè eruentur. Qua-
re ad quartanam properamus.



CAPUT

DECIMUM SEXTUM.

De Febre Quartana Intermittente.

FEBRIS Quartanæ cujus typum
& periodum in Capite 2°. tradi-
dimus , accessiones incipiunt cum os-
cillatione , pandiculatione & molesta
quadam totius corporis inæqualitate ,
quas sequitur refrigeratio vel horror ,
rigor autem in morbi progressu , qui
tandem magis progredienti in dies
morbo fit vehementissimus ; sed in
quocumque gradu fuerit frigus febrile
in quartana id non invadit subito sed

paulatim increfcit donec pervenerit ad
 fuum terminum , veluti cùm quis hye-
 mali tempore refrigeratur ; cùmque
 æger afficitur rigore fenfu afficitur
 non rei pungentis ut in tertianâ fed
 gravantis ac velut contudentis , imò ,
 præfertim quandò rigor vehemens fit ,
 quali confringentis offa , quos dolores
 græci vocant *Osteocopos*. Accedente
 Pyrexia calor paulatim succenditur , &
 in principio caloris frigus aliquod velut
 admixtum eft , neque ut in tertianis
 adurens fit ac æftuofus fed fub miffus
 terminatur tandem accessio fudore exi-
 guo primis diebus fed copiofiori in pro-
 greffu morbi & tunc pyrexia calor in-
 tenfior extitit ; fuccedit deinde apyre-
 xia feu intermiffio longa in quâ ægri
 sæpe non videntur ullatenùs ægrotare
 & ad confueta negocia redeunt. In eâ
 febre pulfus minùs frequens minusque
 velox eft quàm in aliis intermitten-
 tibus , tempore frigoris febrilis pluri-
 mùm depreffus eft & magis inæqualis
 quàm in cæteris intermitttentibus imò
 interdum languidus eft rarus & tar-
 dus , & licet in pyrexia fiat frequens
 magis & velox , is numquàm impe-
 tuofus exadit & valdè frequens & inæ-

qualitatem aliquam semper servat. Bilem non vomunt febre quartana affecti sed interdum sub finem frigoris aliquid spissi, quod tamen raro evenit. In morbi principio urina tenuis est & aquea, in ejus autem progressu colorata fit satis & crassior. Sitis, calor, dolor capitis, vigilia non adeò divexant ac in tertianâ, magis autem quàm in quotidianâ. Paroxysmorum durationes ferè ut tertianæ interdum longiores. Totus morbus diù durat per menses nimirum imò per annos, difficilèque cedit remediis, tunc obstructions viscerum cum inveterascit accersere solet, è quibus morbi plurimi graves.

Causa hujus febris continens est materia febrilis spissa satis & lenta, quæ in se plurimas non gerit particulas acres & activas, unâ cum sanguinis diathesi quæ ad lentorem vergit, particularumque activarum penuriam, seu vappescentiam.

Quamobrem 1º. cum ea materia in stomachi colatorio congesta propter particularum activarum paucitatem, difficilè ac lentè lique scat ideò velut torpida in eo diù manebit, undè lon-

ga erit intermissio , & plusquàm dies duo infumentur ad ejus liquefactionem , quò per ductus excretorios in ventriculum depluat , indeque statuetur periodus quartanæ. Cùm itaque lentè solvatur fluxilitatem in suâ totalitate non simul adipiscetur , undè portio quæ fluxilior in principio facta fuerit in ventriculum deplet in sanguinem transitura , ergò sanguis in principio accessionis parum inspissabitur ità ut accedat levis refrigeratio cum lento sanguinis per pulmones & musculos transfluxu adeoque oscitatione pandiculatione molestaque totius corporis inæqualitate seu obscura quadam anxietate. At cùm materia ea febrilis liquefacta segniter è colatorio ventriculi diffuat ac velut per portiones , ideò sanguinis inspissatio augetur gradatim adeoque similiter frigus febrile usquè ad horrorem & non ultra in morbi principio eò quod sanguis non inspissetur subito & à magna quantitate materiæ febrilis accedentis ut in febre tertianâ , proindeque per vasa capillaria non impediatur adeò ad transfluendum. Verùm in morbi progressu cùm ea materia febrilis è

colatorio per congestiones repetitas dilatato uberius & promptius profluat, ideò subito & abundanter in sanguinis vias trafibit, eâ subito & adeò inspissabitur sanguis ut in accessionis principio excitetur rigor. Jàm verò cum in febre quartanâ laborantibus sanguis jàm lentus sit & spissus, tùm vires cordis & vasorum sanguineorum non sint vegetæ ideò tempore rigoris multùm inspissatus sanguis difficillimè vasa minima percurreret in eisque multùm hærebit, undè sensus molestus gravaminis & contusionis in toto corpore; in periostæis autem utpote membranis valdè sensibilibus ac tensis sensus is excitabitur vividior si rigor intensior extiterit, qui sensus ad ossa relatus dolor est *Osteocopus* hoc est ossum frangitivus.

2º. Cum vires cordis & sanguiferorum imò & sanguinis ipsius vegetæ non sint, cum aliundè particulæ activæ paucae sint in eâ materia febrili, & sanguis & materia febrilis non subito sed paulatim solventur, undè pyrexiae calor paulatim accendetur, imò in ejus principio frigoris sensus identidem aliquis cum calore admixtus erit,

quòd in capillaribus nonnullis sanguis adhuc sit inspissatus. Cùm autem circulationibus repetitis materia febrilis erit soluta, quoniam nec in eâ nec in sanguine ipso abundant particulæ acres & activæ, sanguis non admodùm rarefcet nec æstuabit ut in tertianâ, undè calor ut in eâ haud excitabitur intensus ac deurens, is autem erit submissus; pulsus pariter nec magnus erit nec impetuosus nec valdè frequens, inæqualis autem percipietur quòd sanguis homogenè non solutus sit ob virium perfectè & vehementer solventium defectum. Pariter in frigore febrili cùm vires sanguinis trusiles in febre quartana affectis jam debiles sint & aliundè sanguis à materia febrili sat inspissetur, ea satis succumbent, quare pulsus sat depressus erit & inæqualis imò magis quàm in cæteris intermittentibus, quin & interdùm languescet adeò, ut rarus percipiatur & tardus; & sic in genere in eâ febre pulsus est minùs frequens minùsque velox quàm in cæteris intermittentibus, sed magis inæqualis.

3°. Cùm itaque in eâ febre minùs exagitetur sanguis minùsque rarefcet

& incalescat , patet etiam sitim , dolore capitis , agrypniam non adeò ægrum divexatura.

4°. Quod vero materia febrilis in ventriculi colatorio congesta fluat sub finem intermissionis in ejus visceris cavum non subito sed per portiones eaque (ut patet ex præfatis) acrem & bilefcentem non referat indolem , sed parum activam & pituitosam , ea profectò nec rationes quantitatis nec ratione qualitatis ventriculi tunicæ nerveæ molesta erit (ut ex rationibus contrariis molesta fit in febre tertiana) ideò & ingruente accessione & postea rarò continget vomitum excitari , ex quo , cum excitabitur , materia non bilefcent non multum sapida sed viscida tantum lenta à veteribus *pituitosa* appellata rejicietur , qualis nimirum è ventriculi colatorio suffecta est. Deducitur quoque ex eâ materiei febrilis indole sanguinem ingruente morbo jam parum vegetum in lentorem insignem ab eâ ducendum fore , corde de cetæro arteriis venis & quibusque villis contractilibus satis languentibus , ut antea fuit statutum , unde partes aqueæ è sanguinis textu lixiviosis particulis

parùm fætæ per renes fecernentur , indè urina tenuis aquea , quæ cruda dici consuevit , in primis accessionibus. Cùm autem per repetitas accessionum pyrexias exsolvantur ulteriùs è sanguinis compages partes lixiviosæ imò morbificæ crassæ , idcirco progrediente morbo in accessionibus præsertim in fine pyrexix pars aquea sanguinis lixiviosa multùm è renibus fecernetur , urinaque satis colorata crassa imò interdùm turbida mingetur. Ut autem circa urinas discrimina contingunt ità & circa sudorem , cùm enim in principio morbi sanguis non multùm adhuc fuerit exagitatus nec in primis accessionibus pyrexix vehementes sint adeò , ideò nec in accessionis fine multus prolicitur sudor , & è contrà (quòd nimirùm ex prægressis accessionibus sanguis fuerit exagitatus & aliquantùm solutus , tùm quòd pyrexix fiant deinceps vehementiores) progressu aliquamdiù morbo is manat copiosior. At cùm in febre quartana ob actionum omnium segnitiam uber adeò ut in febre tertianâ non colligatur in ventriculi colatorio materia febrilis , hinc quartanæ febris accessiones interdùm

non magis durabunt quàm tertianæ, licet illius materia febrilis segnior discussioni magis resistat, viresque cordis & vasorum debiliores lentius eam atterant discutiantque. Cùm autem in quartanâ uberior colligetur ac suppetabitur sanguini materia febrilis aut cùm vires vitales debiliores erunt, accessiones diutius protrahentur & accessionibus tertianæ longiores erunt, siquidem *accessionum quarumcumque febrilium durationes inter se comparatae sunt semper in ratione compositâ quantitatis & qualitatis febrilis tum & virium vitæ.*

Et ex eo theorematé fluit explicatio durationis (aut diversæ sive in eadem febre sive in diversis febribus aut ejusdem licet in diversis febribus) omnium accessionum febrilium & exacerbationum. Unde ponuntur sequentia corollaria.

COROLLARIUM. 1. *Si materia febrilis eadem sit tum quantitatis tum qualitatis ratione durationes erunt in ratione simplici virium, sed inversâ.*

COROLLARIUM 2. *Si vires vitæ eadem sint, durationes erunt in ratione compositâ quantitatis & qualitatis materiae febrilis.*

COROLLARIUM 3. *Si vires vitæ &*

*quantitas materia febrilis eadem sint ,
durationes erunt in ratione simplici quali-
tatis materia febrilis , nimirum prout ejus
spissitudo ac lentor aut acrimonia & mobi-
litas.*

*COROLLARIUM 4. Si vires vitæ eæ-
dem sint & qualitas materia febrilis eadem,
durationes erunt ut quantitates materia
febrilis.*

*COROLLARIUM 5. Durationes accessio-
num in diversis febribus eadem erunt ;
cum ex diversis rationibus simplicibus
memoratis comparatis fient compensationes
reciproca. Ità V. G. si vires vitæ in aliquâ
febre utpote vehementiores duplo velocius
discutiant materiam febrilem datâ quan-
tatis , vires vitales subdupla in aliâ
febre idem insument tempus ad discuti-
dam materiam febrilem subdupla quan-
tatis ; undè accessiones æquè durabunt
interdum in febribus licet diversa indolis.*

Et sic de ceteris ejusmodi quoad
accessionum aut exacerbationum du-
rationes phænomenis , quorum ex jam
traditis solutio facile erui poterit.

5°. Cùm materia febrilis quartanæ
spissa sit ac signis , tùm sanguis ver-
gat ad vappescientiam partibus activis
nimirum ac mucilagine tenui homoge-
neâ egenus particulis autem crassiori-
bus spissis parum mobilibus onustus ,
præterea cordis vires arteriarum vena-
rum

rūm ac villorum quorumvis vegetæ non sint , profectò materia febrilis attenuationi suæ ac discussioni per organa excernentia (quæ sunt renes , colatorium cutaneum & intestinale) multum resistet utcumque motibus febrilibus spontaneis ac naturalibus & quoque artificialibus per medicamenta procuratis fuerit pluries exposita , hinc morbus diū protrahetur per menses nimirum imò per annos , & inter chronicos sæpè erit recescendus. Tūm particulæ crassæ quæ subigi non potuerunt nec vi febris nec vi medicaminum in dies tenaciotes fient minùsque solubiles , quòd à prædictis febris , ac medicaminum viribus dissipentur necessariò particulæ tenuiores ac magis mobiles & fluxiles , destruaturque mucilago illa tenuis , quæ fluidis nostris velut menstruum proprium fluiditatem consiliat homogeneam ; imò cūm ex succis digestivis in eā febre spissis & inertibus è sanguine similis indolis pronatis digestionem procurentur debiles & imperfectæ etiam in intermissionibus , progenereturque chylus spissus , inæqualiter fluxilis , & particulis crassis onustus (qui nuncupari solet chylus

crudus) is quidem à viribus organo-
rum sanguineorum non corrigetur ut-
potè jam parùm vegetorum ; idcirco
particulæ crassæ in sanguine multipli-
cabuntur magis & magis in dies cum
cæteris malè permixtæ. Igitur tùm quòd
inveterascente morbo particulæ crassæ
& inertes multiplicentur , tùm quod
duriores segniores minùsque solubiles
fiant , continget in visceribus (utpote
organis delicatiori textu præditis &
fluidis abundanter irroratis) obstruen-
das sensim fore arterias lymphaticas
utpote sanguiferis minori vi minori-
que peripheriâ præditas & pari ratione
secretorios ductus fore obstruendos
oriendasque fore obstructiones tena-
ces , duras , adaucta visceris interdùm
mole ultrà modum ; hinc Skirri præ-
sertim jecinoris ac lienis , & moles
eorum viscerum aliquando stupenda
imprimis lienis , utpote valdè extensi-
lis quem ad viginti librarum pondus
exercuisse aliquandò observavimus.
Quæ sanè viscerum labes febre quar-
tanâ diù vexatis ut plurimùm contin-
gunt , iis autem potissimum qui diæ-
tam malè observarunt seseque cibis
aut abundanter aut iis crudis & indi-

gestis saginaverunt , ut & iis quibus peruvianus cortex nimis aut diutius fuit administratus , prout sæpe observavi , ab eo namque cortice ad solvendam penitus materiam febrilem utpote tenaciorem impotenti tenuius ac fluxilius materiæ febrilis tantummodo fuit attenuatum ac immutatum relictò crassiori indè minùs diluto duriorique proindè factò , cujus particulae deinceps plures sibi tenaciùs cohærent , crassioresque moleculas ac densiores efficiunt obstructionum necessariò procreatrices , ex quibus varia confectaria morbosa. Quoniam verò in tali sanguinis diathesi particulas aqueas minùs permixtas esse crassioribus ac velut ab eis sejunctas nimis esse , sæpe contingit , ideò sanguinis ponitur ut plurimum constitutio cachectica , ex quâ (positis etiam in visceribus obstructionibus) explicantur facilè hydropes , qui inveteratæ quartanæ succedere solent ; cui etiam succedunt interdùm febres lentæ , sive hæcticæ sint , sive lentæ symptomaticæ ex aliquo viscere suppurato , item ulcera in tibiis cachœthea prout in eis , sæpè observavi , qui juxtà stagna nostra falsa-

degunt , quique febris quartanæ neglectæ ac vetustæ plurimum obnoxiiis sunt ; imò ex eâ in pluribus fistulas observavi lachrymales ; quæ omnia ex sanguine parte mucilaginosâ tenui summè orbato & acri summoperè factò ab ejus febris duratione , obstructionibus , pravis digestionibus earumque confectariis facilè deducuntur ac explicantur.

Causæ febris quartanæ sive remotæ sive antecedentes sunt quæ ad lentorem & vappescentiam sanguinem disponunt , tum subsequenter ex in necessariò minorem vim cordis & sanguiferorum , digestionumque debilitatem ; ità ut accedentibus deinceps causis procatharticis febrium intermittentium in capite 12º. *de Febris intermittentibus in genere* , superius expositis progeneretur causa continens quartanæ antea statuta.

Sic 1º. autumnò , ac potissimum cum æstati feruidiori succedit , quartanæ producuntur sæpiùs. Ab æstatis enim prægressæ calore nimio partium ferosarum sanguinis tum mucilaginosarum tenuium plurimum fuit dissipatum ; ex eis jacturis sanguis evasit spif-

fus , minùs actuosus , vappescens , tum vires cordis & sanguiferorum languidiores factæ sunt , digestionesque debilitatæ.

2°. Utcumque quartana febris nulli parcat ætati , certum tamen est in ætate consistentiæ ac præsertim inclinante frequentius eam excitari , quòd iis ætatibus sanguis quàm antea spissior sit ac minùs vegetus , vires cordis & sanguiferorum minùs sint activæ , ac digestiones fiant debiliores.

3°. Protracta diù tertiana abit interdùm in quartanam , repetitis nimirùm & cum æstu magno febrili tot accessionibus dissipato sanguinis tenuiori tùm seroso , tùm mucilaginoso , tùm activo , imminutisque tandem ex morbi duratione cordis vaporumque sanguiferorum viribus , digestionibusque debilitatis , factoque sanguine spissiori ac velut vappido. Hinc & Febres ardentes , sicut tertianæ diù protractæ , præcipuè si utræque autumnum attingant , in quartanam sæpè desinunt.

4°. Vita curis ac tristitia affecta , aut studiis & gravioribus occupationibus dedita quartanæ productioni

locum etiam præbet , fit enim inde ut langueant vires circulationis sanguinis , sanguis spicescat cum lentore , chylusque crassus minusque elaboratus (digestionibus scilicet debilitatis) sufficiatur sanguini , qui etiam ulterius ab eo concipit vappescentiam.

Quartana ex descriptione ejus traditâ in hujus capitis principio cognoscitur , & à quavis intermittente distinguitur. Causæ ipsius sive antecedentes sive remotæ sive procatharticæ per relata quæsitæque innotescunt. An obstructa quoque sint abdominis viscera nec ne explorandum præcipuè per tactum.

Quartana , modò legitima sit , qualis est jam descripta , ac modò obstructionibus non laborent adhuc viscera , cæteris intermittentibus tutior est , intermissio enim cum longa sit conquiescit satis corpus viresque reficiuntur , ita ut æger videatur sanus & ad solita sæpè redeat negotia remediaque plura ægro sine corporis magna turba administrari possint. Accedit quod in accessione febrili vitæ non immineat periculum ut in tertiana , quòd nec frigus febrile

nec pyrexiaë vehementiores sint. Vidi-
 mus autem antea quæ ex frigore fe-
 brili vehementi intensâve pyrexia æger
 occumbere posset. At quartana spu-
 ria (in quâ nempe calor sitis vigilie
 aliaque symptomata graviora sunt)
 periculosior sanè est ; in ea siquidem
 sanguis magis ficcus est & acer ma-
 teriaque febrilis acrior naturam re-
 dolens atræ bilis , quam vocabant
 antiqui , eaque febris ad hecticam
 sæpè ducit & tabem præsertim senes
 jam ficos. Quartana obstructions
 viscerum sæpè accersit potissimum he-
 patis ac lienis ; & tunc fit periculo-
 sissima ; quòd non tantum eorum
 viscerum Skiri insanabiles sæpiùs pro-
 generentur , sed & quòd ex iis ob-
 structionibus superveniant hydropes
 ut plurimum lethales , aut ex tali
 statu cachectico (si accedat sangui-
 nis constitutio muriatica) pronasca-
 tur sæpiùs scorbutus contumax , cui ,
 prout pluries observavi , superveniunt
 ulcera in tibiis cacoëthea. Quartana
 omnium febrium longissima est , &
 sæpè non solum ad menses aliquot ,
 sed & ad plures annos extenditur.
 Sique per dies aliquot tempusve na-

tabilius compescatur , levi de causa reviviscit , sic ut morbus totus per longum tempus duret , nec sanatus dici possit , undè quartana inter morbos chronicos recensenda. Prædicta siquidem sanguinis dyscrasis in quartanâ auxiliis difficilè cedit , neque digestionem in eâ corriguntur facilè , neque obstructions viscerum cùm adfuerint facilè referantur , ægrèque discutitur colatorii ventriculi infarctus à materia lenta & spissâ febrili , quo laborat semper in ea febre illud colatorium. *Æstivæ quartanæ sunt breviores , autumnales verò longæ , maxime quæ non procul sunt ab hyeme. aphor. 5. sect. 2.* Materia siquidem febrilis æstate mobilior est , & faciliùs attenuari ac discuti se patitur , autumno lentior & attenuationi magis resistit , multò que magis hyeme. Hinc quartanæ autumnales vix sanantur nisi vere , quâ quidem anni tempestate humores animalium ac vegetabilium succi fluxiliores fiunt , ità & pariter materia febrilis quartanæ torpidior hyeme adhuc facta vere accedente fit magis mobilis & discuti potest per medicamenta. Sunt tamen

quartanæ quæ resistunt per annos ,
adeò spissa tunc est materia febrilis
vel vires vitæ debiles , adeò laborant
tunc obstructionibus viscera & adeò
labefactatum est ventriculi colato-
rium , ut spicescat in eo admodum
materia febrilis , fiatque contumax.
Vulgò traditur eundem hominem bis
in vita quartanâ non affici , verum
illud est vulgi error , constat nam-
que observatione eundem hominem
bis ac ter quartanâ per vitæ curri-
culum laboravisse.

Quartana tandem liberat interdum
à quibusdam morbis chronicis , quod
etiam testatur Hippocrates *in libr.
epidem. & in aphor.* Cùm illud eve-
nit , tunc materia quæpiam morbi-
fica lenta eos morbos procreans ad
ventriculi colatorium fuit reducta ,
ex cujus affectione producitur mate-
ria febrilis quartanæ. Ità scabies re-
tropulsa fit interdum causa quarta-
næ , cùm nimirum materia viscida
& acris calatorium cutaneum deserit ,
& in colatorium ventriculi à sangui-
ne suppeditatur ; hinc verò scabie
iterum apparente sanatur quartana
quod ea materia morbifica iterum

ad colatorium cutis tunc suppeditetur à sanguine , relicto colatorio stomachali libero. Verùm exempla mutationum morborum per mutationem loci affecti à materia morbificà satis familiaria sunt , nec de humorum peccantium metastasi jam disquirimus.

In febre quartanâ diætâ non adeò tenuis præscribenda est ac in cæteris intermittentibus propter morbi longitudinem ne consummatur æger , ducaturque in febrem hecticam , tantò magis quò , cum quartanæ intermissio longa sit & sat insumatur temporis antè quàm accessio altera superveniat , ventriculus non laborat admodum per duos dies (laborat namque semper ventriculus in intermittentibus quibusvis etiam tempore intermissionis , quidquid in contrarium asserant nonnulli , idque ex eo probatur quòd eo tempore congeratur paulatim materia febrilis in ventriculi colatorio vel etiam in cavo hujus visceris prout nonnullis placet , ac proindè ventriculus in intermissione numquam perfectè se habeat ad digestionem rectè peragendas , utcumque æger interdum tunc benè appetat ali-

menta , digestionum siquidem perfectio semper non respondet alimentorum appetitui , ut probari posset infinitis exemplis inter quæ afferre sufficiat plurimas epileptias arthritides ac cæphalæas aliosque morbos plures recurrentes sive per periodos sive erraticè ex vitio ventriculi ejusque digestionum , in quibus extrà paroxysmum sive accessionem ægri plurimi benè alimenta appetunt , videnturque perfectè sani ideò duobus illis diebus à febre liberis æger nutriendus est ossis pauco pane & jusculis ; at ipsis accessionis diebus sumet tantum juscula. Potus erit aut decoctum radicis graminis vel radicis cichorii , aut ptisana capillorum veneris , duobus autem diebus à febre omninò liberis vinum concedi potest sed aqua temperatum.

Venæ sectio in quartana multum locum non habet , quare semel venam secuisse , & quidem semper in pyrexia accessionis quam primò observat medicus sæpè sufficiet ; hæc tamen iteranda sed cum prudentia in alia accessione quâvis , si nimirum pyrexia extiterit vehementior , timea-

turve ex ea visceris cujuspiam inflammatione.

At siue sanguis fuerit missus siue neutiquàm, ad purgationem quanto cyùs deveniendum est, & quidem, si nihil obstat, primâ intermissionis die instituendam. Jàm verò si signa adfuerint saburræ turgentis in ventriculo purgandus erit æger utique per vomitum & quidem vel vino sti biato vel tartaro emetico, vel radice ipecacuenhæ pulveratâ, quorum emeticorum formulæ traditæ sunt in capite de febre malignâ. Inter autem emetica præfero sæpiùs in eo casu ipecacuanham pulveratam à granis viginti quinque ad triginta quinque exhibitam, quòd præter vim emeticam in eâ radice vis insit præstans ad incidendas materias pituitosas, quæ in quartanâ obsident ventriculi cavum ipsiusque colatorium, ac postmodùm in recessu vi quadam astringente ipecacuanha ventriculum roborat. Valet & quoque inter emetica in quartanâ radis azari, quæ non tantùm vomitum ciet, sed & quæ ventriculum calefacit & roborat. Ità.

REC. rad. azari contrita drachm. duas,

duas, inf. per noctem in vini rubri unc. tribus vel quatuor f. infusum mane sumendum.

Postridie exhibitionis alicujus ex istiusmodi emeticis, die nimirum intermissionis secundâ æger purgabitur potione cathartica. Ita.

R E C. sem. mundat. drachm. duas; rh. el. & sal. vegetabil. una drachm. unam, summit. chamadr. pugill. unum inf. in f. q. aq. font. & in calatur. unc. sex dissol. mann. calabr. unc. duas, f. p. mane sumend. cum regimine.

Verum si saburra in ventriculo non evidenter turgat incipienda erit curatio per cathartica, quæ quidem primâ die intermissionis, si medicus jam fuerit advocatus, vel saltem secundâ præscribentur; verum acuetur potio cathartica tartaro emetico. Ita.

R E C. senn. mundat. drachm. duas. rh. el. drachm. semi sal. vegetabil. drachm. unam. semin. contra pulverat. pugill. unum. inf. in f. q. aq. font. & in colatur. unc. sex dissol. mann. calabr. unc. duas tartar. stibiat. solubil. gr. duo vel gr. tria. f. p. mane sumend.

In sequenti Intermissione ad alterandum materiam febrilem per febrifugatum ad evacuandam eam sequentia præscribentur apozemata.

R E C. folior. borrag. & cichor. ana manipul. unum. fumar. manip. semi. flor. camamel. p. jj. cortic. peruvian. pulverat. drachm. unam & semi. cascarill. pulverat. scrupul. duos. sal. ammoniac. scrupul. unum. rad. polypod. quercin. unc. unam. epithimi pugill. unum. rhabarb. contus. drachm. unam. bull. per horam cum s. q. aq. font. ad libr. unam. cola pro duab. dosib. in quarum primâ dilue sirup. rosar. pallidar. unc. duas. & in secundâ sirupi de quinque rad. oper. drachm. sex. f. apozemata. primum apozema sumetur mane jejuno ventriculo, secundum hora quarta aut quinta pomeridiana.

Æger sumet apozemata duo præscripta tum prima intermissionis die, tum secundâ.

In sequente intermissione æger purgabitur potione catharticâ jam præscriptâ, at demendo ab ea tartarum emeticum si matheria non turgeat, vel si vires ægri imbecilles sint.

In sequente intermissione præscribetur cortex peruvianus pulveratus cum sale ammoniaco vel etiam agarico; imò radice iridis florentinæ. Ita.

R E C. China china pulverat. drach. unam. sal. ammon. pulverat. gr. octo vel decem. m. f. pulvis ex aqua cichor. vel card. benedict. unc. tribus exhibendus.

Vel, si simul alvus laxanda sit.

REC. Cortic. peruvian. pulverat. drach. unam. rh. el. pulverat. gr. triginta agaric. pulverat. gr. decem. m. f. pulvis similiter exhibend.

At si potentiùs exigatur febrifugum, quod à nonnullis pro arcano venditur.

REC. Cortic. peruvian. pulverat. drach. unam. rad. irid. florent. pulverat. gr. duodecim vel quindecim agaric. pulverat. gr. octo vel decem. m. f. pulvis eodem modo exhibendus, vel etiam ex aqua fontanâ.

Quivis autem è prædictis eligatur pulveribus, is quidem saltem bis exhibebitur in die, & quidem utraque à febre liberâ. Et sanè usus ejusmodi pulverum in subsequenter aliis duabus intermissionibus prorogari potest.

Si autem exhibitis per duas tresve intermissiones eis pulveribus accessiones nihilominus redeant, æger erit potione catharticâ purgandus, tùm deinceps sequenti utetur opiata.

REC. China china pulverat. drach. duas, cascarill. & rh. el. pulverat. ana. drach. unam. rad. ireos florent. & agaric. pulverat. ana drach. unam & semi sal. ammon. & abfint. ana scrupul. duos. jalapp. & scammon. pulver. ana gr. triginta. flor.

*camamel. & rad. gentian. pulverat. ana
scrupul. quatuor. cum f. q. sirup de cichor.
composit. f. opiata molis pro usu.*

Æger sumet hujus opiatæ drachmas
duas mane jejuno ventriculo singulis
diebus à febre omninò immunibus ,
horaque elapsa hauriet jusculum ci-
chorio alteratum. Protrahetur autem
usus hujus opiatæ quousque non am-
plius redeat accessio. Deindè verò ab-
solutâ febre per dies aliquot ut per
quinque vel sex æger sumet hujus opi-
atæ drachmam mane jejuno ventriculo
cum prædicto jusculo.

Loco autem hujus opiatæ præscribe-
tur ægro decoctum illud elegans & po-
tens febrifugum in fine capitis 12. des-
criptum.

Jam verò si obstructionibus laborent
viscera tunc utendum opiata aperiente
febrifuga & purgante ibidem descrip-
ta. Quoad reliqua consulatur idem ca-
put 12. de febribus intermittentibus in
genere.

FINIS.

INDEX

CAPITUM.

CAPUT I. De Febre in genere ,	page. 1
CAP. II. De differentiis Februm.	30
CAP. III. De Febre Ephemerâ seu Diareâ.	38
CAP. IV. De Syncho imputri.	43
CAP. V. De Febre Putridâ.	52
CAP. VI. De Febre Malignâ.	93
CAP. VII. De Febre Ardente.	141
CAP. VIII. De Febre acutâ humoralis symptomaticâ.	165
CAP. IX. De Febre non humoralis.	171
CAP. X. De Febre hecticâ.	189
CAP. XI. De Febre lentâ symptomaticâ.	223
CAP. XII. De Febris intermitten- tibus in genere.	241
CAP. XIII. De Febre quotidianâ ,	259
CAP. XIV. De Febre tertianâ.	281
CAP. XV. De Febre duplici tertianâ ,	300
CAP. XVI. De Febre Quartanâ.	303

